

二十四史九通政典類要合編

皇朝

第 五 冊

新子學

PDG

二十四史九通政典類要合編卷二百九十八

皇朝六

食貨

市糶

周禮司市之法以泉府同貨而斂賒原以爲酌盈劑虛之制後之言事者遂置平準立均輸藉口於泉府之法則失周制之遺矣我國家以時久厥庶民凡陳肆辨物皆因商民所便時地所宜未嘗設立專官而通工易事經邦柔遠之規無不裁成盡善自世祖章皇帝奄有九宇盡革明季召買諸弊禁王府商人滿洲王公大臣家丁莊頭不得出外貿易其供億內府之需靡不當官平市厚給價值並嚴飭內外臣工毋得攤買尅扣收量有式糜費有禁市價有經至於牙行侵蝕居奇既飭之以明條尤曉之以德意以故泉貨溢於寰中刀布流於域外至於市舶之制我國家受命之初高麗琉球率先表貢他如紅毛日本暹羅呂宋噶喇吧諸國遠隔重洋莫不獻琛納寶願效悃忱列聖撫綏懷柔德威並著緣其職貢以通其貨賄寬減稅額以豐其生息厚加賚賞以獎其忠誠又爲之核驗官符譏察內匪是以前藩莫不懷畏百餘年來遐邇皆梯航恐後若乃西北茶馬之市行之既久邊氓番族胥享其利過者新疆底定版章式廓二萬餘里因而度地開墾因中置市先之以官辦次之以招商斗斛權衡一稟部慎法制皇哉大一統之闕規蔑以加茲編次仰見我國家阜成兆民有互市交通之便而無商賈權井之術焉

通典

順治元年定貿易人參例諭戶部比因東來之人借黨人參名色擾害地方特行嚴察究治但小民恃貿易爲生未便禁止惟當設立科條使之遵守以後人參止許於南京揚州濟甯臨清四處開肆貿易一應滿漢人民或商或買各聽其便儘市易不平致行搶奪以及虧值勒買等項地方官卽執送京師治罪

通考

二年令各莊頭採買芻糧毋得勒價強買又申江南蘇杭各處機房組織惡薄之禁四年罷粵東雷廉二郡採珠役五年禁止諸王府商人及旗下官員家人外省貿易六年申定貿易人參人科條嗣後止許在京均平市易永爲定例

康熙九年議定部駁核減銀兩出自民間辦買者概行給還戶科給事中姚文然言各省辦買豆米草料等項俱當官發價其藥材銅鐵絹布絲綿白蔴魚膠顏料等項俱係民間辦買交官價係官發則部駁核減銀兩自應追還貯庫若出自民間駁減之後仍追銀貯庫實爲重困請嗣後將減價銀兩概行給還下部議行

以上通典

十四年禁里攤之弊戶部議湖廣道御史郝浴奏言招買軍需名爲市易實係里攤比及發價或貪官層扣或蠹吏互侵未必盡得實價嗣後軍需糧料如小民情願抵納正賦者卽行給與印票備有里攤情弊該督撫據實指名題參嚴行處分應如所請從之 十七年禁止滿大臣霸占行市木場時內大臣伯索尼遜 論上言聞各省商民捆載至京者滿洲大臣家人出城迎截短價強買如此

則商人必畏縮而不敢前甚非盛世所宜有也邊外之木皆係商人僱民挖伐水運解部除照額抽稅外其餘悉令發賣實欲利及商人今聞諸大臣將採木地方私行霸占以致商不聊生並請嚴行禁止從之

通考

十八年嚴備辦軍前草束米豆等項營私射利浮冒開銷之禁違者照貪婪例治罪又定凡包衣下人王貝勒貝子公大臣家人領貨私占關津生理及王大臣以下各官將銀借貸與民指名貿易者分別治罪有差十九年遣侍郎伊昌阿會同廣東巡撫清釐從前藩下侵占市廛歸民貿易其藩下私布私稅銀兩令充國賦以濟軍需二十二年令戶部給發執照聽渾河運木至天津貿易二十四年以光祿寺估計物價頭緒繁多令凡應買各物俱照時價估計定爲條款嗣又以核減太多恐累商戶 諭大學士等再行斟酌隨時估計

通志

三十二年停減各省解送物料戶部遵 旨上言各省解送物料共九十九項京中無貨買之物應令照舊解送外查所解印書紙張庫內現有存貯白銅無應用之處應停其解送青粉等三十八項價值并腳價合算比在京師較貴應停其外解照時價在京採買應用或遇時價騰貴辦買不得者具題行令出產處解送從之 四十三年敕部造鐵斛升斗頒發直省先是 上諭大學士九卿等

曰各省民間所用斗斛大小各別此皆牙僧平價之人牟利所致又升斗面寬底窄若少尖量卽致浮多稍平量卽致虧少弊端易生職此之故嗣後直隸各省斗斛大小應作何畫一其升斗式樣可

否底面一律平準至盛京金石斗關東斗亦應否一併書一爾等議奏於本年五月大學士九卿議查順治五年戶部將供用庫舊存紅斛與通州鐵斛較紅斛大鐵斛小將紅斛減改永爲斛式順治十二年鑄造鐵斛二十具一存戶部一貯倉場直隸各省皆發一具今應令工部照部中鐵斛鑄造七具分發 盛京順天府五城外其升斗俱改底面一律平準各造三十具分發直隸各省永遠遵行 盛京金石斗關東斗皆停其使用從之至是復 諭大學士及戶部尚書等曰戶部呈樣之斛與升斗朕俱注水詳加測量其樣升上下四角寬窄不均算積數見方得三萬一千三百八十二分有零其樣斗上下四角寬窄亦不均算積數見方得三十一萬六千七百六十四分有零其樣鐵斛算積數見方得一百六十萬分其數不相符合性理大全嘉量篇第十二內每斛積一百六十二萬分與今之鐵斛較多二萬分因鐵斛用之已久不可輕改是以依今之鐵斛五斗爲準造新樣斗一具方徑八寸深五寸積數見方得三十二萬分又造新樣升一具方徑四寸深二寸積數見方得三萬二千分若依此樣十升一斗五斗一斛毫釐不差 諭畢因出新樣銅斗升付戶部堂官等令照式以鐵爲之 謹按帝王均平天下治莫先於律度量衡王制若合符節而所謂同之正之者其法不傳我 聖祖仁皇帝天縱生知特取部造斗斛 親加測量的古準今垂爲定式於是五量用嘉九臻其極矣

通考

雍正十一年諭直省督撫飭令各藩司將各省牙帖因地制宜著爲定額報部存案不許有司任意

增添致姦牙恃爲護符把持爭奪抽分利息令商民交受其累嗣後祇將各牙退帖頂補處查明換給新帖再有新開集場應設牙行者酌定名數給發亦報部存案時河南地方出產焰硝之處小販經紀往往以雜物零星易換赴鄰省售賣是年令該督撫飭令各屬實力查禁又以淮關上下凡河路巨米貨船有重載至關口須用小船起剝者土棍輒恃強代雇勒索而河工官員亦每於裝運工料差役封船胥役借端騷擾及三汛搶工則稱裝運緊急物料甚至將重載客船勒令中途起貨者

飭令嚴行禁止

通典

十三年禁各省採辦貢物價短累民之弊 諭旨自古地方官員有進獻方物之禮蓋以將其誠意而爲君者鑑其意而酌納所以爲堂簾之誼聯上下之情也朕卽位以來亦循照舊例間有進獻珍寶古玩者朕概降旨停止鎮臣中亦有隨督撫進獻者朕皆諭止之至於所獻之物備隨時賞賜內外臣工以示家人一體之意並非朕所需用而收貯內府也雖臣之效忠於上君之加恩於下不在乎此然亦儀文禮節之一端所以歷來未廢凡爲督撫者旣以此將其誠悃則當厚其價值俾官民歡欣從事方爲事君盡禮之實心乃朕向聞有特上司體勢發價減少者以致民間視爲畏途如榆次不敢種好瓜肅南長植好桃外間傳爲話柄近聞福建採買甘果有短價累地方官之處則與君臣聯接之本懷大相違背朕豈肯爲此無益之儀文而令承辦之微員貿易之百姓或受擾累或以貢物而累及閭閻萬萬不可卽或交與屬員代辦而令其暗中賂補是又假公濟私收受賄賂之巧

術也似此食用微物朕發價市買何所不得豈肯絲毫累及地方可通行曉諭自接奉此旨為始著將從前貢物之數再減一半倘仍蹈舊轍朕必將各省貢獻之例全行停止通考

乾隆元年諭順天府五城通行曉諭商人毋許增長物價巧取兵丁營運銀兩二年申明商人居奇勒價之禁三年定直隸宣化府屬採辦每歲需用楊木長柴令出產之懷來縣承辦以專責成其辦解之資仍按數動用正項造入地丁冊內報銷先是安慶按察使張坦麟言牙行侵吞客商銀兩雖值農忙亦准告理追給奉 旨發與各省督撫閱看回奏尋議應如所奏但牙行領帖時應令地方官查明取具保鄰甘給不得濫行給發從之通典

四年以直省牙行歲增 詔令各督撫嚴加核實於是定牙行之例凡鋪戶拖欠商本追繳本牙行帖勒令鋪戶清完其不足之項牙行賠補如牙行侵蝕者並責互保牙行攤賠舊例仍充經紀取同牙行互保一人出具殷實良民互結至於以後客之貨拋補前客之欠移弱客之貨代償強客之欠准互保先行舉首免其治罪

容隱者責令分賠其牙行內同事人侵吞客本均律以牙行侵吞之例尋又奉 旨外省衙門書役多有更名捏姓兼充牙行交部定例治罪地方官失察徇縱亦均論罪通志

五年定各省開報物料價值之例先是奉 諭旨據工部奏稱直隸山東甘肅等省開報城磚石灰等項價值較原定之價或少一倍或少數倍前後多寡甚覺懸殊請將原定價值浮多欸項行文各省督撫確查本處實價一一更正凡類此等欸項一併查改報部等語朕思今日開銷之價值既大

減於前則從前所報之價顯係浮開工部何以不行指參而但請行查改正夫前此所開之價既不
足憑則此番改正之價又豈可以爲據乎假有狡猾之人以開價少者爲錯誤多者爲實數該部又
何以辨其虛實耶總之百貨價值原屬隨時增減各省不同一省之中各郡縣亦不盡一今預定數
目永遠一例遵行則價賤之年必有餘貨以飽官吏之私囊弊在侵漁錢糧爲害尙小若價貴之年
採辦不敷勢必科派閭閻弊在苦累百姓爲害甚大惟在各省督撫留心訪查詳確綜覈既不使承
辦之官員恣意浮冒虛糜國帑又不至苛刻從事過於減少貽累官民庶爲公平之道又豈預立成
式所能杜絕弊端乎其應如何酌量定例之處著大學士九卿會議具奏尋議雍正八年因各題銷
事件未有一定成規止憑頂案銷算頂案不能畫一胥吏得以上下其手經工部奏請行令該督撫
等將修造工程緩急物料貴賤悉心查訪市價題明定議嗣據各該督撫等陸續造冊具題經九卿
會議題准頒行并聲明嗣後時價偶有低昂必應增減者於奏銷案內據實聲明在案臣等請將各
省所造冊籍仍存工部以備參考嗣後凡一應修造工程不必拘泥定價所需物料令承辦各員悉
照時價確估造報工竣之日另委員查勘取具並無捏飾印結詳報該督撫等詳細核明據實題咨
到日工部再行核銷倘承辦各員浮開捏報該督撫卽照冒銷錢糧例指參如所委員查驗不實亦
卽以扶同徇隱例參處至京城物料以及顏料等項價值定例有年復以雍正十二年經工部會同
內務府確訪時價酌中更定似無過寬過刻之處卽時價倘有低昂亦令承辦之員據實聲明工部

就近查訪酌量辦理從之 二十八年酌定順天府屬牙行事例向例在京各項經紀一牙一帖統計額缺八百九十一名例由順天府通判管理遇有事故懸缺報明府尹衙門募補復定爲五年編審一次將各牙實在情形查明報部至是戶部侍郎管府尹事錢汝誠言上年歲底正屆編審之期據通判呈稱各牙定額多寡不一現在綢緞桐油棉花藥材等行帖多貨少懸缺六十四名乏人充補白炭江米豬肉酒石灰銅鉛錫等行帖少貨多分派城市不敷許價此細彼盈難於酌劑總緣各行地處 京畿商賈輻輳貨物消長未能一定伏思官設牙行原令其平較市價以杜商民爭執之端今綢緞等行經紀貨少帖多懸缺乏人充補而白炭等行經紀又以貨多帖少一人司平數市不獨難以兼顧亦易恣其居奇且恐奸棍私牙從中影射各經紀每以貨積難售紛紛呈報情願領帖承充又以格於定額不敢加增是以臨時每致有估值之爭過後復徒滋負欠之控似應隨時體察量爲變通請將現在懸帖六十四張發司查銷所遺懸額卽於貨多帖少之行准其認補飭司給帖總不得逾原定牙帖八百九十一名之額仍將陸續募補之行次隨時造冊報部查核并請嗣後屆編審之期遇有應行變通者因時酌量通融辦理部議應如所請從之

通考以
上市易

宋以前互市之制其詳靡得而記自宋開寶後始置市舶司榷場博易場沿革詳略具載馬端臨考至前明末代抽稅過重防奸則疏以致大啟海氛公行抄劫吳越瀕海州郡數被其害我 國家威德遠播四裔咸賓受 命之初高麗琉球率先表貢暨平臺灣島夷失其故巢懸命中國 聖祖皇

帝因包荒而無有之歸化漫取東南舟楫之區商漁樂業鯨波不驚少鳥雲帆目極無際各島如呂宋噶喇吧日本紅毛紅毛之種數十向所謂出沒煙濤莫知其踪跡者皆已按圖可指就中佛郎西荷蘭暹羅等國為首面內不揮越數十更以來其他小弱附景希光者又不在此數於是採其職貢以通其貨賄立之期會以均其勢逸寬減稅額以豐其生息厚加賞賚以作其忠誠而又核驗官符譏禁內匪弛張互用畏慕滋深此今日市舶之所以盛也若乃西北茶馬之市行之已久強無凌弱眾無暴寡邊氓番族胥享其利蓋百餘年於此矣 皇上綏懷萬方廟滿大蕃耕墾徧於寰中泉布流於域外大宛善馬弗求自徠于闐夏玉不脛而走初非與為市而得之者近則准哈薩克之請開烏嚙木齊之市先之以官辦次之以招商時地交宜遠邇利賴繼自今誠浮索引國之滋相望大一統之闡規至是陵以加矣

順治二年設張家口古北口章京時命哈薩克哈駐張家口滿都布魯駐古北口 諭之曰爾等駐

防之地凡外藩各蒙古來貿易者俱令駐於邊口照常貿易毋得阻抑其喀爾喀部落來市馬者令

駐於口外申報戶部又定陝西以茶易馬之例以上通考

十一年准暹羅貢使所攜貨物願至京師貿易者聽其自便其願在廣東貿易者督撫委官監視十

三年准荷蘭國及吐魯番貢使在館交易十八年又准暹羅喇嘛及根都白吉於北勝州互市通志

康熙二年停止朝鮮國王開送貨物印文凡外藩貨物有該國王印文開送者准其貿易朝鮮陪臣

三國印文開送者准其貿易

二十四日... 下八應山等帶貂皮一百張印文內並未開載經禮部奏聞得 旨免其議罪交易貨物聽其隨便
攜帶至日報部於會同館交易該王印文著停止應禁之物回時令邊關官員詳細嚴察

考

二十二年令厄魯特噶爾丹博碩克圖來使酌量數入進關其餘聽在張家口歸化城等處交易事
畢隨即遣回時阿達哈哈番瑪拉等以茶布往征羅利軍前市易 上諭茶布不必攜往可於戶庫
支銀四千兩量買請物馳驛抵該地換取牛羊糴米以備軍需二十八年暫開甯夏等處互市先是
領侍衛大臣索額圖等與俄羅斯來使議定分界事宜至是遣官立碑於界凡一切行旅有來往文
票者許其貿易不禁自是遣使通貢互市不絕 三十二年以日本洋銅鑄裕令安徽江蘇浙江江

西等省各商攜帶綢緞絲斤糖藥往彼處市銅分解各省每歲額市四百四十三萬餘斤

通志

三十六年准那爾多斯於定邊花馬池平羅城貿易鄂爾多斯貝勒松阿喇布言向准 旨等於橫城
貿易今乞於定邊花馬池平羅城三處令諸蒙古就近貿易 上命大學士戶部兵部及理藩院會

同議奏尋議應俱如所請令貝勒松阿喇布等及地方官各自約束其人勿致爭鬪從之 又准朝

鮮國於中江地方貿易米穀朝鮮國王李焞言請於中江地方貿易米糧奉 諭旨朕撫馭天下內

外視同一體朝鮮國王世守東藩盡職奉貢克效敬慎今聞連歲荒歉百姓艱食朕心深為憫惻今

盛京積貯甚多著照該國王所請於中江地方令其貿易是月遣戶部侍郎員和諾往奉天督理朝

鮮糴米事務尋戶部遵 旨議言奉天米石運至中江貿易應令殷實誠信之人取具地方官印結

前赴奉天領米輓運照時價交盛京戶部所賣米不許過倉石二萬石其朝鮮進貢來使有買穀帶去者聽又鹽商張行等呈請情願前往朝鮮貿易應令將銀買倉米二萬石運往俟朝鮮歲稔時停止此時運往米石令伊國將所產之物酌量兌換從之 四十一年遣官偕喇嘛監督打箭爐貿易喇嘛達木巴色爾濟郎中舒圖員外鐵圖等往打箭爐地方監督貿易 上諭之曰爾等至彼即將奉差情由移文第巴須文辭明悉令彼速遣大喇嘛來監督貿易倘若遲滯將我等撤回永遠不得貿易矣其稅銀不取於彼就我國商人征之不可專以稅額爲事若立意取盈商賈不至與禁止何異此項錢糧不多勿以此注念又 諭達木巴色爾濟曰爾移文第巴其辭須云爾等務遵旨行事倘若有違不但無益爾等卽我喇嘛亦無益處達木巴色爾濟奏曰倘第巴不將厄爾得尼濟農解至則臣不令其人貿易濟隆胡士克圖與青海人取係我 朝之人令其照常貿易 上曰俱令照常貿易 五十七年議外國夷商聽照常貿易令沿海官不時防衛兵部議覆兩廣總督楊琳疏言據原任碣石總兵官陳昂條奏臣詳察海上日本暹羅廣東噶喇吧呂宋諸國形勢東海惟日本爲大其次則琉球西則暹羅爲最東南番族最多如文萊等數十國盡皆小邦惟噶喇吧呂宋最强噶喇吧爲紅毛市泊之所呂宋爲西洋市泊之所而紅毛一種奸究莫測其中有英圭黎干絲蠟和蘭西荷蘭大小西洋各國名目雖殊氣類則一惟荷蘭西一族兇狠異常且澳門一種是其同派熟悉廣省情形請令督撫關差諸臣設法防備或於未入港之先查取其火礮方許進口或另設一所關

東夷人每年輪流貿易不許多船並集查外國夷商利與中國貿易而夷商懽服有素數十年來沿習相安應聽其照常貿易將該總兵所請查取火礮另設一所關東輪流貿易之處無庸議請於夷船一到之時令沿海文武官弁晝夜防衛使其懽服無致失所應如所請從之

雍正三年令青海諸部落移於河州松潘西南等處隨時貿易議政王大臣等覆准奮威將軍岳鍾琪疏言大將軍年羹堯奏定前例青海與內地之人每年於二八月貿易兩次擇定納喇薩喇地方爲交易之所經議政大臣議改四季交易已覺寬容今查親王察罕丹津公拉扎卜等請台吉部落居住黃河之東切近河州去松潘亦不甚遠向來原在河州松潘兩處貿易今若令於納喇薩喇二處恐不足供黃河東西兩翼蒙古易賣莫若仍令在河州松潘貿易終覺穩便河州定於土門關附近之雙城堡松潘定於黃勝關之西河口此二處俱有城堡房屋地方寬闊水草俱好利於互市可爲永久再查郡王額爾德尼額爾克托克托霖郡王色布騰扎勒等請台吉部落住牧黃河西邊相近西南請將貿易之地移在西南口外丹噶爾寺至蒙古貿易全藉牲畜每在六月以後請每年不定限期仍聽不時貿易則蒙古商販均獲利益矣從之

以上通考

乾隆二十二年議定甘省口外哈薩克交易事例先是本年十月將軍兆惠富德等言阿布賚請將馬匹赴烏嚕木齊貿易經大學士等議以烏嚕木齊路程寫遠商販稀少難以聚集且初次辦理未能熟悉夷情莫若官爲經理俟試行一二年後定有章程再行招商承辦至是陝甘總督黃廷桂言

烏嚙木齊距內地爲遠脚費浩繁重於貨本查烏嚙木齊與吐魯番相近此地運貨既便又有屯種官兵彈壓照料不須多派交易之處似應於吐魯番爲妥再明歲交易止換馬匹哈薩克人等遠來所帶如有駱駝牛羊亦係軍營需用請一體收買其應需緞匹內府撥解綠色精良而官辦之後仍須招商恐成色略減現請於陝甘採買各色緞二三千匹已足敷用至茶封則哈密現存茶七萬八千餘封爲數頗多布疋則巴里坤現存自哈密購買之雜色梭布三百對京莊布一千七百匹即可運往選委道員同知各一員并派副將酌帶備弁挑派兵丁一百名押運如有小本經紀願隨前往各聽其便下軍機大臣議尋議准烏嚙木齊距巴里坤雖遠而以哈薩克之至烏嚙木齊計之則又不啻數倍前據阿布資所請業經奉 旨酌定准其在該處貿易似不應又行更易地方以失信於遠人且臣等原議原因烏嚙木齊商販難至是以暫令官辦卽云運費倍於貨本原可按其運費加定價值況哈薩克越在荒服而吐魯番近接邊陲建有城堡屯田較之烏嚙木齊之地方空闊可以隨處開列市集者不同若令貿易夷人往來於吐魯番恐吐魯番回民或有私相交易等事未免轉致滋擾應照原議仍在烏嚙木齊貿易用昭大信至於收換馬匹專爲軍營備用如驢馬之外或有隨帶騾馬亦可酌量准收至駝牛二項哈薩克出產本少或有隨帶羊隻等畜足供軍需者自應一體收買其餘疲瘦牲畜及一切雜貨雖不應准其貿易但念夷人攜帶遠來或量爲減價收留以示節制緞匹一項應如所奏辦理茶封布匹尤係哈薩克人眾必需之物自應卽於現存內酌量運往

餘均應如所奏行惟是明歲係哈薩克夷人初次貿易雖不必過於遷就致使將來援以爲例但一應價值交易之際必宜仰體 皇上柔遠之恩示以公平俾遐荒夷眾咸知 天朝大體畏服感悅方爲妥協應交該督轉飭派往之道協各員善爲經理尋黃廷桂覆奏道員范清洪同知范清曠二人向會承辦軍需其餘貿易之事自必有熟練可委之入仰請 欽定一員俾之帶領舊時商夥先期來肅臣將交易各事宜與之講論明白屆期前往承辦較之素不曉習經紀之員實屬有益惟是烏嚕木齊相距遙遠如哈薩克貿易人等先期已至而我處貨物未到則遠人有守候之累若我處貨物先到而哈薩克或衍其期亦不免稽延時日致滋糜費並請 敕下將軍兆惠宮德曉示哈薩克將明年何日起程約於何時可至烏嚕木齊先行通知咨會到臣以便依期齊至兩無守候更爲妥協下軍機大臣議尋議此文貿易各事宜誠非熟諳經紀者不能辦理應如所請將范清洪等於甘肅現任內調補一員令其酌帶熟練人員前往至所請交將軍兆惠曉示該夷先行咨會以便依期齊至等語查哈薩克初次貿易原與從前貿易者不同前既定以貿易之期該夷程途爲遠難以再令行文曉示應令該督一面咨詢將軍兆惠酌量計算程期先行知會一面辦運貨物總在七月初間齊赴該處如果彼此如期齊至固可卽爲交易卽哈薩克因路遠稍遲數日諒亦不致久費守候議入從之嗣於二十三年三月黃廷桂言本年七月內哈薩克在烏嚕木齊交易事宜臣遵照議一切先爲備辦其陝省辦解緞三千匹業將二千匹運赴巴里坤收貯惟巴里坤現存布匹恐爲

數尚少亦經酌量在甘涼肅辦解板布三百對京莊布一千五百匹陸續運往收貯備用茲待銜幣
三遵 旨自軍營回京抵肅臣思帑三前在軍營於哈薩克情形最爲熟悉因將交易事宜詳悉詢
問據稱哈薩克各部人皆散處凡有調遣會合之事俱各隨所願不能派定將來貿易人數或多或少
寡難以預定內地茶葉一項非其所好不必備往卽粧蟒緞匹等類運來甘脚價繁重雖伊等心
愛之物宜酌量配搭不可專用過多致成例惟各色姑絨褥子毡片毯子印花布等物夷地所無
購運亦易若擬搭換易似爲至便再伊處女人皆以白布纏頭用處最多似宜寬裕備辦等語臣查
烏嚙木齊道路遙遠需用之物若臨時備辦卽緩不濟急姑絨褥子毡片係西甯蘭州等處出產臣
擬分飭該布政司將此三項各辦二千匹再辦毯子五百條印花布三百對添辦京莊白布一千匹
以各屬所車徐徐運送到肅雇車轉運赴巴里坤收貯屆期一併馱運前往以備交易從之 二十
七年准英咭喇夷商配買絲劬奉 諭旨蘇昌等奏英咭喇夷商咄囉等以絲劬禁止出洋夷貨艱
於成造籲懇代奏酌量准其配買情詞迫切一摺前因出洋絲劬過多內地市值翔躑是以申明限
制俾裕官民織紉然自禁止出洋以來並未見絲劬價平亦猶朕施恩特免米豆稅而米豆仍然價
踴也此蓋由於生齒日繁物價不得不貴有司恪守成規不敢通融調劑致遠夷生計無資亦堪軫
念著照該督等所請循照東洋辦銅商船搭配紉緞之例每船准其配買土絲五千觔二蠶湖絲三
千觔以示加惠外洋至意其頭蠶湖絲及紉綾緞匹仍禁止如舊不得影射取戾

通考

二十九年准兩廣浙閩各商攜帶土絲及二蠶湖絲往柔佛諸國貿易此後外藩貿易悉照常例至
於西域藩部來新疆貿易者各有常例如哈薩克諸部於伊犁貿易布噶特諸部於喀什噶爾貿易
痕都斯坦諸部於葉爾羌貿易齊齊玉斯誇爾根齊諸部常至伊犁等處貿易又定外藩商人在回
部貿易者三十分抽一皮幣二十分抽一回部商人往外藩貿易者二十分抽一皮幣十分抽一其
牲畜貨物不及抽分之數視所值低昂以普爾折算

通志 以上五市

輕重之說始於管子管子曰民有餘則輕之故人君斂之以輕民不足則重之故人君散之以重其
後李悝得其術以相魏每歲視上中下三熟以爲糴卽視大中小三饑以爲糶而平糶之說詳焉常
平義倉和糶者又本於平糶之法也自唐以後積貯非不豐盈至宋又有結糶奇糶倭糶均糶博糶
兌糶括糶諸名目原其始意未嘗不欲抑富貴圖積居奇之謀而其既也或取以充他用或取以給
邊軍甚至挪移補空官自效商賈之爲而利其積粟之入於救荒全無實濟大失常平之意矣我

國家太和洋溢年穀順成而 列聖勤求民瘼多爲未雨綢繆之計其在直省則設有常平倉鄉村
則有社倉市鎮則有義倉近邊則有營倉瀕海則有鹽義倉又復以時布截漕之惠定勸輸之法廣
協採之方申遏糶之禁其糶糴也有時其出納也有制出陳易新不累害於閭閻散滯取盈嚴漏盡
於胥吏 鴻規善政無一夫不沾實澤此所謂萬世不易之良法也

通典

崇德元年上命戶部承政英俄爾岱馬福塔傳諭曰米穀所以備食市糶所以流通有糧之家輒自

收藏必待市價騰貴方肯出糶此何意耶今當各計爾等家口足用外有餘者卽往市糶賣勿得仍前壅積致有穀貴之虞先令八家各出糧一百石詣市發賣以充民食

六年定杜塞囤積并納粟之例都察院糸政祖可法等上言二事一杜塞囤積之弊有糧之家或賣或借俾得有無相濟賣則從市平糶借則從時起息不許坐擁多儲妄希長價一請開納粟之例或論罪之大小限以米數損贖或無罪之平人有急公輸粟者量加獎錄因荒而用轉移之法遇饑而沛權宜之令俟秋成豐稔卽行停止得 旨所奏俱是我國人民偶值歉年者暫止沽酒待豐年仍許沽賣獲罪之人無銀納贖願輸糧者准依時價算收有餘糧願助者量給獎賞願賣者許其自糶

順治四年江西巡撫章于天上書請發倉米三千餘石減價平糶從之十一年定各府州縣常平義社各倉責成各道員專管其應行事宜聽呈該督撫具奏每年二次造冊報部接積穀多寡以定該道功罪十二年定各州縣自理贖錢春夏積銀秋冬積穀貯常平倉備賑十三年令各省修葺倉廩並印烙倉斛十七年定常平倉穀春夏出糶秋冬糶還之制

通典

康熙六年准甘肅積貯米石變價另糶新穀以免沓爛七年陝西巡撫賈漢復請將西安等四府積穀變價生息 上以出陳易新原以爲民若將利息報部反累百姓 詔停止生息十八年令各地方官修常平倉每歲秋稔諭官紳士民捐輸米穀照例議叙鄉村立社倉市鎮立義倉公舉本地

善良之人出陳易新春貸秋還每石取息一斗每歲抄州縣核數申詳上司上司報部儲穀多者管倉人給與頂戴官更拮克者照侵取錢糧例處分強派抑勒擾民者罪十九年又定常平積穀留本州縣備賑義倉社會積穀留本鎮備賑永免協濟外郡時以浙江杭州等府米價騰貴動庫銀四萬兩往湖廣江西糶米平糶又令奉天等處城守徵收雜稅於米價賤時購貯內倉遇緊急撥用名曰備米嗣後近邊境地如山海關古北口張家口黑龍江墨爾根奉天錦州開元遼陽蓋州及榆林等處衝堡俱有貯備倉庾特行於常法之外

志通

三十五年令江南倉穀出陳易新先是三十四年議准江南積穀以七分存倉備賑以三分發糶至是議將江南舊穀於本年為始輪年換次出陳易新其各屬糶三銀內酌提四萬石價銀解省俟秋成買穀為下年存七糶三之用 三十七年裁留山東河南漕糧於直隸沿河州縣積貯遣戶部司官二員於被水災沿河之保定霸州固安文安大成永清開州新安等州縣截留山東河南漕糧每處運致一萬石積貯俟米價騰貴時平價糶賣又定直隸四川貯穀變價并出借之例以直隸捐輸米麥高粱久貯倉中恐有沓爛令變價解貯道庫以備賑濟四川松潘等處積貯雜糧改為三分以二分存貯以一分遇糧貴時借給兵民將此穀按年出易周而復始永著為令

考通

四十一年以直隸各屬所設常平等倉不敷賑濟令於各村莊設立社會如直隸行之有效各省即照例行尋以廷臣議定社會之穀於本鄉捐出即貯本鄉令誠實鄉民經管上歲謹收中歲糶借易

新下歲量口發賑嗣後直屬陸續勸捐米穀七萬五千四百餘石出借得息米千五百餘石俱令於各屬社倉存貯其直省各州縣常平等倉存糶數目向例大州縣留一萬石中八千石小六千石至

四十三年乃按各省形勢食指多寡分定大中小存糶

通志

四十九年准浙江開例捐監定額貯倉先是江南開例捐監定額貯倉捐足奏明停止至是浙江巡撫黃秉忠言江浙二省財賦之地人民繁庶止於江省開捐則湖廣江西之米俱聚集江南而浙江捐納之人亦必將米運赴江南浙米勢必騰貴民食愈艱請亦照江南捐監例各府議定貯倉米穀額數捐足卽行停止從之

雍正二年議定社倉事例先是奉 諭湖廣總督楊宗仁湖北巡撫納齊喀湖南巡撫魏廷珍等國家設立常平諸倉蓄穀積粟偶遇旱澇詳報踏勘往返察驗未免後時古人云備荒之倉莫便於近民而近民則莫便於社倉前論爾等勸導建設蓋專爲安民起見也爾等自應轉諭屬員體訪各邑士民中有急公尚義之心者使主其事果掌管得人出納無弊行之日久穀數自增至於勸捐之時須俟年歲豐熟輸將之數宜隨民力多寡利息從輕取償從緩如值連年歉收卽予展限令至豐歲完納一切條約有司毋得干預至行有成效積穀漸多該督撫亦祇可具摺奏聞不宜造冊題報使社倉頓成官倉貽後日官民之累朕初意如此孰料該督撫欲速不達令各州縣應輸正賦一兩者加納社倉穀一石且以儲穀之多少定收令之嚴最近問楚省穀石現價四五錢不等是何異於一

兩正賦外加收四五錢火耗耶是爲裕國乎抑爲安民乎論到該督撫速會同司道府等官確商妥議務得安民經久之法以副朕意嗣復奉 諭旨社倉之設原以備荒歉不時之需然往往行之不

善致滋煩擾朕以爲奉行之道宜緩不宜急宜勸諭百姓聽其自爲之而不當以官法繩之也是在

有司善爲倡導於前留心稽核於後使地方有社倉之益而無社倉之害爾督撫當加意體察至是

議定社倉之法一令地方官開誠勸諭不得苛派米石暫於公所寺院收存俟息米已多建廠收貯

所捐之數立冊登明不拘升斗積少成多若有奉公樂善捐至十石以上給以花紅三十石以上獎

以匾額五十石以上遞加獎勵有年久不倦捐至三四百石以給八品頂帶每社設正副社長擇定

品端方家道殷實者二八果能出納有法鄉里推服按年給獎十年無過亦題請給以八品頂帶徇

私者卽行革懲侵蝕者按律治罪其收息之法凡借本穀一石冬間收息二斗小歉減半大歉全免

祇收本穀至十年後息倍於本祇以加一行息乾隆三年議定每息穀十升以七升歸倉以三升給社長作修倉折耗其出入之斗斛

遵照部頒公平較量社長預於四月上旬申報給貸定期支散十月上旬申報受納不得抑勒多收

臨放時願借者先報社長計口給發交納時社長先行示期依限完納其冊籍之登記每社設用印

官簿二本一社長收執一繳州縣存查登載數目無得互異其存州縣一本夏則五月申繳至秋領

出冬則十月申繳至來春領出不許遲延以滋弊竇每次事畢社長本縣各將總數申報上司凡州

縣官止聽稽查不許干預出納如有抑勒那借強行糶賣侵蝕等事許社長呈告據實題參再各方

風土不同更當隨宜立約爲永遠可行之計令各督撫於一省之中先行數州縣俟一二年後著有成效然後廣行其法於通省 四年令兩淮建鹽義倉兩淮眾商公捐銀二十四萬兩又巡鹽御史噶爾泰奏繳公務銀八萬兩共銀三十二萬兩奉 旨將二萬兩賞給噶爾泰其二十萬兩爲江南買貯米穀蓋建倉厥之用所蓋倉厥賜名鹽義卽著噶爾泰交與商人經理 五年令廣東各營建倉貯穀議定廣東邊海之南澳鎮右營澄海二門蓬濠等營貯穀五千二百石潮州鎮標三營惠來平海大鵬等營貯穀六千二百石提標五營貯穀五千石督標并水師六營肇慶城守營其貯穀七千石計每兵一名存穀一石以備借貸秋收免息徵還

以上通考

六年設立京城八旗兵丁米局二十四通州二京師每局給銀五千兩通州每局給銀八千兩凡兵丁賣米者赴局以時值買貯買者平價賣給七年以兩翼八旗通州米局生息銀四百餘兩仍留米局內買米生息著三年查奏一次

通典

乾隆元年增設廣東左翼鎮標營倉先是議準總督孔毓珣奏請於廣東邊海營分擇其最緊要者設立營倉買穀存貯嗣又從總督郝玉麟請增置營倉五處至是總兵黃錫申言廣東左翼鎮逼近邊海亦屬人稠穀少之區若穀價稍昂兵丁艱於買食應照各營設立營倉以濟不給請動鎮標現存公糧銀一千一百餘兩買穀三千石設倉存貯於青黃不接時勻借兵丁秋收買補其應設倉版卽查營中空閑房屋改造從之

通考

十三年定直省常平倉額直隸二百一十五萬四千五百二十四石奉天百萬二十二石山東二百九十五萬九千三百八十六石山西百三十一萬五千八百三十七石河南二百三十一萬九百九十九石江蘇百五十二萬八千石安徽百八十八萬四千石江西百三十七萬七百三十石浙江二百八十萬石湖北五十二萬九百三十五石湖南七十萬二千一百三十三石四川百有二萬九千八百石廣東二百九十五萬三千六百六十石廣西百二十七萬四千三百七十八石雲南七十萬千五百石貴州五十萬七千餘石福建二百五十六萬六千四百九十石陝西二百七十三萬三千餘石甘肅三百二十八萬石又定各省常平倉額外積貯河南省倉貯七十七萬五千一百四十三石有奇江甯省倉貯萬二千石崇明縣倉貯二萬石浙江永濟倉貯八萬四千四百三十石有奇五環同知倉貯六千石廣東廣糧通判倉貯九萬八千七百八十五石有奇福建新設臺灣倉貯四十萬石 三十二年諭節年以來屢經降旨准令旗丁在通州變賣餘米以資日用現在各該省漕艘陸續抵通於兌足正供後旗丁餘多米石如有情願出售者仍著加恩准其在通州糶賣旗丁既屬便宜而地方糧石益加充裕於民食更有裨益該部遵諭速行

嗣於三十三年至五十年並准糶如例

通典

四十三年山東巡撫國泰請社倉春借時地方呈報州縣批交社長支發秋還時由州縣開單交地方按戶催完每歲抄責令州縣親赴四鄉盤查 上諭此是在官又添一常平倉矣社長侵漁原不能免然因此而官爲經營則書役地保之藉端勒索更甚惟仍舊令督撫飭州縣實心稽核期得實

濟無事更張通志以上

二十四史九通政典類要合編卷二百九十九

皇朝七

食貨 漕運 鹽法

秦輸渤海之粟漢運關中之糧此漕運之名所由昉自漢及元率皆水陸兼運故有長運遞運之名至明永樂間開會通河以濟漕始罷海運陸運而爲僭運其後又變支運爲兌運復爲改兌於是罷民運而專以軍運 國朝因之然明代軍民交兌司漕者往往左軍右民以致軍強民弱需索無饜始則瘠民以肥軍而民不任漕繼且瘠軍以自肥而軍不勝運我 朝則改爲官收官兌而於運丁尤加意體恤其在家也有贍運之屯田以爲世業其在途也有官給之行月以備換糧贍貼銀米費雖浮而不恤隨帶土宜利雖倍而無徵此 國朝之漕運所以民勤桔槔而額解侵虧軍樂委輸而期無違誤也

通志

順治二年定漕運官司提衝巡察則設總漕巡漕督押則設漕道糧道統領則設總運轉運則設旗甲又監兌官以同知通判爲之押運官專以通判爲之領運官以衛所守備千總爲之四年定各省漕船缺額令運軍自備船裝運自備船不支三修料價僅給重運銀令其雇募民船七年裁巡漕御史九年定給漕船水脚銀江南蘇州松江安慶蘆州並江西浙江等處每石自三錢至三錢五分揚州府每石二錢五分均於隨漕項內動給定官收官兌徵贍貼銀半給運軍十年以自糧無漕船令

撥廠成造製鐵斛定式頒發倉場十二年定五年一編審軍丁毋令畝入民籍是年定各省漕運過
淮限期江北各府州縣限十二月內江南江甯蘇松等處限正月內江西浙江限二月內其不過淮
之山東河南二省限正月盡數開行十三年定各倉收米限期京倉限十日通州倉限七日印給倉
收以坐派紅單到日起限逾期者効之先是貼造漕船例於民地徵十之七軍地徵十之三給備料
價其有不敷於江甯各衛屯米每石協濟銀一錢黃快船每丁協濟銀五分官舍餘丁編爲三則上
則納銀五錢中三錢下一錢審定造冊徵收解廠以供貼造至是飭將各衛所舍餘閑丁按年編冊
納銀爲幫貼之費十六年漕船回空過淮者責之漕運總督不過淮者責之糧道覈其船原數闕者
罪之通典

康熙元年論漕船經由漕河領運官軍依限抵通回空方爲盡職無罪乃有奸頑官役不守成法多
有夾帶私販貨物隱藏犯法入口依勢恃力行兇害人借名阻礙河道毆打平人托言搜尋失物搶
劫民船且有盜賣漕糧中途故致船壞以圖貽害地方種種姦惡督漕各官並該地方官一有見聞
卽行參奏務將官員嚴提治以重罪若知而徇隱不奏亦從重治罪 四年定漕船回空期限漕船
抵通州限十日回空倉場侍郎定立限單責成押幫官依限到淮 十一年定漕船抵通限期山東
河南限三月初一日江北限四月初一日江南限五月初一日江西浙江湖廣限六月初一日到通
均限三月內完糧如違限不完押運等官計違限不及一月至二月以上者各降罰有差 又定白

糧過淮抵通違限者督運官議如督運酒糧例

十七年增定沿途程期重運有違限一時以上至違限與原限之期相等及逾於原限專催督催官各議罰降調革職有差回空如逆流順流有牾壩之處均照重運定期無牾壩之處原限十二日者改爲九日四日改爲三日三日改爲二日一日半改爲一日順流無牾之處原半日改爲三時一日改爲半日四日改爲二日五日改爲二日半如致違限沿途文武官並隨幫官皆照催催重運例議處天津至通州重運係逆流二十里限一日回空係順流五十里限一日浙江至山陽重運順流四十里限一日逆流二十里限一日回空順流五十里限一日逆流三十里限一日違限照例議處至鎮江渡江如因風守候令地方官報明免議再江西湖廣漕船行長江至儀徵者因風挽運難以立限應令地方官作速嚴催出境其自儀徵至天津皆如新定例行

通典

二十六年定各衛所漕船每年見運之數成造十分之一其各省歲修每船給修費銀七兩五錢至運軍不親押運以子弟代行向例運軍及代運人均發邊衛充軍至是並嚴該管官處分又定漕船受兌離次各省巡撫題報期限不得過二月逾限者論三十三年申嚴折徵漕糧耗米之禁又定簽軍額例先是漕船運軍每船十名至十一二名不等康熙二十五年定額十名至三十五年更定每船僉軍一名其餘水手九名擇請習撐駕者僱充

通志

五十一年定給漕船限單漕船受兌開幫巡撫給以限單填註開行日期飭令沿河州縣挨注入境

出境時日抵淮將單呈繳漕運總督察驗過淮後漕督亦給以限單將經過州縣原定限日刊入單內飭令沿河州縣注明入境出境日期俟抵通將單申繳倉場侍郎察驗回空倉場侍郎刊發限單沿河州縣填注亦如之至淮申繳漕運總督察驗漕督別給抵次限單沿途填注亦如之抵次之限不得過十一月既抵次將單申繳巡撫察驗

通考

雍正元年諭戶部江西省有漕米各州縣運糧到省又自省倉搬上軍船故有脚耗扒夫修倉鋪墊等項編載成書歷年支給已久自康熙二十三年部中誤駁不准支給行令追還嗣後一例駁追究無完解至三十四年 聖祖仁皇帝特頒諭旨將從前已經支給者俱免追賠恩至渥也至康熙三十八年部議又以脚耗與扒夫等項分晰未清仍令扣追不知脚耗乃貼運之總名扒夫等項乃支給之細數實一事非兩項也自康熙三十八年至今已二十餘載應追銀五十一萬餘兩米六十一萬餘石積累增多究無完解追比日久官民均受其累特諭爾部將從前積欠盡免追賠向後准其支給 二年定運米經紀車戶掣欠賄抵之例經紀運米到橋車戶運米進倉舊例每米五十袋抽掣一袋一袋短少餘袋例算於各役脚價內扣賠至是定經紀係船運每十萬石定掣欠二百石大通橋車戶保陸運每十萬石掣欠二百五十五石通倉車戶保水陸兼運每十萬石亦掣欠二百石每石杭米作價銀七錢稜米六錢准於脚價內扣抵若欠數多除不准脚價扣抵外照盜賣漕糧例治罪每杭稜米一石作價銀一兩四錢行地方官將家產變賠乾隆三年增定每石增其掣欠八合照

七錢六錢之例買餘米賠補若欠數多仍照一兩四錢之例於腳價內扣抵

通考

五年諭在京各倉委都統副都統御史等每倉各一人專任稽察之責其支放奏銷等事不必經管惟倉房漆漏牆垣損壞與倉內鋪墊及匪類盜竊各弊察出卽行文倉場侍郎知之倘不能察出弊端以致虧損倉糧著落都統及倉場監督等官分賠通州三倉交與通永道通州副將稽察其失察分賠之例與京倉同並定催漕船成造歲修銀兩每船給銀三十七兩六錢三分三釐動支稅課銀每歲給二修銀二兩動支茶果銀十年期滿照例別造六年定文學生員准免倉運合浙江徵收漕米無論紅白紬糧概行收納著爲令

通典

七年諭朕聞糧船過淮所費陋規甚多嗣後著御史二人前往淮安稽察不許官吏人等向運軍額外需索以致擾累其糧艘中攜帶物件除照例許帶外如運軍有夾帶私鹽及違禁等物者亦著該御史稽察但不得過於嚴刻吹求以致糧運滯遲至漕船抵通之時其該管衙門官吏及經紀車戶人等恐有向運丁額外需索陋規者亦著差御史二人前往稽察淮安于二月初差往通州于四月內差往不必拘定滿漢各一人著都察院按期開列請旨 謹按乾隆二年令御史四人分地巡視一人駐淮安自江南江口至山東交界一人駐通州自通州至天津一人駐濟甯自山東臺莊至北直交界一人駐天津自天津至山東交界各按所分之境巡察諸弊

乾隆元年定各省截留漕船介于起運停運之間行糧月糧應給應追向未定有成例應酌定成規

以歸畫一嗣後江蘇安徽浙江截留漕船應支本折月糧三修銀準其照數全給至行糧盤耗贈銀負重等項各隨多寡分作十分自水次抵通按程途遠近亦作十分計算行一分程途給一分銀米如行一兩站未及一分者即按一兩站扣算支給贈米一項如米到州縣半月放清者按已行之程扣給其未行之程追繳半月以外每石給米一升滿一月者給米二升滿二月者給米四升滿三月者全給若幫貼截留本次或全兌全卸或數月後收清贈米亦按月計算江西漕船較大米數多每年額領三修銀不敷取辦于行月兼之水次開行逐節淺阻起駁長江守風過淮修船一應費用較江浙不同遇有截留將原領折耗行月贈銀贈米斛面米均免扣追又每米一石徵耗米四升爲交通倉及沿途折耗之費副耗米一斗三升爲水文開行抵淮折耗如在淮安以南截留者將四耗米令其隨正交納副米免其追繳如遇淮截留者將四耗米內正兌米隨交二斗五升改兌米隨交一斗七升並每石別交一升贈米外餘米按由淮到通程途作爲十分計算行一分程途即給一分耗米湖北湖南漕船灣泊岳州府濱臨洞庭風波不測截留漕船例給一半月糧之外每船酌留頭舵水手四名防護每名月給口糧一升減去水手人等每站給盤費銀三分米一升照時價折給至五年又定未兌之船截留者照停運例給與減半月糧已兌未開之船截留者減半月糧之外將三修一項照數全給各省畫一辦理七年又定截留漕船已兌開行照定例扣追運軍多有苦累每船山東河南加給銀五十兩江南浙江六十兩湖廣七十兩江西九十兩其應給之銀即于行月折色銀

內扣給所餘行月等銀仍照舊按程分別追給再江西湖廣已過長江者其所餘銀兩給與四分之

三已渡河至臨德等處者全給

以上通考

二年特遣御史四人分駐淮安通州濟甯天津等處合各按所分之境巡察漕運諸弊又以江南浙江旗徵白糧恐致累民是年諭裁減白糧二十萬石改徵漕米又將粟米改徵黑豆河南二萬石山東四萬石三年始鑄鐵尺用積方之法覆算倉糧分頒戶部倉場及直省各倉並定各倉貯米每廩以萬石爲率其奇零之數別貯一廩

八年以江淮興武二衛運軍有竄入黃快船避餉俱命歸入民賦每五年將現運及備倉餘軍勾考一次及定河南粟米改徵黑豆二萬九千三百五十六石六升有奇先是順治初以漕船至天津起剝分運至通設紅剝船六百隻每船給田十頃養贍免其徵科至康熙三十九年裁革紅剝船按原給田所收租稅額分派各省於漕糧項內分給運軍僱船剝淺乾隆二年定每船給紅剝銀二兩至十一年北河增設堡船六十號祇夫百八十名淺夫三百名隨時疏濬以免丁累其製造堡船器具夫工等費於紅剝銀內動支餘銀仍照數分給運軍以備剝淺之用

通志

十年諭據工部侍郎范琛奏稱江南下江雜賦重于他省向來徵收弊竇甚多民間每完糧一石借漕費之名或以九折或以八五折收甚以八折收至雍正元年蒙世祖憲皇帝珍念窮黎敕令嚴加釐剔其時尹繼善爲江西撫臣悉心籌酌定每石收漕費六分總令小民平斛響據額外浮

粒不收地方官奉法緊嚴彼時府道嘗微行密察諸弊肅清謳歌載道乃久之故督復萌上年下江收漕賢否不等間有初開倉時印官駐宿倉所親驗米色胥吏尚無間可乘迨至漕糧緊兌之時印官不能處處親驗更胥等即可多方刁難小民不能等候情願議扣是九五折至九折不等大漕既畢所徵兵行局恤等米石竟有扣至八折者此雖得之風聞然法久弊生亦不可不再加整頓況一處如此他處卽相效尤一省如此他省亦恐難保伏懇特頒諭旨通飭有漕地方官於開倉之際刊立木榜大張曉示毋許額外需索令糧道知府等員不時密訪如有刁難折扣等弊卽將官吏一併揭參至于大漕完竣之後徵收兵行局恤等項遴委幹員暗加查察稍有違犯亦卽稟究如此諸弊可以禁止等語徵收漕糧弊竇甚多江南之漕甲于諸省尤爲積弊之藪朕亦知之范燦所奏著發出令有漕地方大小官員閱看嚴行釐別如有仍蹈故轍者經朕聞知或被御史叅劾必重加處分至于尹繼善旣于前江撫任內辦理稱善今節制兩江仍是職任內應辦應查之事何以置若罔聞一聽有司之變易舊規奸胥猾吏得以高下其手也將此詢問尹繼善其又何辭 十一年監察御史沈景燦請令各甲戶應完漕項細數預給一單庶不至于漕項內每戶暗加分釐以杜浮派之源從之 四十一年諭曰沿河短絳多係無業窮民羣聚覓食晝則隨幫受雇夜則乘機爲匪其中最易敲奸而漕艘經行上下遇有頂風淺水添雇幫絳人夫亦屬必不可少莫若令沿河州縣酌量安設絳夫並選派夫頭照管以供受雇其各幫雇覓絳夫並令押運千總督率旗丁查點稽核按站交替

不許攜帶過站亦不許中途私雇庶各有責成不致滋事著直隸山東江南江西浙江湖廣各督撫會同漕運總督確商妥議具奏

通考

定直省州縣倉庾建於城內者其收兌稽查令知州知縣自行監督至其地不通水道者改建鄰邑水次以便起運是年 諭令沿河州縣酌量安設緯夫并選派夫頭照管以供受雇其各幫雇覓緯

夫并令押運千總督率旗丁查點稽核按站交替不許攜帶過站亦不許中途私雇以專責成不致滋事

通典

四十七年定載運河管泉各員巡勘章程凡每年春夏之交令其親往泉源處所請夫疏導並飭各本管府州縣實力巡查分別勸懲是年奉 諭旨向來南糧餘米俱准在通變賣以資日用現在各省糧艘陸續抵通旗丁於兌足正供之外其所有多餘米石情願出售者仍著加恩准其就近於通州糶賣於市價民食均有裨益

通志

右漕運

鹽鐵之制自漢武帝設立官司除故鹽鐵之富者爲吏更多買人而山海之利專於上矣唐宋明以來代沿其舊故鄭志所載鹽鐵使筦鹽及鐵與茶類爲一編蓋以三者之賦當時專設一官總司征權故不得不類紀也我 國家蕩滌煩苛俾民樂利於鹽法則維求裕商益民故加斤加引蠲通提綱以紓商力設倉備貯減價平值以利民用至於電戶場丁則減額課給息銀老幼孤獨則弛例禁

准負販凡設官分職皆所以惠下卹民也

順治元年整理長蘆鹽法詹事府通事舍人王國佐條奏長蘆鹽法十四事一復額引以疏壅滯一
改引部以速引利一便引價以壯京國一革防銷以省商費一除濫贖以伸商寬一除變價以止姦
欺一清焚溺以杜虛冒一止改告以一引鹽一疏關禁以通引楫一杜擾害以清私販一核場廳以
清萬圍一復兩垞以備議察一免徭助以濟孤商一設賞例以鼓富商部覆允行 二年定河東鹽
法改票用引戶部議覆河東巡鹽御史劉今尹疏言河東鹽額課銀一十二萬四千九百餘兩故明
給宣大山西三鎮宗祿軍餉今應解京庫其給發鹽引之法河東地遠勢不能先納銀而後領引應
先解紙價後按引納課舊例可循至河東地方去年十月方出湯火業于順治二年春定期征解以
避商力其撈采之法均宜仍舊惟是山西太原府汾遠沁州欲行票鹽似非畫一當如山東例革票
行引以信令甲而除私販之弊從之 又核定本年行鹽一百七十一萬六千六百二十五引徵課
銀五十六萬三千三百一十兩六錢有奇 謹按是年行鹽一百七十餘萬引次年卽行引三百餘
萬十六年行引四百餘萬固由昇平之後戶口日增良食漸廣亦以我 朝離政之寬將故明加派
名色盡與蠲除無積引登搭之苦無常股存積之名無新餉練餉追呼徵繕之擾場竈煎晒可以當
耕鑿之勤自食其力而商賈出湯火之後額徵既減亦易于轉輸是以行銷既遠而課額日增傳
所云爲之者疾用之者舒則財恒足蓋鹽法祇國計之一端而因連歲革除之苛政與遞年引目之

加增由此識 維新治象與商民抃舞之效可以並觀而互見也

以上通考

十七年嚴回空糧船夾帶私鹽之禁准四川巡按張所志疏請新鑿鹽井仍照開荒事例三年起課其貧民易食鹽斤在四十戶以上者始令按數納課是年兩淮巡鹽御史李贊元疏定鹽法八款一每年額引宜帶積引附銷一清理府州縣私販之源一清理三十鹽場之弊一嚴飭各道巡緝越販一稽核官引以杜夾帶一准北宜併引行鹽一鹽引日增宜照長蘆河東兩浙例加課不加引一溢斤割沒日重宜照所發印簿實填從之

通典

康熙元年以淮北食鹽改撥淮南派額銷引巡鹽御史鄭名疏言兩淮南北綱引食鹽原有定例派行州縣戶口不無盛衰宜設法疏理請行改銷部議覆准既稱淮北引壅酌量派銷疏通淮安府等州縣一萬引改撥甯國府六千五百引和州含山三千五百引每年奏銷以爲定額

通考

九年巡鹽御史席特納疏言兩淮鹽務之苦有六有輪納之苦有過橋之苦有過所之苦有開江之苦有關津之苦有口岸之苦又有分掣三大弊一爲加鉅之弊二爲坐斤之弊三爲做斤改斤之弊經部議嚴禁勒石立於橋所及經過關津口岸永行禁止又停止兩淮預徵之例

通志

二十七年廣東巡撫朱宏祚疏言粵鹽利弊一嚴禁大小衙門凡資商掣鹽納餉藉公費額外私派一卑商不拘三年一換善良者永遠承充奸猾者卽行去除一鹽引宜通融行銷以免廢滯一禁私廢準商課餉派徵田畝致累居民一請於虎門港口惠州浮橋等處專差佐貳駐守盤查以杜透漏

一生熟二引

粵省原有生熟二引生鹽出淡水等場熟鹽出歸德等場

宜隨商掣運隨民買食不拘定額以利商民一掣鹽之地

如佛山距省地止三十里省城掣定行至佛山應免復掣一鹽價請酌水陸運費多寡以定價值如遇陰雨量加毫釐一嚴禁奸商攬和沙土俱從之

通典

五十三年准川鹽加增引額戶部議覆四川巡撫年羹堯疏言查成都所屬犍爲等七州縣甞民請增水陸鹽引一千一百四十五張徵稅銀七百三十兩有奇于康熙五十三年爲始徵收以便民食應如所請從之 謹按四川一省請增鹽引歲有陳奏蓋蜀中經明季兵燹之後招集流亡土著者僅百分之一二江楚人民往耕其地動成村落我 國家休養生息日見蕃庶是以戶口歲增食鹽者眾請增請給數倍於昔而鹽井所生流澤孔長滇黔連界盡仰食於斯蓋自成都以外各郡邑水陸鹽引悉無壅滯舉此一隅以見蜀中鹺政之大概云

雍正元年定湖廣鹽斤價值先是奉 諭旨據楊宗仁奏請欽定鹽價固執伊所原題具奏朕視民

商皆屬一體士農工商雖各異業皆係國家子民理當一視著黃叔琳謝賜履前往楚省會同楊宗仁將鹽價作何酌定之處確議具奏經部臣黃叔琳等覆奏伏查歷來鹽價貴賤之因率由場竈產鹽多寡不一運到口岸先後不齊歲時豐歉不常之故但查康熙三十年間楚省鹽價每包一錢是以督臣楊宗仁因照此減定兼革陋規亦冀稍便於民其於正雜加增實未深悉而鹽臣謝賜履專司鹺政通計銅劬織造河工並帶徵等項每年加增數十萬兩不得不代商人縷晰呈奏臣等公同

酌議除照裁革陋規每包減去六釐外于價賤時每包以一錢一分九釐爲率於價貴時每包不得過一錢二分四釐但楚省有安梁二種黑白不同價亦稍有低昂安鹽每包應較梁鹽再減二釐飭令遵行商民兩便疏入如所議行 二年議准湖廣江西及江南上江等處每引加鹽五十觔戶部侍郎李周望等議兩淮所行之鹽如湖廣江西及江南上江等處地方闊大而鹽不敷用者自甲辰綱爲始准其每引加鹽五十觔其山陽等州縣逼近場竈鹽不易售不必加鹽照舊遵行

以上通考

五年雲南總督鄂爾泰疏言黑鹽一井薪本不敷請每百斤加銀四分二釐又額煎撥給鹽斤每百斤加銀二錢又黑鹽發價于每斤額定三分再減二釐得旨地方出產有舊無而可以新增者亦有舊有而應當裁減者倘但令增添而不許增減殊非公平之道且隱瞞挪移之弊由此而生著鄂爾泰查明鹽斤內所增銀兩抵補減價增薪之數定議奏聞嗣奉滇省各鹽井新增正課其銀五萬七千七百有奇減價增薪之數其銀一萬九千餘兩抵補有餘請如前奏從之河東池鹽獻瑞產鹽七百餘萬斤六年河南總督田文鏡疏請汝甯一府引鹽停止知府彙銷令各州縣召募股實水商行鹽辦課該州縣按委督催各銷各引從之鹽政碩色疏言修理鹽池歲撥餘銀羨銀六千兩以三千兩充歲修以三千兩積至五年充大修從之

通典

六年戶部議覆福建總督高其倬條奏閩省鹽政事宜一謹產地之收晒閩省鹽場福清一場最大其各團所產之鹽零散難稽請建設總倉令各團曬丁將所曬之鹽統歸一處封鎖則稽查自易且

免雨濕水淹之患莆田一場各圃適窳並無遮蔽應設法修砌以資防護至潯美西州涇州惠安漳浦南場金坑漳南詔安等場俱各委員整頓期有實效一嚴銷地之售賣聞鹽向係商行後改爲官賣近復用水客肩販請暫令水客分認行銷而以官運接濟俟行之三年有辦理無誤者報部僉爲商人再請發引以立成法至存貯鹽勛照例於場鹽多產之時官動課銀就場收積以備接濟一定鹽課之額數聞省鹽課有額徵公費二項其徵銀一十七萬有奇是爲正額其額外溢行之鹽乃盈餘除支給鹽道暨各官場役公用外俱造入盈餘冊奏銷一酌辦理之人員聞省舊設辦理鹽務各官雍正二年悉行裁去嗣後請於通省佐雜官內遴選廉幹之員管理鈐束仍不時遣官巡查均應所如請從之 又議准兩淮鹽場設立廳長保甲以清鹽政戶部議覆浙江總督李衛遵 旨會議兩江總督范時繹等條奏兩淮鹽務一各廳燒鹽處令商人公舉幹練殷實者按其場窳酌用數人并設立廳長巡役查核其鹽之多寡盡入商垣以杜竈丁私賣之弊一凡州縣場司俱令設立十家保甲互相稽查遇有私販據實首明將本犯照例治罪私鹽變價分別賞給誣者治其反坐之罪倘有徇隱等情被旁人告發者該州縣場司官照失察私鹽例參處俱應如所請從之 謹按保甲之法所以靖盜源而著效莫切於場窳蓋都會郡邑以及鄉里市鎮土著者與外來相間奸良錯雜遷徙靡常非精勤職事之員鮮能徹底清釐永久無弊惟鹽場窳戶星羅碁布環聚而居且皆各有職業不同游手少爲檢察一望可知其法以十家爲甲十甲爲保榔比鄰次不須越戶編排保長甲長

護司其事私販無自而生而且晝夜之守望相助蕩草之有無相通盤餼之假借相近兼以賑貸之恩旁施遍及丁男戶口指掌可推保甲之易行而有效無過於是在場官及地方有司力行而堅守之有要倫不疏不懈則鹽法中所以清釐竄場之道思過半矣

七年清理山東鹽法添設膠萊運判一員戶部議覆欽差刑部左侍郎繆沅等條奏山東鹽政事宜一永阜永利濤維三場灘廣鹽豐率皆露積請設立官鹽坵將所產鹽勛收貯編設保甲互相稽察一商人領引行鹽每多重複透運請水程驗單隨領隨運一州縣行鹽殘引應按期繳銷如地方官督催不力請嚴查揭參一東省十場地方遼闊運同一人鞭長莫及請復設膠萊分司運判一員分任管轄均應如所請從之

以正
通考

十三年兩淮鹽政高斌疏定鹽法四條一浙閩川粵及長蘆商人與淮鹽接界廣開鹽店宜查究治一湖廣界連川粵宜各選勤幹府佐一員督率巡查一審鹽案無許避重就輕一江廣水程與引目無異請歸撫臣就近查核完欠分數檄行驛鹽道勒限嚴催俱經部臣議准是年八月 皇上御極諭淮南鹽政鹽課甲於天下兩江三楚皆仰給於淮鹽課源用以饒裕近聞湖北早禾稍歉鹽未暢銷楚地夙爲魚米之鄉湖魚旺產商得資其醃切藉以完課今年漢水漲發魚市稀少又湖南因經理貴州苗疆軍務未及轉運以致漢口鹽壅未銷積至七八百萬包是今年乙卯綱未能報銷而明年丙辰綱又應起運兩年並納商力維難朕心深爲軫念籌度變通將乙卯未完正額爲分年帶

徵自乾隆元年丙辰綱起按年接運則商力既紓完納自無遲誤從此年清年額可永無遞壓之虞矣通典

乾隆元年議准浙江鹽務四條大學士浙江總督嵇曾筠條奏浙江鹽政四條一商捕難裁請盡改爲官役報明地方官造入卯簿以便約束一水路巨梟積販原藉兵役駕舟巡緝請將緊要隘口令有司會同營汛逐一確查編號造冊以備巡緝之用一巨商領運鹽勛自應一引一鹽若飛渡灌包夾帶引鹽相離殊非鹽法定制應飭巡船弁兵一體查拏究處一巡緝私鹽應以功過之大小定賞罰之次第嗣後巡鹽兵捕能拏獲私鹽船隻應分別賞給有差部議應如所請從之六年議准酌加准鹽引價成本先是乾隆四年十一月太僕寺卿蔣漣奏兩淮運地極廣鹽價日昂小民甚受其累請仿照長蘆之例官爲定價湖北巡撫崔紀奏湖廣通省行銷淮鹽蒙世宗憲皇帝特差吏部侍郎黃叔琳等酌定價值迨雍正二年鹽臣噶爾泰奏海潮淹沒鹽場倍增成本懇祈隨時銷售部議覆准至乾隆二年部議據鹽臣三保撫臣崔紀開列成本數目互相參核請旨并交接任鹽臣準泰秉公查察巡撫徐士林會同確核定議旋經撫臣鹽臣等會議查兩鹽草本之資包索水脚之費辛工火足之用掣鹽之裝載三汊河之起駁揚州漢口之商夥灣頭關鈔之稅課及織造銅觔河餉等之銷算引窩根窩之租息合之引課定額按照閣部會議通盤酌核賤價時每引應需成本銀五兩三錢七分三釐八毫零每包一錢三分八釐每觔一分五釐六毫零至貴價時每引應需成本

銀五兩七錢八分二毫零每包一錢三分八釐六毫零每劬一分六釐八毫零按款造冊大學士會同戶部議覆應如所請奉 旨依議至是巡撫徐士林奏恤商正以惠民懇加給淮商餘息每引三錢至七年九月兩淮鹽政準奏場壘爲行鹽根本連漕水潑商運艱難懇再加每引餘利三錢下

部議駁奉 旨今年江省被水非尋常可比著照該鹽政所奏以次年四月爲限不得爲例

通考

七年諭閩省爲濱海之區百姓多藉漁鹽之利以爲生計朕聞該省鹽課內頗有苦累商民之處如每鹽百斤加增錢二十文至七八十文不等名之曰長價又各場肩魚客販買鹽請領道印結票執照或每單徵錢三文或每石徵錢三文名之曰單錢又正額每鹽百斤收銀一錢五分各場實收錢百五十文該合銀一錢六分六釐每百斤申銀一分六釐亦令入官名之曰銀水以上各項皆巧取陋規不便於商民者著該督撫確察禁革如有必不可少之雜費卽於項內存留若干減去若干不得仍前多索永著爲例又定福建招商行引

謹接雍正五年卽指水商行銷是年結行請引

每年額額正引五十四萬五千

六十有二餘引四十萬三千百六十有二如有銷不及額者照例報參又額外餘引十二萬三千不

註定州縣令各路通融銷盡銷盡報不入年限考成之內八月兩廣總督慶復疏言粵省各埠額引有難銷者有易銷者請將難銷埠分撥於易銷埠引中配運行銷並言粵省近年產鹽甚多其沿海地方鹽壘請改爲稻田耕種稻麥以重本計俱從之

通典

十六年豁免兩淮窳戶未完折價帶征銀兩奉 諭旨兩淮窳戶俱處海隅專以前曬鹽劬爲業其

生計更窘於農民殊深珍念所有乾隆二年至十四年因災停緩帶征各未完折價其四萬二千餘兩著加恩照民戶例一體豁免 謹按場鹽爲鹽法根本之地竈丁爲鹽場作苦之民故竈戶之勒與農家等蓋竈丁終年盤斂之間畜蕩草勒淋曬謹火候伏陰晴薄寒盛暑不得休息展四體之力僅足以給衣食我 皇上軫念細民咨詢疾苦憫其生計更窘於農民數年連欠盡予豁免計通州分司所屬各場曰豐和曰掘港曰石港曰西亭曰金沙曰呂四曰餘西曰餘東曰角斜曰柘茶泰州分司所屬各場曰富安曰安豐曰梁塚曰東台曰何塚曰丁溪曰草堰曰小海曰劉莊曰伍祐曰新興曰廟灣曰板浦曰中正曰臨興凡場有竈竈有戶戶有丁丁有額家人婦子棲息於濱海斤滴之地按冊考數可以坐計而周知大抵兩淮鹽場執業約有二端淮南之鹽熬於盤其形散淮北之鹽曬於地其形顆鹽成輪賦爲民食之源 國家所以保護而生全之者旁皇周決無不曲至自是年豁免帶征折價之外有蠲恤以救其歉收有借給以免其稱貸雖煮海編氓漸有家給人足之象

睿慮所經不使一夫不獲其所也

通考

十七年諭蘆商積困之餘舊欠甫清若按斤加課商力未免拮据著將所加鹽餉減半納課永爲定額其乾隆二年至六年應追未完加斤鹽課銀一十四萬餘兩著一併加恩豁免十八年准長蘆添額餘引七萬道從長蘆鹽政吉慶請也

通典

二十三年定買運蒙古鹽餉事宜戶部議覆山西巡撫塔永甯等奏稱蒙古運鹽交商領買馱運之

地遠近不等今查鄰近包頭之薩拉齊廳并托克托城與陝西之皇甫川皆離水次甚近卽陝省神木縣離水次亦止一百餘里該員勒旣情願分運至四處地方與商貿易應准定以四處爲蒙古商人交易之所至蒙古鹽斗每斗四十觔有奇今買運蒙古鹽觔彼此必須用牲口馱運若不酌增價值不敷食用請按向日與民間交易至重之價每斗酌定價銀二錢四分合較準鹽斗印照給發各處自今歲至明年正月運足三萬石以資接濟其餘鹽十三萬石零統限於八月內運完向來鹽觔入口止於殺虎口河保營皇甫川三處水陸稅口上稅卽聽其散往各處售賣應給發印票以便稽查得旨如議行

通考

三十七年山西巡撫巴延三鹽政常齡疏言河東大池產鹽歉薄不敷配運請於河東開濬六小池並撥運蘆鹽接濟從之又准四川總督文綬請令開淘犍爲縣鹽井照例徵收課銀又鹽政李質頴以黃河水漫淮鹽被浸請將淮北甲午綱未運引鹽應完正課銀自乙未綱起分限五年帶徵從之

通志

四十年又准兩淮將乙未綱限至來年八月造報並准淮北上年被水各商仍將丙申以後四綱帶徵銀二十二萬餘兩展限四年分作八年完納又諭河東鹽價未平其小鹽池六處甫經開採接濟所得贏餘未能補足前兩年歉收之數商力不無拮据著加恩照該撫巴延三等所請將從前暫增二釐鹽價再行加限三年俾轉運益資充裕

通典

右鹽法

二十四史九通政典類要合編卷三百

皇朝八

選舉文科 武科 任子 史道

周禮以鄉三物教萬民而賓興之有六德六行六藝之目是為舉士所肇端因是孟子有上士中士下士之名戴記有選士俊士造士進士之辨故離疏釋屬而登王廷者皆得以士目之漢時取人多以掾吏起家以辟署任事至於舉士者詔旨命之曰賢良方正曰孝廉曰博士弟子曰茂才曰明經則皆士也魏晉專尚門第隋唐漸用科目宋遺金元明試士之道各殊而專用文藝以決擇流品歸於一致蓋鄉舉德行而後文章意非不善而矯偽相尚易售其欺試之文藝得明敏通達之才足以集事伊古以來名臣碩士未嘗不出於其中是以我 聖朝應運龍興尚仍其制惟是 列聖相承首端士習垂 訓誡於宮牆杜弊端於場屋其有行險僥倖希心弋獲者懲一警百立法甚嚴我皇上念制藝為文以代聖賢言語 欽定四書文為正鵠 親幸貢院 賜以天章右文愛士之中示以斯文標準煌煌 鉅典實為曠古所希士生斯世而不爭自濯磨砥礪以仰承 上旨不可為士矣通考

鄉舉里選著於成周尚已迨兩漢以來舉士之法曰孝廉曰賢良方正曰博士弟子曰茂才異等亦既略備焉而策試賢良文學於廷即後世以文藝試士所自昉隋始置進士之科唐之科目有秀才

進士明經學究明法書算三禮三傳三史諸科天子自詔曰制科其目至繁宋之進士以及諸科大
半沿襲唐制金以經義詞賦兩科取士元明獨置進士之科我朝自定鼎之初鄉會開科徵召遺
逸 聖祖仁皇帝振興文治培植士林於常制鄉會之外 特舉博學鴻詞之科以收奇才異能之
士 世宗憲皇帝循名責實搜羅彥彥廣開保舉之門累 頒求賢之詔舉孝廉方正舉孝友端方
增設繙譯之科加惠邊遠之士我 皇上御極之初親試鴻博舉察孝行復 詔九卿薦舉經學迨
夫 大駕六巡江浙 幸山東 臨天津凡獻賦 屬車之次皆蒙 召試授官而揀選舉班疏通
淹滯凡士之操一技以自見者莫不甄綜無遺倘歟休哉多士之沐 聖化而被 恩榮者宜何如
其報效也

天聰元年敕諸貝勒府以下及滿漢蒙古家所有生員俱令考試分別優劣賞緞布有差八年考試
漢人生員賞給銀兩又考試習滿漢書中式者爲舉人各賜衣一襲宴於禮部崇德三年賜中式舉
人等朝衣各一領秀才各賜綢布以上通典

順治元年定舉行鄉會試年分會試定於辰戌丑未年各直省鄉試定於子午卯酉年凡舉人不係
行止黜革者仍准會試通考

二年二月定選拔貢生之例大學二名小學一名兼取文行又定鄉會試三場試題初場四書二題
五經各四題士子各占一經四書主朱子集註易主程朱二傳詩主朱子集傳書主蔡傳春秋主胡

傳禮記主陳氏集說二場論一道判五道詔詰表內科一道三場經史時務策五道鄉會試同六月

定鄉會試期之例鄉試定期秋八月舉行初九日第一場十二日第二場十五日第三場先一日點名放進次一日交卷放出春二月舉行會試與鄉試同又定主考專

司去取權衡房官不得執拗憤爭違者劾治九月定禮部磨勘試卷法前場文字明理會心不愧先

程後場出經入史條對詳明者俱爲合格嚴弊簡瑕疵字句偶誤者貸之三年三月宴諸進士於

禮部定新進士冠服式新進士冠服金鍍銀三枝九花頂一甲一名賜冠服照六品頂帶定新進士銓選法前明舊例進士四百名

選中行詳博推官知縣部議開創之始法宜變通擬二甲前五十名選部屬後二十名及三甲前十

名選中行詳博三甲十一名至二十名選知州二十一名至七十名選推官餘選知縣從之四月

命再行鄉會試以收人才本年八月鄉試四年二月會試並定新選庶吉士及前科庶吉士分滿漢書教習之制八年三月吏部疏請滿洲蒙

古漢軍各旗子弟有通文義者提學御史考試取入順天府學鄉試作文一篇優者准其中式下禮

部議定八旗開科鄉試其滿洲蒙古生員筆帖式同一榜漢軍生員筆帖式漢生員監生同一榜六

月禮部議定八旗科舉凡遇應考年分內院同部考取滿洲生員一百二十名蒙古生員六十名順

天學政考取漢軍生員一百二十名鄉試取中滿洲五十名蒙古二十名漢軍五十名滿洲蒙古通

漢文者譯漢文一篇不精漢文者止作清文漢軍文章篇數如漢人例會試取中滿洲二十五名蒙

古十名漢軍二十五名各衙門博士筆帖式俱准應會試又奏定順天鄉試滿洲蒙古主考應用滿

洲內院禮部官各一員閱卷漢軍聽漢主考閱卷又題准磨勘試卷內有字句可疑者以卷數多寡

二一約雅堂藏版

分別處分考官降罰革職有差九年正月以壬辰科會試 恩詔廣額取四百名經禮部議分定南北中卷之例南卷應取二百三十三名北卷應取一百五十三名中卷應取一十四名從之二月

親詣太學行釋奠禮加監生中額十五名

通典

十五年定會試四書題請 旨頒發五經論表判策考試官出題又 敕殿試士子於太和殿前丹

墀考試十六年七月 敕頒孝經衍義於學宮命考官二場以孝經命題

通志

康熙二年停止八股文體鄉會試以策論表判取士分爲二場第一場試策五道第二場四書論經論各一篇表一道判五條直省學政亦以策論考試生童 四年禮部侍郎黃機疏言制科取士稽諸往例皆係三場先用經書使士子闡發聖賢之微旨以觀其心術次用策論使士子通達古今之事變以察其才猷今甲辰科止用策論減去一場似太簡易恐將來士子勤襲浮詞反開捷徑且不用經書爲文則人將置聖賢之學於不講恐非朝廷設科取士之深意臣請嗣後復行三場舊制度士子知務實學而主考鑒別亦得真儒以應國家之選下部知之 七年禮部奉 諭旨天象關係重大必得精通熟習之人乃可占驗無誤著直隸各省督撫曉諭各屬地方有精通天文之人卽行起送來京考試於欽天監衙門用與各部院衙門官員一體陞轉

通考

九年奏定二甲三甲進士俱以知縣用

時推官已裁故有是奏

十八年召試博學鴻詞

試題賦一篇詩一篇

欽取彭孫

通等五十八人分授翰林官有差 謹按博學鴻詞一科在唐極爲優選昌黎韓愈所云吏部有以博

學鴻詞舉者其名甚美且得美仕可以知當日之趨向矣而劉禹錫柳宗元諸人皆以進士復中此科入仕爲時所黜稱迨宋紹興以後此科得人亦曠極盛每科不過取三四人或一人選擇之慎如此如洪遵洪适周必大至因之以取宰相執政其他亦多至侍從元明以來此科廢罷已久惟進士一科孤行議者所以有偏重之說也我 聖祖仁皇帝立賢無方秀招俊乂猶恐懷奇負異之才沈淪草澤爰 命內外臣工薦舉宿儒徵詣京師 特予召試授以館職而五十人中如富平李因篤秀水朱彝尊吳江潘耒無錫嚴繩孫皆以布衣入選徑授翰林檢討尤從來所罕見雍正十一年再命舉鴻博之士 皇上御極之元年二年兩次 召試選取錄用如之 三朝稽古右文之化千載一時已

二十四年正月定鄉會試俱 欽命四書題從刑科給事中楊爾波請也三月定會試三場事竣主考等官遴選頭場試卷十本繕寫進呈自第一名至第十名俱由 欽定仍送場內折號填榜以後會試及順天鄉試俱以此爲例

以上通典

三十九年五月定各省正副主考將侍郎學士京堂翰林科道部屬等官由進士舉人出身者無論已未典試通行開列十一月遵 旨議定嗣後直隸鄉試在京三品以上及大小京堂翰林科道吏禮二部司官在外督撫提鎮藩臬等官子弟俱編入官字號取中

通志

雍正元年遵 旨議準滿洲蒙古能繙譯者三年之內考取生員二次舉人一次進士一次鄉試於

子午卯酉年二月舉行會試於辰戌丑未八月舉行又覆準候補天文生及補用天文生之監生生員俱令入皿字號鄉試 詔舉孝廉方正先是康熙六十二年 詔各直省每府州縣衛各舉孝廉方正暫賜以六品頂帶榮身以備召用至是奉 諭旨國家敦勵風俗首重賢良前所頒恩詔內有舉孝廉方正一條距今數月未有疏聞豈通都大邑之中海濶山陬之遠遂無潛修砥操克稱俊乂可應詔旨者與誠恐有司怠於採訪雖有端方之品無由上達殊負朕殷殷延攬之至意著各直省督撫速遵前詔確訪舉奏 二年前上諭進士題名之典始於唐時本朝自順治丙戌科起至康熙丙戌科止稽之會典諸生釋菜後禮部題請工部給建牌銀一百兩交國子監立石題名康熙三年輔政大臣裁省科目一途實關用人取士之要題名之典豈宜缺焉著工部動用正項錢糧令國子監將雍正癸卯甲辰兩科題名碑速行建立康熙辛丑科亦宜補建嗣後每科仍照舊例題請以勵士子潛修上達之志 五年上諭取人之法惟鄉舉里選合於三代之制著州縣官會同該學教官將貢生生員內居家孝友行止端方才可辦事而文亦可觀者秉公確查一年各舉一人於今年冬底申報該上司奏聞請旨八旗之滿洲蒙古亦照此例著該佐領各舉一人庶潛修篤行之士得以表見而國家亦收得人之效尋經吏部帶領各省薦舉生員引 見以知縣用者三員餘以國子監助教學正學錄補用

乾隆元年議准會試與順天鄉試內簾主考同考官除同姓無服者與郎舅中表等戚不必迴避外

其有服之同姓與翁婿甥舅皆令迴避不行開出者革職奉 特旨考試迴避卷自雍正二年暫行
之後不著爲例至是禮部奏請今科會試其內外簾執事官員子弟應否合一體考試將試卷另
封進 呈得 旨內外簾官子弟應行迴避者著另行考試乾隆元年會試及鄉試恩科准於常額
之外寬餘取中以示鼓勵其作何另行考試出榜之處著禮部速行妥議具奏尋議迴避子弟應請
仍於闈中一體考試另編坐號歸於一處以便稽查其試題會試由禮部堂官鄉試由順天府府
先期奏請 欽命四書三題於初八日密封轉交場內刊刻給散經題及二三場仍用闈中之題一
體考試至彌封之後另編字號滿洲蒙古漢軍卷面上俱列旗字其餘各省分照鄉試之例於卷面
上分別南北字樣禮部奏派大臣校閱所取試卷恭候 欽定於出榜之前發出會試由禮部堂官
鄉試由順天府府尹捧入場內轉交內簾主考官酌量名次敘入榜內 又議准順天鄉試皿字號
分南皿北皿中皿字號取中順天鄉試除北皿南皿字號照舊額各取三十九名外其雲南貴州四
川廣西另編中皿字號十五名取中一名如零數過半者亦准加中一名如人數不及十五名仍附
入南皿無庸另編中皿字號 謹案順天闈中分編字號名目以辨省分曰貝字號則直隸之生員
也曰北皿字號則奉天直隸山東山西河南陝西之貢監生也曰南皿字號則江南江西浙江福建
湖廣廣東之貢監生也曰中皿字號則雲南貴州四川廣西之貢監生也曰夾字號則奉天是也曰
旦字號則宣化是也曰函字號則天津商籍之赴試者也而山東省闈中有耳字號則孔顏曾孟四

氏也陝西省關中有丁字號謂實夏府也有聿字號謂甘肅也福建關中有至字號謂臺灣也於試卷送入內籙時畫疆分界因地取材以平解額庶不致豐茲畫被羸細懸殊有得失偏枯之患也

定博學鴻詞試題之例吏部議覆御史吳元安奏言薦舉博學鴻詞原期得湛深徑術敦崇實學之儒始足副淹雅之稱膺著作之選蓋詩賦雖取兼長而經史尤爲根柢若徒駢綴儷偶推敲聲律縱有文藻可觀終覺名實未稱應如該御史所請考試博學鴻詞定爲兩場首場試以經解一篇史論一篇二場照例試以詩賦論三題皆許自辰至酉夜則准其繼燭以盡其長疏上如議行又考試博學鴻詞 欽取十五人分別選授翰林院官先是雍正十一年四月奉 諭旨朕惟博學鴻詞之科

所以待淹通之士俾之膺著作之選備顧問之任 聖祖仁皇帝康熙十七年薦舉博學鴻詞召試

授職迄今數十年來未嘗廣爲搜羅以示鼓勵朕延攬維殷闕門籙俊敦崇實學論旨屢頒宜有禪

見洽聞足稱博學鴻詞之選者所當特修曠典嘉與旁求在京著滿漢三品以上各舉所知彙送內

閣在外督撫會同該學政悉心體訪遴選考驗保題送部轉交內閣朕將臨軒親試優加錄用至是

內外諸臣保薦陸續到部凡考試事宜俱如康熙十八年例經大學士鄂爾泰等奏擬一等考取五

名授以翰林院編修二等十名內由科甲出身者授以翰林院檢討未經中學者授以翰林院庶吉

士奉 諭旨依議次日帶領引 見劉綸潘安禮諸錦于振杭世駿俱授編修陳兆崙劉藻夏之馨

周長發程恂俱授檢討楊度汪沈廷芳汪士鎰陳士璠齊召南俱授庶吉士次年又補試博學鴻詞

一 等一名二等三名萬松齡張漢授爲檢討朱至洪世澤授爲庶吉士 二年大學士伯鄂爾泰奏
據太僕寺少卿成德欽天監監正明圖等詳籌官學事宜查算法爲六藝之一最爲纖密肄業必得
專功應專立一學卽在欽天監附近之地額設算學生三十六名滿洲十二名蒙古八名漢軍六名
漢人十二名滿洲蒙古漢軍卽于八旗官學生內擇其從前學過算法資質相近而願學者不拘旗
分選取漢人無論舉貢生童或世業子弟具呈國子監移送該學考試秉公錄取教習之法欽遵
御製數理精蘊次第教授線面體三部各限一年七政其限二年每季一小試每歲一大試屆期該
學會同欽天監公同考試又算學應額設助教一員教習二員卽于現在奉停算法教習十六員之
內揀選其助教揀選如何補用及期滿議敘應交部議算學生學有成效自不應選用別項應用
欽天監衙門應用各缺亦請交部定議又新設算學必得通曉算法之大員經理其事請交順天府
府丞梅穀成原任侍郎何國宗協同太僕寺少卿成德管理從之又禮部奏浙江杭州府生員張永
祚通曉天文明于星象應令其在欽天監天文科行走奉 諭旨張永祚著授爲欽天監八品博士
八年奉 諭旨朕聞修書各館膳錄人員內竟有不能繕寫之人黃綠而進及上館之後轉行情
募以致承修各書不能刻期告竣夫國家開館纂修典制恭重書成之日膳錄人員亦有議敘錄用
之例何得將不能繕寫之人濫行充補從前滿洲繙譯膳錄亦由各館自行挑補後御史觀音保條
奏請簡派大臣考試選取送館經部議行嗣後各館漢膳錄需人亦應另派大臣秉公考取送館錄

用下部定議嗣後各館需用漢膳錄人員亦照考取滿洲繙譯膳錄人員之例將舉人恩拔副歲貢生及捐納貢監情願考試者行文禮部國子監送部考取挨名頂補以上通考

十年正月特命移會試場期於三月以待春溫永著爲例三月 敕改殿試之期於四月二十六日

五月初一日傳臚 十六年二月上南巡江浙士子進獻賦頌 特予召試考列一等之進士舉人

以內閣中書卽用貢監生員賞給舉人投爲內閣中書學習行走嗣於乾隆二十二年二十七年三十年四十五年四十九年 駕幸

江浙三十六年四十年 駕幸山東三十八年四十年 駕幸天津凡進獻詩賦人員皆考試送取錄用如之 閏五月大學士九卿等題 旨保舉經學

人員陳祖范等疏上 上諭陳祖范等平日研窮經義必見之著述將親覽之以覘實學在京者交

送內閣進呈其人著該部帶領引見在籍者行文督撫就近取進俟觀其著述另降諭旨或願赴部

引見及年老不能來京者俱聽尋賞給陳祖范顧棟高國子監司業職銜授吳鼎國子監司業梁錫

璵額外司業通典

二十一年敕定鄉會第一場試四書文三篇第二場經文四篇第三場策五道其舊試論表判概行

裁去至會試第二場仍加試表文一道以乾隆丁丑科會試已卯科鄉試爲始其會試中式之卷於

庚辰科春榜後一體磨勘二十二年正月 敕會試第二場表文易以五言八韻唐律一首以丁丑

科爲始又議準鄉試自乾隆己卯科爲始第一場經文外加試五言八韻唐律一首二十三年議準鄉

會試第一場四書文外加試性理論一篇 三十四年 敕學政舉報優生會同督撫考核 四

十二年敕鄉會試第一場主考官酌定四書文三篇內承題起講起處應用虛字刊印一紙隨題分給舉子通場遵用違者貼出

承題如天字蓋字甚矣等字起調如今天且夫普思等字

四十三年 敕鄉會試場及學臣取士每

文一篇俱以七百字爲率違者不錄

通志

三十六年諭各省大挑舉人分發試用向例原以省分大小酌定挑數自乾隆三十七年壬辰科部下始以遠省挑十之六近省挑十之五定例請旨因爲邊遠士子跋涉較艱格外優恤起見而未思反近省中式者本來人多遠省本來人少茲朕閱本年各省大挑舉人名單內所挑近省舉人科分有遠至三十五六年者而遠省科分最久不過二十餘年蓋因直隸江浙等近省係中式舉人會試三科始得揀選而雲貴川廣等遠省會試一科卽行揀選是以遠省科分略深者業已揆班選用其得官已較近者爲優今大挑舉人再按五六分挑取則大省科分較深舉人轉多壅滯除本年已經辦畢庸用議外至乾隆五十二年丁未科再加恩舉行大挑舉無論省分遠近但就人數多寡均勻挑取俾遠近士子均得乘時自效以示朕知惠寒畯之至意

通考

右文科

周禮賓興三曰六藝而較射之典古人尤重之容比於禮節比於樂藉以觀德後世武選卽以是起家又兼試以內場策論必習韜鈴知書數者乃膺其選其於藝事略備固亦舉士之一端我 世宗憲皇帝於雍正五年 御瀛臺紫光閣閱視武舉外場復 命親軍護軍等步射時八旗入士能開

數石弓以技勇稱最者總萃林立各直省中式者見其挽強執銳驚爲神勇此皆漢六郡良家羽林
期門之選及唐時翹關負重之倫特以技勇爲滿洲所素具既聞而習見未曾設科目之名是以無
從紀述我朝舉士文武並重命學政取士膠庠每鄉試屆期則巡撫大臣校閱外場然後局開
試之技其尤者分別禁門入侍宿衛可謂榮矣大要武舉一途西北諸省擅長而東南閩廣邊地
次之凡出膂節鉞任提鎮者不乏人國家培養訓習之效亦於此徵盛云

通考

射爲六藝之一三代士人未有不能射者射義所載諸侯歲獻貢士於天子天子試之於射宮中多
者得與於祭中少者不得與於祭此後世武科以射試士其所由昉乎漢選六郡良家子給羽林期
門唐長安中始置武舉又有翹關負重之選宋金迄明武舉相沿不廢我朝八旗人士無不以善
射著稱挽強命中之技所在多有不僅如漢人應武科者始能射也至於取士之制國家文武並
重其武舉鄉會試悉視文科例會試及順天鄉試則欽派大臣閱箭各省鄉試則巡撫主之既以
外場定其優劣復以策論決其去留法至善也

通典

順治元年定武舉會試於辰戌丑未年各直省武鄉試於子午卯酉年凡京衛武學官生遇子午卯
酉鄉試年准一體赴試二年准於十月舉行各直省武關鄉試又定各直省武生鄉試例京衛
武生在兵部鄉試直隸各府在保定府鄉試各省在本省布政司鄉試大同府在大同府鄉試西夏
漢鳳及榆林鎮在西安府鄉試平慶臨鞏暨兩河等處在甘肅鄉試十六年大同府武生歸山西省

合試京衛及直隸各府奉天府武生俱歸順天府鄉試 三年又定武進士出身授官例一甲一名
授參將二名授遊擊三名授都司二甲授守備三甲授署守備著爲令通考

十二年九月上諭國家舉選人材共襄治理文武允宜並重今科中式武舉應照文進士例一體殿

試朕親行閱視先視馬步箭後視策文永作爲例屆期舉人各於 天安門就試畢以卷送 午門

外東直房讀卷官公閱進呈候 御批一甲三名畢各赴內院公同填榜十月 上親試武進士選

取于國柱等以初行殿試宜加優異第一名授副將品級二名授參將品級三名授遊擊品級四名

至二十三名授以應得品級俱令在京學習騎射先行照品級俸祿頂帶候滿一年題請實授通志

康熙六年河南道御史朱裴疏言國家開科取士文武相等查順治十五年以後歷科武舉武進士

未經選用者甚多因部科效力及提督劄委之人混淆雜進躐等先用而科目反不得與較遲速非

制科取士之本意也請將外委效力等項與武進士武舉等較人數多寡做二八分缺之例使科目

人員量行先選其外委各升須有戰功及捕盜實績不可止憑該衙門一概咨送選補下部議行通考

八年兵部覆御史錢三錫請定武闈條例以馬箭中三步箭中二者爲合式 上諭馬箭弓刀等項

俱已合式惟因步箭中不及兩箭不准合式似屬屈抑著再議尋議步箭雖未中式其射法精善者

亦准考取至比箭時應令內大臣都統內閣大臣與兵部公同監射得 旨嗣後武鄉會考試馬箭

以中四箭爲合式步箭以中一箭爲合式三十二年兵部題考試武舉一疏得 旨步箭大把以八

十步爲則太遠善射之人多致遺棄嗣後著改爲五十步以中二箭爲合式武場事宜頭場試馬箭
暨立三把各離三十五
步務要放馬踴躍三回九箭中四箭者合式馬箭不及額者不准入二場試步箭立大把以五十步
爲則務要殺滿精優直衝把子中央者爲中如有離中把子根把子族者不准九箭中三箭者合式
不及額者不准入三場試馬步箭外再試八力十力十二力弓八十觔一百觔一百二十觔刀二百
觔二百五十觔三百觔石弓必開滿刀必舞花石必離地一尺爲合式三項內有能一二項者准入
三場三場試策二道論一道通典

四十八年遵 旨議定直省綠旗營兵有通文藝願就武鄉試者于充伍地方該營將弁申送巡撫
一體鄉試不中者仍令歸伍又各營千把總及年滿千總門衛所千總有願應會試者該營撫提鎮
給咨赴部一體會試不中者仍歸厚職凡鄉會試中式各員願歸職伍者聽 五十二年十一月

上御楊春園內西廠閱視武舉騎射技勇 諭大學士等近見直隸各省考取武進士額數或一省
偏多或一省偏少皆因不知弓馬武藝止憑文章取中以致騎射嫻熟諳悉籍略之人多有遺漏嗣
後考取武進士不必拘定額數俟天下會試齊集京師令該部將各省到部武舉照例考試弓馬將
合式武舉等實數查明預行奏明朕計省之大小人之多寡照考取文進士例按省酌定取中額數
則學習武藝弓馬優長者不致遺漏矣十二月獲準各省武鄉試係巡撫專責嗣後到京會試之武
舉內從前中式武舉不議外自康熙五十三年鄉試爲始如新中式武舉內弓馬不堪人材不及弓
刀不能者將監試取中巡撫等官比照文科場例處分通志

五十九年兵部奏定將在部效力之武生及官員子弟停其取用專取武舉其武進士內有情願效

力者亦准收錄宗人府鑾儀衛兵科俱照兵部一體取用效力三年後考試武進士一等者以營守備推用二等者以衛守備推用武舉一等者亦以營守備推用二等者以守禦所千總推用

雍正元年定滿洲武鄉會試中額八旗滿洲等照漢軍例考取武舉二十名武進士四名編滿字號至十二年停止 又兵部奉 諭旨今科中式武進士係元年所取狀元授爲一等侍衛榜眼探花

授爲二等侍衛二甲十三名授爲三等侍衛令戴孔雀翎三甲記名三十六人俱授藍翎餘照例揀選補用 二年立武闈好字號取中外場兵部議覆吏部侍郎史貽直條奏武闈直省鄉試請照會

試例擇其弓馬嫻熟技勇出羣者另立好字號以便取拔應如所請得 旨考試武舉議定編好字號在京武鄉試朕派信用大臣考試嗣後各省武鄉試或以好字號取中或以文章好取中之處著

於解部武鄉試錄內註明以便會試時查對至雍正四年定鄉會試外場弓馬技勇好者另編好字且分別雙單好字移送內籙先於好字號卷內選取如不足數乃選取餘卷

以上通考

五年三月定武進士一甲照元年例補授侍衛二甲選十名授三等侍衛三甲選十名授藍翎侍衛其餘三甲進士 欽點大臣會同兵部揀選一等二等以營守備註冊三等以衛守備註冊十二月

奉 上諭今科廣爲加恩未選侍衛之滿洲蒙古進士授爲藍翎漢軍進士以驍騎校用漢進士分發各省給千總俸督撫提鎮試看壯勇勤謹者以守備題補

通志

准武進士隨營差操各省兵丁應鄉試者於中式武舉之後仍准食本身馬糧隨營差操若中式武

進士除選取侍衛外餘皆離營候選開除名糧奉 諭旨伊等開糧之後衣食匱乏未免拮据且恐

離營日久漸疎技藝應酌量變通辦理嗣後兵丁中式武進士之後有情願回營效力者准仍留本

身馬糧隨營差操遇有署事之處准一體酌量委署學習

通考

九年敕各督撫所屬地方召募揀選人材壯健技勇可觀者百餘人咨送兵部奏聞候揀派官員訓
練教習以備軍旅之用武生童生及鄉勇民壯等俱可入選每人本籍額外給與守糧一分以養瞻
其家口本人進京之時著督撫動支公用銀兩賞給路費 二十四年御史戈濤奏考試之人弓刀
石三項技勇皆係三號不准合式必有一二樣頭二號技勇方准入內場又雙單好字號列甬道東
號房合式號列甬道西號房則代倩之弊自可永絕再武內場原以講明方略自當以武經爲重將
四書論一篇裁汰以歸簡易從之

通典

二十五年更定外場事宜外場向例馬箭連射三回其九箭中四者爲合式試技勇合式後復射地

毯一回又例載遠把以五十步爲程高七尺寬五尺每人各射九箭中二者爲合式試技勇後復射

近把又應試弓力硬軟向聽自便至是江蘇巡撫陳宏謀奏請馬箭止射二回其六箭再射地毯一

回三回其中三箭者爲合式其試技勇後再試地毯之例應行停止又遠把酌改三十步每人各射

六箭以中二者爲合式射把不得隨意損益其試技勇後再試近把之例應併停止至馬弓以三力

爲率步弓以五力爲率其不及者不准合式有能加重者聽下部議行

通考

三十八年敕嗣後武生有願入行伍食糧者準其兼充毋庸將武生註銷又奏準馬兵考取武生者準仍留原糧鄉試年一體送考 四十四年覆準在營食糧武生拔補外委仍仍準一體鄉試由本

營該管官結報送考

通志

四十五年上諭向來武鄉會試考試技勇內硬弓一項原以十二力爲頭號近來士子輒填註十七八力及至較試時類皆勉強從事併竟有不能者殊屬無謂嗣後考試武場硬弓務以滿足入殿爲

度其主考冊內有能過頭號弓十二力以上者亦不得過十五力著爲令

通典

謹按中樞政考直省武鄉試中額順天一百五十一名內漢軍四十名奉天三名江南六十三名浙江五十名江西四十四名湖北二十五名湖南二十四名福建五十名山東四十六名山西四十名西安五十名甘肅五十名四川四十名廣東四十名河南四十七名雲南四十二名貴州二十三名廣西三十名

通考

右武科

虞書有云賞延于世而殷盤詰誡亦云世選爾勞蓋因乃祖乃父之勤於王事而恩及其子孫任子之制從來尙矣西漢門廩人才最盛如蘇武之忠汲黯之直劉向馮野王之文學史治皆在於是則任子中亦大有人在也第以恩澤得官其類不一有賜任者有奏任者有恩任者如南效聖節致仕遺表秩滿兩任皆得廕及子弟所謂尙鳩竹馬已獲荷囊未應娶婦已得任子時已覺其太濫至如

東漢延熹中宦官任子布滿州縣故明王振廢及貂璫拖朱曳紫比比皆是又其甚焉者矣我國家慎重名器不以爵賞濫施凡勳閥故家子孫或襲世爵或襲世官皆得以才地與選宿衛日侍殿廷教訓而成立之以備國家棟幹之選其因 恩詔賜廢者例應視祖父品級入監肄業者試授官又慮其稚齒顯蒙恃前人之資廢面牆不學蒞事爲愆是以令在部學習行走分別優劣以辨去留其長于騎射願改武途者聽之旣以昭 朝廷世及之恩亦以安臣子承家之分所謂仁之至義之盡也至人臣臨危盡節致命遂志不復慮及後昆而 卹典施於身後裔嗣以難廢受官是又我 國朝所以勸忠旣往垂訓方來不嫌于優渥者也

順治十一年國子監奏費羅廢生一例送監讀書俟月分滿日亦與官員廢生一例照等銓授從之
十三年定滿洲蒙古恩廢例一品二品官廢生俱以六品博士用三品官廢生以七品筆帖式用
十八年奉 恩詔滿漢官員文職在京四品以上在外三品以上武職京外二品以上送一子入監讀書三年期滿候銓凡官員非現任者及未承廢之先曾經緣事治罪者俱不准廢至康熙三年題准各官廢監生其父緣事革職其廢子未仕者革廢已仕者免止於降調者仍留廢康熙六年定各官不論品級暨宮保等銜均照實俸廢子其遇 詔各官廢子均查明准廢以後稱遺忘補請者不准 康熙十年議准文職雖革尚有武職者仍留廢康熙十二年定原品解任食俸者准廢武職恭 遇 恩詔鑾儀衛鑾儀使提督總兵及帶一品銜管副將事等官各准廢一子入監讀書都督僉事

管副將事及參將管副將事者各送一子入監讀書其署副將以下小衙副將不准廢監

康熙三年定承補恩廢例凡承廢先以嫡長子孫如嫡長子孫出仕或有故方廢嫡次子孫無嫡次

子孫方廢庶長子孫庶長皆無方廢弟暨兄弟之子應合承繼者其子孫在 詔後生者不准廢其

廢生未仕而故准補一人患病殘廢者驗明退廢別補已補而又故者不准再補又定各官廢監生

已得官職暨科目中式者不准補廢定漢人難廢生均以州縣選用凡漢軍難廢生例俱以知縣知

州隨到隨補漢人難廢生例俱以小京官用據廢生袁象乾等呈稱缺少人多永無補用之期得

旨漢軍漢人陞轉既已一體以後漢人難廢生俱著照漢軍之例行旋議改漢軍廢監生亦照舉人

例以知縣用 又定漢軍漢人殉難廢生三品以上者以知州用四品以下者以知縣用布按都三

三司首領及州縣佐貳六品七品官之子以縣丞用八品九品官之子以縣主簿用未入流之子以

吏目用 六年准旗人廢監生分別學習定例滿洲蒙古漢軍廢監生武官之子以部院衙門用

文官之子照品級隨旗上朝至是吏部奏准嗣後不論文武年三十以上者照分部進士之例分派

各部院衙門學習二年期滿果行走勤慎熟悉部務該堂官奏准移咨吏部照例銓補其有才識出

眾之員許堂官指名具題即行補用其不能學習情願隨旗上朝者各照品級准其隨旗上朝或已

經學習而行走平常不能辦理部務者咨回該旗行走 定廢生授官例公侯伯一品官廢生以部

院衙門五品缺用二品官廢生以六品缺用三品官廢生以七品缺用四品官廢生以八品缺用尋

常

選舉

十

約雅堂藏板

定 恩詔廕生漢正一品官以員外郎治中用從一品官以主事用正二品官以主事都察院經歷京府通判用從二品官以光祿寺署正大理寺寺副用正三品官廕生以中行評博通政司經歷太常寺典簿用從三品官廕監生以光祿寺典簿鑾儀衛經歷詹事府主簿京府經歷用四品官廕監主與捐貢監考職人員一體考定職銜入於應選分內分缺輪班選投漢軍正一品從一品官以員外郎用正二品從二品官以主事大理寺寺正用正三品從三品官以七品筆帖式用四品官以八品筆帖式用 九年准包衣下官員子弟一體承廕凡包衣佐領下官員子弟向不准爲廕生監生至是吏兵二部奉 諭旨內外官員效力相同加恩豈宜有別嗣後包衣佐領下官員子弟准爲廕監爾部定議具奏尋議包衣下一品官子弟許其承廕二品至四品各廕一子入監讀書從之 五十二年宗人府以宗室內素無廕子入監讀書之例奉 萬壽恩詔授宗室之子爲廕生其應將何等宗室給與廕生及廕生入監讀書期滿作何行走之處具奏奉 旨未入八分公以下鎮國將軍輔國將軍及宗室內爲一二品大臣者俱准給廕生其廕生入監讀書之後卽令隨旗行走

雍正元年定考試廕生例先是文武廕生監生由國子監肄業期滿咨送吏部保武職廕生咨查兵部品級題廕年月有無事故文職廕生吏部查照品級題廕年月俱俟國子監咨送到日吏部將年二十以上者查明有二三人到部卽考試履歷進 呈帶領引 見歸於月分先後揆選其同日題廕者照題疏名次先後錄用未經考試者不准銓選至是奉 諭旨內外廕生監生等到部考試繕

譯書法再分派各部行走令伊等咸得勉力學習至世襲官員所得三品廕生內若考試有列優等者仍著奏聞賜以所應得原品如此則伊等必痛自砥礪以求上進不但國家得有用人才足供任使卽各部院衙門亦不致令無知子弟羣廁其間率意肆行爲取人所譏議矣 三年吏部議覆詹事錢以增條奏嗣後提鎮諸臣所得廕生除通習文理者照例考試以文職補投外其有幼習武藝人材壯健願改武職者令其呈明吏部移咨兵部考試簡用凡廕生改用武職者京官一品尙書等官及外任總督將軍廕生俱以都司僉書銜管都司僉書用二品侍郎等官及巡撫提督廕生俱以署都司僉書銜管都司僉書用三品副都銜史通政司等官廕生總兵官布政司廕生俱以守備銜管守備用按察使廕生加一品大銜副將廕生俱以署守備銜管守備用二品銜副將之廕生以守禦所千總用小銜副將之廕生以衛千總用又定廕生願改武職者呈部咨送考驗弓馬技藝將年力精壯者帶領引 見恭候 欽點侍銜外其餘或交巡捕營行走學習或交外省督撫提鎮隨營試用俟弓馬熟嫻營務通曉在巡捕營者該統領帶領引 見交兵部按品補用都司按人文到部先後補用守備衛千總於各班之末輪補一人守禦所千總歸入郤班內補用在外省試用者該督撫提鎮按品題補 六年以廕子獎督工死事員弁松江府知府周中鉉山清裏河把總陸章督等吳淞江險工被溺身故加贈周中鉉太僕寺卿廕一子入監讀書陸章廕一子以衛千總用

乾隆三年奉 諭旨我 皇考酬庸念舊特立賢良祠於京師俾我朝宣勞輔治完名全節之王大

臣承承禮祀垂譽無窮實自古未有之曠典也賢良大臣之子孫已登仕籍者固多其中或有不能自振漸就零落之人亦屬可憫朕仰體 皇考厚待耆舊之盛心加特恩一次除現在入祠之子孫有文官七品以上武官五品以上 三十四年諭內外文武大臣皆分職任事爲國宣力分應予廕世爵公侯伯等祖父勛庸懋著錫慶承家卽照一品子廕亦與延賞之義相符若子爵男爵之一品二品或先世績本稍微或承襲久而遞減平日並無職任不過朝期上班及本旗應差不應與內外大臣公侯伯等一體予廕著照雍正二年 諭旨子爵視三品官男爵視四品官下部議行 四十七年諭正白旗滿洲都統以隔旗同姓拉世喜之輕車都尉等承襲雲騎尉富森布病故照乾隆三十八年八旗王大臣等辦理之例奏請停其承襲三十年八旗王大臣等請將隔旗同姓子孫承襲之富森布二十員停其承襲等因具奏彼時朕卽降旨現在查出人員俟出缺之時再行辦理何必預行議定況拉世喜由班濟之輕車都尉已減至雲騎尉而隔旗同姓之富森布承襲已經三輩旗人惟賴俸餉度日今若停其承襲不惟初立世職之人絕其禮祀而出缺人員子孫不得食俸自至拮据實不副朕矜卹旗人之至意著加恩將富森布之 五十年諭綠營員弁除軍功議叙卹賞仍照舊辦理若陣亡人員毋論漢人及旗人用於綠營者總與旗人一體給與世職卽襲次已完亦應照例酌給恩騎尉俾賞延於世以示朕獎勵戎行一視同仁之至意尋經軍機大臣會同兵部議奏請將文職靴廕與武職均歸一體辦理 一定例旗員先受世爵將陣亡者按其等差加以應贈之秩合

爲一爵令其子孫承襲至一等公以上無爵可加令其嫡子襲其一等公以別子襲嗣後綠營人員均照辦理 一文武陣亡人員應襲世職俟襲次完時均照旗員例給與恩騎尉世爵 一世職承襲人員令該督撫查明年歲照依旗員之例年已十八歲者送部引 見承襲發標學習准食全俸其年未及歲者給與半俸 定因公差委漂沒身故卹典兵部議覆署兩廣總督孫士毅奏廣東吳川營把總傅君召管駕該營在廠修竣戰船駕駛回營遭風漂至外洋擊碎淹沒身故請照陣亡例卹賞向例大洋大江危險地方凡官兵因公差委漂沒身故者照陣亡例辦理若在內河內洋漂沒身故照陣亡例減一等辦理近蒙 皇上特恩將陣亡綠營官員照旗員例一體改給世職伏思官員巡洋遭風猝遇不測固屬因公殞命但究與身先士卒效命疆場捐軀鋒鏑者有間若因陣亡應贈舊例已刪概照打仗陣亡新例議給世職似無以示區別而貽平允臣等酌議嗣後官員因公差委在大洋大江遭風淹斃及在內洋內河因公淹斃者仍按其官階各照舊例分別給予應贈卹賞將舊例內照陣亡字樣刪去庶因公身故人員仍得仰沐 恩施而延賞卹庸亦不致幸邀曠典從之 增定軍營立功病故人員卹廕例時兵部將在軍前打仗列爲超等未經咨部議叙卹即在軍營病故原任遊擊達賴保之子文格照例廕給七品監生具奏奉 旨令查明向例另行酌議尋議查定例陣亡者照品級給與世職出征立功未經議敘旋在軍營病故者照立功等第給與廕監一次似應照舊辦理惟已經議叙人員向以業經給有功牌功加病故後卹不再議予廕是較之未經議敘得

有廢監者轉費偏枯請嗣後出征立功在軍營病故人員無論旗員綠營曾經議敘及未經議敘者均令兵部查核該領兵大臣原保等第一體照例給予廢監從之

以上通考

右任子

周有府史胥吏漢有郡縣掾之屬卽今之吏員也三代時人各以材地自安堯庫之士咸世其家終其身無外慕至漢則刀筆吏或至爲宰相封列侯於是乎智計輻輳之士有不嫌以吏道入官者後世文武各途皆資拜獻爲士者旣不屑屑于吏其人之年力已長無所成就又不能需體塗足東身南畝者往往歸于是以資其生自其祖孫父子居通都大邑日事侈靡勢必因事而有所索取我世宗憲皇帝懲其積蠹於是有役滿占缺之禁有回籍候選之條不使久住京師爲滋弊淵藪近年以來 皇上遇事重德防微杜漸兼之五年期滿議敘得官亦可以贍其衣食夫治進去其太甚旣防其有作奸犯科亦予之以微勞銓敘立法均平無踰是者謹以吏道出身銓用之法敘列於左順治五年吏部奏言佐貳雜職等官例由吏員充選今考定者俱經選用而懸缺尙多應令內外各衙門將辦事吏員自順治元二兩年實歷至今者俱確查送部照例考補得 旨允行仍 論嗣後吏員實歷五年卽與考取者爲令 十二年吏部議覆山東道監察御史王秉乾疏言軍前委用官員必詳勘履歷方可給劄有以吏員出身而經委署府州縣正官者如部選有人繳劄到部俱應以首領縣佐用永著爲例從之 定吏員考職例內外各衙門吏員役滿考職自正八品以下至未入

流十五年分爲五等止與九品以下職銜至康熙三年分爲四等一等以正八品經歷用二等以正九品主簿用三等以從九品用四品以未入流雜職用分班銓選

康熙五年吏部議覆科臣碩穆科疏言吏員一途雖係微末亦關係國家名器乃竟有冒名頂替之人嗣後各衙門起送年滿吏員應給與印信執照開明年貌籍貫并充役咨部日期付本人收執於畫憑領憑之日送部科查驗以杜頂冒之弊應如所請從之十五年以考定吏員發往陝西以陝西總督哈占疏稱平涼固原等處地方已經恢復州縣佐散驛丞大使需員補用故也

雍正元年都察院奉 諭旨各衙門募設書辦不過令其繕寫文書收貯檔案但書辦五年方滿爲日已久熟於作弊甚至已經考滿復改換姓名竄入別部奸弊叢生更有一等缺主名色子孫世業遂成積蠹自後書辦五年考滿之後各部院堂司官查明勒令回籍聽選如有逗留不歸者飭令五城司坊官稽查遣逐二年奉 諭旨吏員捐納出身知縣以上官員直省共有幾人著查明奏聞尋查明覆奏得 旨現今查出者其居官優劣之處著督撫出具保結報部如不詳細報明白後發覺將隱蔽之上司一併革職五年定倉書儒士錄用例吏部議奏京通各倉倉書五年役滿倉糧毫無虧空咨送到部免其考職以從九品未入流二項兼掣再禮部儒士食糧三年期滿咨送過部免其考職以府檢校典史選用

乾隆五年奉 諭旨前經吏部議覆役滿書吏應飭令回籍其中願就揀選之人於三箇月揀選一

次帶領引見將奉旨准用者註冊俟將來外省請人時派往等語昨日已經引見一次為數亦止五人朕思此等微員一年之中頻頻引見亦覺非體嗣後著交與大學士會同吏部堂官三月揀選一次將名姓奏聞請旨著為例 四十九年吏部疏言從九品款項繁多以吏目為最優捐納從九品人員不得選用吏目獨供事議敘從九品得以兼用未為平允請更定照捐納從九品之例不得選用從之以上避考

右吏道

謹按通考選舉門舉士下有孝廉方正一篇通典於舉官條目中書乾隆元年吏部議保舉孝廉方正而通志又隸於舉士蓋 詔舉與保舉不同 詔舉為舉士故通考通志屬舉士保舉為舉官故通典屬文選茲用通志之例錄通考之文列於文科又案通考有方伎一篇今攷其文如天文算學等類已見學校門似不必別立條目

二十四史九通政典類要合編卷三百一

皇朝九

選舉 文選 武選 考課

自漢成帝置常侍曹尚書一人後漢光武改常侍曹尚書亦曰選部而典選之名始起魏晉以後吏部之權漸重然其時雖立九品中正之法辟召舉薦亦相兼而進至隋制凡一命以上銓選悉歸吏部唐以後皆因之然身言書判之格銓注唱厥之煩嚴則賢愚同滯寬則賢否混淆馬氏譏其寬嚴失中誠篤論也宋遼金元大抵相若明之三途並用制非不善而中葉以後請託賄囑漸成風尚此孫丕揚所以創爲掣籤之法亦救弊之一術也 國朝選官專歸吏部吏部凡四司而文選堂銓選考功掌考察其職尤要竊惟 列聖相承關門籲俊詢事考言凡前代銓選之弊 釐剔無餘我 皇上睿謨獨運慎重官方一切銓選之法斟酌損益因時變通而權衡悉稱洵哉不易之良規矣

通典

舉士舉官分爲二途肇始於唐文職武職之分選於吏部兵部亦自唐分之蓋以薦舉徵辟失實徇私朝廷未收得人之益已不勝門戶黨援之習誠不若歸於畫一之制其道簡而易操故自宋以來踵而行之未之或易也我 朝 列聖相承加意旁求片善徵長悉邀甄錄 詔王公貝勒滿漢諸大臣各舉所知以副立賢無方之至意而部例所定承爲法守者又復至精至密 皇上道隆繼述

金鑑獨操權衡銓典因時損益務使官稱其職無濫無滯以大公至正之心爲因材器使之用凡銓選保舉文武員弁一經引見材具優劣燭照無遺臣工皆不得專其柄而行其私法良意美立萬

世舉官之極則彼前代之專憑選部爲進退徒視舉劾爲黜陟者固未足語於用人之道矣

志通

天聰三年上選用儒臣分班侍直巴克什達海同筆帖式剛林蘇開固爾馬渾托布齊等四人繕譯漢字書籍巴克什庫爾纏同筆帖式烏巴什查素喀瑚球詹霸等四人記注本朝政事以昭信史

順治二年敕舉秦中山林隱逸并錄用故明文武進士舉人九年敕吏部銓選不得援引親黨納

賄營私十年設立記注官員允工科都給事中劉顯績請也十二年正月上諭知府乃吏治之本

其最要者如直隸之真保河間江南之江甯淮揚蘇松常鎮浙江之杭嘉湖紹山東之濟南青兗山

西之太原平陽河南之開封彰德陝西之西安延安江西之南昌吉安湖廣之武昌荊襄福建之福

州泉州其三十府著在京各衙門滿漢堂官三品以上及在外督撫各舉盡任知府者一人詳開履

歷事蹟具奏吏部再加察議奏請定奪並著吏部將州縣地方繁簡酌分三等其應選官員考其身

言書判分三等具奏上等等者以上等缺列名引見候朕面定二等者投二等地方三等者投三等地

方不必引見俱從公掣籤至有司賢否司道府推開報不實卽先指名題參如督撫不親自體訪覈

實以至賢否混淆事發一體究治九月敕六部卿寺官員有才優經濟堪任牧民者著各堂官開

列六科官員著吏科開列各道御史著都察院開列通送吏部會同都察院察核速奏其在外司道

等品行著聞政治卓越者確察實跡遇缺內轉旋以待郎等官及科道官俱傳 諭親加裁定分別酌用遇缺卽補吏部議翰林官陞職銜正詹以布政使用支正二品俸少詹以布政使用侍讀學士以按察使用侍讀中允以參政用編修檢討以副使用侍郎副都御史通政使大理寺卿以布政使用壽正二品俸太僕寺少卿順天府府丞以按察使用光祿寺少卿以參政用六科左右給事以副使用給事中以參議用監察御史以副使用從之十月吏部奏考選御史現在科道缺員太多應將在內中行評博及五部主事歷俸二年以上者咨取考補十員餘缺於在外推知內查歷俸三年薦有三次者咨取考選至內院中書應否考選伏候 上裁得 旨內院中書不准考選科道著爲令十一月 敕考選巡按及科道陞轉悉請 上裁

以上通典

十八年吏部奏巡按已經停差其地方事務俱交巡撫管理今議定巡撫薦舉額數順天巡撫應薦方面官一員有司佐貳官共三員教官三員保定巡撫應薦方面官一員有司佐貳官共五員教官五員江甯巡撫應薦方面官二員有司佐貳官共三員教官三員操江巡撫應薦方面官一員有司佐貳官共三員教官三員鳳陽巡撫應薦方面官二員有司佐貳官共四員教官四員山東巡撫應薦方面官二員有司佐貳官共六員教官六員河南巡撫應薦方面官三員有司佐貳官共七員教官六員陝西巡撫應薦方面官四員有司佐貳官共七員教官六員甘肅巡撫應薦方面官一員有司佐貳教官共二員延綏巡撫應薦方面官一員有司佐貳官共二員教官一員甯夏巡撫應薦方

面官一員有司佐貳教官共二員浙江巡撫應薦方面官三員有司佐貳官共六員教官五員福建巡撫應薦方面官二員有司佐貳官共四員教官四員江西巡撫應薦方面官三員有司佐貳官共五員教官五員南贛巡撫應薦方面官二員有司佐貳官共三員教官二員鄖陽巡撫應薦方面官一員有司佐貳官共二員教官二員湖廣巡撫應薦方面官四員有司佐貳官共七員教官六員偏沅巡撫應薦方面官二員有司佐貳官共四員教官三員廣東巡撫應薦方面官三員有司佐貳官共六員教官六員廣西巡撫應薦方面官二員有司佐貳官共四員教官四員四川巡撫應薦方面官三員有司佐貳官共七員教官六員貴州巡撫應薦方面官二員有司佐貳官共三員教官二員雲南巡撫應薦方面官三員有司佐貳官共四員教官三員漕運總督應薦方面官七員有司官十六員佐貳官六員著爲例從之

康熙三年奉 諭旨凡官員較俸推陞衙門相同卽與同品官較俸但衙門品級各有大小不便一體較俸應另行定議尋議大學士缺以各尚書左都御史推補如不用以各部侍郎學士推補各部尚書缺照衙門次序以尚書左都御史轉補如不用以各部侍郎推補吏部侍郎缺以各部侍郎轉補各部侍郎缺以學士左副都御史通政使大理寺卿宗人府府丞推補如不用以府尹太常寺卿推補左副都御史缺以通政使大理寺卿宗人府府丞推補如不用以府尹太常寺卿推補如不用以光祿寺卿推補如不用以左通政推補通政使大理寺卿缺以府尹太常寺卿推補如不用以光

祿寺卿推補如不用以侍讀學士左右通政大理寺少卿照考語俸次推補府尹太常寺卿缺以光祿寺卿推補如不用以左右通政大理寺少卿推補如不用以太常寺少卿鴻臚寺卿太僕寺少卿督捕理事官照考語俸次推補光祿寺卿缺以左右通政大理寺少卿推補如不用以太常寺少卿太僕寺少卿鴻臚寺卿督捕理事官照考語俸次推補其小四品京堂缺將每年內陞京官四員用完後用五品京堂官一員再用內陞司道一員得旨學士既推陞侍郎以後大學士缺停其推用

又定漢官陞轉例先是吏部以補授總督巡撫通政使府尹光祿寺卿此數員缺奉旨不論漢

軍漢人已經遵行嗣以內三院大學士六部尚書以下鴻臚寺少卿以上漢缺陞轉擬奏下議政王等會同酌議勿令壅滯尋議凡陞補在外各官既不論漢軍漢人應將在內各官亦不必分別漢軍

漢人今後補授內院大學士六部尚書以下各項官員缺俸其分別補授將漢軍漢人一體陞轉得

旨堂官員缺漢軍官員每衙門不得過一員五年定分班陞補主事例行人司司副內院典籍辦

事中書兵馬司指揮光祿寺署正鑾儀衛經歷國子監博士助教與知縣爲一班大理寺評事太常

寺博士中書科中書行人司行人內院撰文中書順天奉天推官通政司經歷上林苑監丞國子監

監丞爲一班分推補用主事六年山東道御史王伯勉疏言推陞知縣舊例用監生生員吏員出

身佐貳揆陞臣思縣令爲民父母此輩豈能勝任若謂人材或有可用請飭各省督撫廉訪佐貳中

果有才能出眾堪任民社者保舉陞授如無保舉者仍以閒散陞用倘徇私濫舉事敗卽坐以徇庇

之罪下部議行 又御史李文熙疏言各部郎中陞補府道定例每月府道缺並出始命掣籤補授今道缺已裁十分之七郎中銓授無時嗣後請出有府缺卽令陞府有道缺卽令陞道得 旨以後

遇推陞之月不必分別道府著照所出之缺內外應陞官均平推陞

以上通考

七月上諭舊例科道之員行取在外有司補授因有司乃親民之官請悉民間利弊得以據實指陳有裨政治且外官內擢足以鼓勵人才振興吏治今後科道缺出可移文督撫有司內舉賢能素著者咨部行取來京朕親選用每歲行取幾人爾部酌議以聞尋議行取知縣既咨行各省令將才能夙著者選送但勿預定員數凡知縣內有卓異薦舉無錢糧盜案者列名咨送如無卓異薦舉之員將應俸三年無錢糧盜案才能夙著者令該督撫詳確選擇列名咨送吏部詳核具題行取來京考選以科道用者註冊以文題補若無才能官員不必充數濫送督撫咨送非人及錢糧盜案未結之員治以徇情之罪從之

通典

十年停止會推推陞之法順治九年議準尙書侍郎都御史副都御史宗人府府丞通政使大理寺卿內閣學士掌院學士等官俱由會推至是停止將應陞轉各官開列具題凡九卿京堂翰林吏部科道內閣中書及在外布按鹽運使各官遇缺當補卽行單題凡部寺屬官及方面有司佐貳雜職缺出掣籤逐月彙題是時惟外省藩臬間一奉 旨推舉至五十一年盡行停止 謹按會推之制始於明時定制之初未始不以登明選公爲說迨其後則仍以一二有力大臣操其魁柄而下此皆

附和之有異議者中以他法亦無能自辨此正昌黎韓愈所云大官臆決唱聲萬口一辭者也沿至故明末造以政府廷推黨同伐異爭勝負於口舌之間元黃反覆而國勢隨之我朝祖宗以來乾綱獨斷綜攬化權當關門籲俊之時未嘗不博採遠詢廣求賢哲而欲以同聲標榜互爲進取之地則有所不能蓋至是凡大學士尚書左都御史侍郎副都御史宗人府府丞國子監祭酒等員缺暨直省總督巡撫停止會推將應陞應轉各員開列具題恭候欽定諸臣心跡已體察於平時而聖主權衡更折衷於臨事既省公私之傾軋并無恩怨之牽掣而黨援門戶之風亦從此永息

矣
通考

十七年正月改戶部郎中王士禎爲翰林院侍講入直南書房謹按翰林諸職明制以一甲進

士授修撰編修復選二三甲進士爲庶吉士散館考授編修檢討非是不得與侍從清華之列我

朝登用羣材不拘常格廣勵淹通之士以備顧問之選如靳輔張允欽以未與館選得改授翰林官

而王士禎尤以詩文盛名海內推服爰自部郎入官禁從嗣是改授之典隨時舉行文學之臣比

肩接踵莫不膺異數而叨殊恩書曰知人則哲能官人固遠超乎前代資格之說已

通典

三十九年奏定各省舉人就中書者人多缺少內有願知縣教職之人聽其具呈改注漢軍舉人無

銓用之慮酌議於舉人班次內每選過三班後選漢軍舉人一人六十一年遵旨議定河工官

員關係緊要臺灣遠屬海疆廣西之南甯太平慶遠思恩四府雲南之元江開化廣西廣南四府俱

在邊遠此等地方官員仍令該督撫題補其餘增添保題各缺概行停止

通志

定補用筆帖式考試之例各部院補放滿洲蒙古漢軍筆帖式至繕譯筆帖式班次吏部試以繕譯補用至滿字筆帖式班次試以繕寫滿字補用如不能繕譯繕寫者俱各駁回將其次之人考取補用此駁回之人給假一年學習好時具呈入伊原班註冊如遇缺出仍行考取補用 謹按各部院衙門筆帖式舊例由官學生庫便領催補授順治九年題準舉人生員亦得補授康熙元年以廕監生補授四十五年奏準現行補授各部院滿字漢字筆帖式分爲二十一班凡補用之人俱照各本班日期先後挨次輪補又有將軍督撫衙門省城邊塞等處筆帖式卽入於二十一班內照咨送日期挨次補用蓋筆帖式爲八旗出身之路凡識滿漢字者由繕譯考試止識滿字者由繕寫考試當考試時 上命王大臣或大學士等閱卷品定甲乙進 呈優者分別品級錄用附錄於是以詩選用之大概焉

雍正元年定滿洲翰林陞轉例 上以滿洲進士舉人出身之翰林無陞轉之途著吏部議尋議嗣後翰林院侍讀侍講諭德洗馬國子監司業缺出將由庶吉士授職編檢之翰林論俸推陞一員將由進士舉人出身之中九等陞補一員講讀學士少詹庶子等缺出將現任之講讀諭洗司業推陞一員之後將進士舉人出身之科道等官陞補一員從之

以上考

四年遵 旨議定八旗漢軍人員不得補刑部司官並應照漢人迴避本省之例凡直隸道府州縣

等缺於銓選時扣除布按兩司缺亦停其開列得 旨布政按察使仍行開列

通志

六年七月上諭督撫等帶往各省委用人員在地方不甚相宜除已經到任之後因本地要缺奉旨題補不必解任外如楊文乾陳時夏莽鵠立及各省督撫大吏從前所請帶往之人目今現在屬下者俱著回京請旨另用十月 特諭京官大學士以下主事以上之滿洲漢軍漢人外官督撫以下

知縣以上之滿洲漢軍漢人每人各舉一人除現任知縣以上官員不必保舉外或以舉貢生監或係山林隱逸果有品行才猷可備任使者即親戚子弟亦不必引避嫌疑至外官所轄之現任佐貳雜職等屬員亦準舉

通典

八年敕定新進士在六部額外主事上學習行走三年後如能稱職該部堂官題補如不能稱職該部奏聞其內若果有才猷出眾明練政治之員於一年之後該堂官將情由聲明保奏帶領引見請旨此各部行走之員俱照額外主事之例給與俸祿又 諭今科外用進士交與各該督撫分派藩臬衙門令其學習三年之後委署試用一年約計四年後題補實授若果有才具出眾平日熟練吏治不待學習者著該督撫格外委署題補即於本內聲明若才具庸常情願改教者不拘三年之期準其具題改補其學習之員並酌量給與公費

通志

乾隆三十奉 諭旨科道為朝廷耳目之司關係甚重向來俱係各部院堂官將合例司員揀選保送翰林院編修檢討亦在揀選保送之例由吏部帶領引見朕親加揀拔用為科道此定例也但思

部院司員及翰林編檢人數甚多各堂官保送皆就伊等所見舉出統計一衙門官員不過十之一二其餘取員朕未經漏覽此中或有可任科道而不在保送之列者亦未可定朕意欲將例應考選翰林部屬等官一概通行引見司員每日在本衙門辦事其才品之長短賢否該堂官皆所熟悉著逐名出具考語有由州縣行取補用者亦著註明即著該堂官帶領引見至編檢官員職司文墨其辦事之能否未經試驗無庸出具考語著掌院學士帶領引見朕自有鑑別現在御史員缺應行考選且記名之人即可備將來考選之用至於考選人員著各衙門於圓明園該班奏事之日帶領引見翰林院編檢人多分作三班部院酌量人數分班每班以二三十人爲率記名之後陸續交與吏部俟有御史缺出按其品級俸次開列引見候旨補授補用將完之日吏部再將如何考選之處另行請旨 十六年選舉經學人員先是乾隆十四年奉 諭旨聖賢之行本也文末也而文之中經術其根柢也詞章其枝葉也翰林以文學侍從近年來因朕每試以詩賦頗致力於詞章而求其沈酣六籍含英咀華究經訓之闡奧者不少概見豈篤志正學者鮮與抑有其人而未之聞與夫窮經不如敦行然知務本則於躬行爲近崇尚經術良有關於世道人心有若故侍郎蔡聞之宗人府府丞任啟運研窮經術敦樸可嘉近者侍郎沈德潛學有本源雖未可遽目爲鉅儒收明經致用之効而視撥祭爲工蠲綵爲麗者迥不侔矣今海宇昇平學士大夫舉得精研本業其窮年矻矻宗仰儒先者當不乏人奈何令終老闕下而詞苑中寡經術士也內大學士九卿外督撫其公學所知不拘

進士舉人諸生以及退休閒廢人員能潛心經學者慎重遴訪務擇老成敦厚純樸淹通之士以應精選勿濫稱朕意焉至是大學士九卿等保舉經學人員遵 旨再加核實以聞疏上奉 諭旨保

舉經學之陳祖范吳鼎梁錫興顧棟高既據大學士九卿等公同覆核取論僉同其平日研窮經義必見之著述朕將親覽之以覘實學在京者俱交送內閣進呈其人著該部帶領引見在籍者行文

該督撫就取之朕觀其著述另降諭旨或赴部引見或年老不能來京者聽嗣於八月奉 諭旨據

王師摺奏保舉經學之陳祖范顧棟高年力老邁不能來京陳祖范顧棟高俱著賞給國子監司業

職銜以爲績學之勸所有著述留覽尋授吳鼎國子監司業授梁錫興額外司業

通考

十六年四月定 特派大臣揀員分發例 上諭向來分發各省人員由吏部堂官揀選雖職掌所

在然未足以示慎重嗣後凡有揀選之處該部將滿漢大學士九卿并該部堂官一同開列候旨特派大臣揀選交部帶領引見著爲例五月 上諭向例知縣三年行取一次吏部按期奏請此特相

仍故套於吏治人材毫無裨益所當永行停止科道內陞外轉改爲三年舉行一次著爲例 十七

年命王大臣揀選下第舉人引見以元克莊等六人分部學習餘以知縣試用教職銓選分別錄用

謹按明代舉人以推官知縣銓注其入監肄業驗各衙門歷事者期滿得授小京官及府佐各員

國朝更定選用之法舉人以次銓知縣教職外由別項考試得授內閣中書國子監學正學錄等

官我 皇上立賢無方不拘資格既念中額有定予以及時自效之途加惠已屬極渥復破常格優

千部僚誡爲士人之希遇已嗣於二十六年 恩科會試後復揀選下第舉人以知縣教職分別錄用附識於此

二十一年奏準在學肄業宗室年滿考列一二等擇其人去得者授爲宗人府貼寫筆帖式二三年後如果行走勤慎辦事好者引 見以筆帖式坐補三十年 上念舉人需次知縣動至三十餘年

應籌所以疏通壅滯之法 敕於明歲丙戌春闈後派大臣分別揀選引 見錄用尋經議定嗣後截取舉人督撫秉公驗看其堪膺民社者給咨赴部候選如精力已衰情願就教準其在本省呈改

至年七十以上自問不堪供職者免其調取驗看督撫核實查明年歲造冊具題請 旨賞給中書科中書大理寺評事太常寺博士三項職銜至明歲大批扣除近兩科自庚辰科以上俱準赴挑

三月又奉 諭旨此次挑選以二千八爲額尋擄取一等八百餘人以知縣等官分發試用二等一千一百餘人以教職銓選未入選之年七十以上者卽給與中書等項職銜 三十七

年教揀選下第舉人以知縣教職分別錄用扣除近四科不入選 謹按揀選下第之例乾隆十七年有由本年中式舉人與選者奉 旨扣除二十六年揀選遂議定扣除新科一科三十一年揀選

大批議定扣除近科二科是年復 敕改扣除近科四科乙酉戊子庚寅辛卯各科俱不得與選嗣後四十六年揀選大批卽照此例行之蓋於甄拔人才之中復寓疏通淹滯之意因附識其前後大槩於此

三十八年 上採購遺書各督撫鹽政呈進及朝臣上獻者不下萬餘種於翰林院 特開四庫全

書館選擇翰林諸臣并部員中多識能文者充纂修各員是年八月刑部郎中陸錫熊以總纂官改

授翰林院侍讀明年充分校之進士邵晉涵周永年余集俱授翰林院庶吉士舉人戴震楊昌霖貢

給進士與乙未科一體殿試并選庶吉士關於四十二年十一月以纂修官吏部主事程晉芳學

授翰林院編修四十五年雲南巡撫孫士毅罷任來京授翰林院編修在四庫全書處行走

與總纂紀昀陸錫熊一同列名按孫士毅先由進士授中書起家亦不由翰林出身故焉特典

謹按舊制翰林官員皆由館選進身不以庶僚選敘所以重文學侍從之選也康熙中張九欽王士

禎皆以部曹改官翰林出自聖祖仁皇帝特達之知我皇上宏開冊府網羅遺編金匱石渠咸

臻美備儲書之富遠非前代所及而編排考訂必責著述之才諸臣得自庶僚改官詞苑為一時榮

遇臣等彙集編次以誌其盛并以備國朝優渥之一格焉以上通志

四十年定設揀選投供簿吏部議覆御史邱日榮所奏各省請員揀發應以到部投供及供限已滿

人員方准揀選嗣後凡應投供人員另設揀選投供簿未經投供者概不準預挑從之定各部主

事遇四缺後截留一缺吏部議主事一項因各部學習散館并奏明題補人員為數較多遇有缺出

扣留題補未便多佔選缺請嗣後各部主事缺出以六部通計題補至第四缺後即截留一缺歸選

奉旨依議四十六年諭和坤等奏請將內務府現任筆帖式歸併八旗應考現任筆帖式內

屆期統由吏部請派大臣一體考試等語固屬酌歸簡易自應如此辦理但各部院衙門筆帖式甚

多內務府筆帖式較多若一體考試勢必內務府人員考居下等者多嗣後內務府筆帖式著歸各

部院筆帖式一體考試並仿照鄉會試之例分別字號另列等第以昭平允 四十九年更定滿漢從六品以下佐雜議敘人員輪選班次吏部言向來各館修書及各處捐輸議敘人員酌量分班選用於正班應用人員並無窒礙近年以來各館奏請優敘者愈積愈多漸至各項正班應用筆帖式及外任佐貳人員得缺無期於銓政未爲平允應請將滿漢人員議敘選法另爲更定庶議敘與正班均得輪流補用 一各部院滿洲蒙古漢軍筆帖式定例各按旗分用考取三人捐納一人議敘一人繕本一人降調一人遇有議敘即用者均應先儘補用乾隆四十五年十一月內臣部因議敘即用人多侵佔正班奏明即用一人後仍用正班一人輪流間用今查數年以來各處議敘人員又數倍於前現在正班補期較難今請更定議敘即用一人後正班三人其有各館夾片奏明不論旗分即用人員亦請仍按旗分入於即用班內統較奉 旨日期先後補用議敘即用者既經如此更定其議敘正班三缺後用者亦應更定爲正缺後用 一專用理藩院蒙古筆帖式定例正班貼寫一人考取一人議敘一人近年議敘即用與議敘各班之前先用者多計正班止用三人而議敘者竟用至六人正班得缺較難應請更定議敘即用人員用一人後將正班三項各用一人再准議敘先用者用一員再用正班三項各一人輪流間用以昭平允 一外任從六品以下佐雜至從九品未入流等官原定議敘即用一人後用正班一人輪流間用今查漢員議敘向保各積各缺正班止用一人各項議敘皆得到班計正班用一人而議敘者竟至倍蓰正班竟無得缺之日今請更定照滿

員議敘之例無論何項議敘卽用先用分缺間用正班幾缺後用與正班幾班後用凡議敘班次根
同者各併作一班到班時統較奉 旨日期先後卽用分缺間用正班幾缺後用正班幾班後用者
止准各用一人再到班時將其次奉 旨之人各用一人週而復始議敘與正班均得補用不至偏
枯從之 五十年湖南巡撫陸燿疏稱定例官員父母年七十以上家無以次成丁或年至八十雖
家有次丁俱准呈請終養至人子出仕有年其父母先以迎養在署自可朝夕承歡公私兼盡若父
母初未隨任在外者不肯言歸在家者轉出求仕於名教大有關係查有試用知州李永琛據稱伊
父年已八十止有子姪侍奉又試用知縣胡宗定有嫡母在家現年亦八十該二員俱例應呈請終
養今在省候補正需時日乃皆背棄老親遠來待缺雖其年力均可委用然方今人才甚多並不少
此兩人卽候終養事竣再出報効亦未爲遲臣爲風俗人心起見現在勒令回籍終養并通查所屬
如有例應告歸之員卽今呈請歸籍侍養請 敕下各直省督撫不論現任及試用人員凡親年八
十以上及獨子之親年過七十以上者通飭自行呈明聽其終養似於 皇上孝治天下之至意不
無小補得 旨所奏是該部如議行嗣後吏部議奏地方正佐各官父母年老先已迎養在署者准
該員呈明祇停其陞轉不必概令離任回籍奉 旨此議是依議

通考

右文選

武選之制歷代不一唐則兵部主之課試之法如舉人之制取其軀幹雄偉應對詳明有驍勇材藝

及可爲統帥者宋初武臣則樞密院掌之其後分典選之職爲四武選曰審官西院曰三班院金則文武選俱屬吏部元則領於樞密院明仍歸兵部 國朝兵部四司武選掌銓選職方掌考察凡滿洲蒙古漢軍八旗護軍前鋒步軍健銳火器諸營并各處駐防以及各省提鎮綠營咸隸焉竊考八旗官員與綠營武職不同綠營所司者惟士卒耳至於戶口田廬則州縣司之惟八旗佐領自訓練之外於本佐領下人隱然兼司牧之任焉是以旗職得與滿洲文職遷敘而司封之典所載封贈官階旗職皆與文員相同惟章服則等諸武職緣均隸兵部故也

太祖高皇帝乙卯年旣削平諸國每三百人設一牛錄額真後改爲牛錄章京譯漢曰佐領五牛錄設一甲喇額真

後改爲甲喇章京譯漢曰統領

五甲喇設一固山額真

後改爲固山總管

爲一旗之總率左右設兩梅勒額真副之後改爲副都統

爲梅勒章京譯漢曰副都統

初設四旗旗以純色爲別曰黃曰紅曰藍曰白至是添設四旗參用其色鑲之其爲

八旗以上通典

崇德七年新設漢軍八旗選官補用始編漢軍爲八旗各設牛錄章京 上諭曰漢軍旗內新設官

員應用之人賢否朕未悉知著該部王大臣同漢軍固山額真梅勒章京等遴選用之於是多羅齊郡王多爾袞鎮國將軍承政阿拜參政滿朱錫禮啟心郎索尼等與漢軍固山額真梅勒章京同

遴選請 旨補授通考

順治元年定武進士出身授官一甲一名授參將二名授遊擊三名授都司二甲授守備三甲授署

守備十二年 上諭文進士有考選庶吉士作養教習之例武進士亦應簡選教習隨侍衛學習騎射又本科武進士 上諭于國柱等二十三名武藝可觀且係本朝初行殿試宜加優異第一名著

得品級伊等在京學習騎射瞻養需資俱著先行照品級給俸祿頂帶俟滿一年該部題請選授

通典

康熙二年 上諭武官職任緊要居家候選懸缺遲久仍令單月投供雙月選授如投供不到者雖

名次在前不准選授六年奏準將外委效力等項與武進士武舉等較人數多寡做二八分缺之例使科目人員量行先選其外委各弁須有戰功及捕盜實績不可止憑該衙門一概咨送選補八年

奉 旨提督及總兵官缺出將應補授官員兵部冊內所載功績逐一開列著九卿科道會推六月停止阿思罕尼哈番

即男

阿達哈哈番

即輕車都尉

補授提鎮九年奏準嗣後副將以下守備以上缺出

實係近海沿邊嚴疆人地相宜方準題補其餘員缺概行入選

通志

二十七年定武進士推選營衛守備例向例武進士分別名次在前半者候選營缺在後半者候選衛缺以營缺多而衛缺少至是定例嗣後不拘營缺衛缺將武進士挨次補用二十八年十二月發

各省候選武舉分屬督撫提鎮標下效用如果騎射嫻熟即以千把總補用

通典

五十二年川陝總督鄂海疏言督撫提鎮揀選保送武弁請以曾出兵効力者保送如無出兵効力之人應論俸揀選保送以絕徇私之弊 上曰國家承平日久行間効力之人所餘無幾前此保舉

人員尙覺公平今漸滋流弊督撫提鎮等官皆各爲其子弟夤緣保送者多卽部院大臣亦多爲其子弟互相援引此本著照鄂海所請行通

五十九年兵部奏在部效力之武生及官員子弟停其取用專取武舉其武進士內有情願効力者亦准收錄宗人府鑾儀衛兵科俱照兵部一體取用効力三年後考試武進士一等者以營守備推用二等者以衛守備推用武舉一等者亦以營守備推用二等者以守禦所千總補用從之六十年遵 旨議定副參遊都守各官仍遵定例內應保題之缺揀選銜缺相當者題補其餘不應題補調補之缺及有事故並越銜保題者概行停止從之

雍正二年敕各省督撫提鎮不准題留陞任官員惟水師緊要員缺仍許題請兵部遵 旨議定每科武進士前半以營守備用後半以衛守備用今衛守備之缺既令裁減嗣後將以衛守備用之武進士內再分十五名以營守備用於雙月營守備各班之末另立一班推補守禦所千總裁減之外存缺無幾舊例糧船回空隨幫千總以衛千總推用此等人員總漕稱爲明季世襲子孫今既非世職應停其頂補將揀選之武舉候推守禦所千總人員內頂補推用 敕文官在軍前効力者著令

兵部議敘著爲例

以上通典

五年定拔補千把就近調補例先是督臣高其倬奏凡兵丁不得拔補本營千把部議準行至是奉諭旨朕思本營兵丁卽爲本營千把誠不能免於牽制瞻徇若於同城之中互相更換庶於公私

兩便其地方止有一營者或於就近調補或仍照從前舊例著該部定議尋議嗣後督撫提鎮於營標下左右前後等營准其互相拔補或同城協營亦許彼此更換至獨營地方千總有左哨右哨之分把總有頭司二司之別如無鄰近營汛可卽於本營左右哨二司調拔庶兵丁營理汛務各皆嫻熟且可免遷移之累從之

通考

六年鑲黃旗蒙古副都統宗室滿珠錫禮奏言京營參將以下千總以上應參用滿洲不宜專用漢人奉 上諭爲治之道在開誠布公遐邇一體自 太祖高皇帝開國之初卽將滿漢兼用是以規模宏遠中外歸心且滿洲人數本少今將中外緊要之缺補用已足辦理著參將以下員弁悉將滿洲補用則人數不敷勢必有員缺而無補授之人朕臨御以來以四海爲一家萬物爲一體於用人之際必期有濟於國計民生總無分別滿漢之見中外諸臣宜同寅協恭交相爲濟則國家深倚賴久安長治之道必由於此也

通志

七年正月上諭各省守備內有操守廉潔漢仗去得諳練營務熟習水師堪用遊擊之員飭兵部行文該提督出具考語分別水師陸路填寫年歲籍貫履歷照保舉副將參將分定等第之例開列一等者咨部俟降諭旨再行調來引見倘保舉之後有改易前職不思奮勵精進者亦照副將參將更換等第之例咨部改定七月 敕武舉本省學習之後該督撫等看其材技優嫺曉習營伍者送部考驗分發別省遇有千總缺出卽行補授閏七月定滿洲武舉武進士補官例

滿洲武舉補授內九門千總者遇會試之

年仍准入場考試平時令步軍統領考驗限以三年材技優長者補授巡捕營守備中平者補授佐領下議軍校并本旗驍騎校等缺平常者留門當差學習有成再行保送至滿洲武進士除選授侍衛外其餘仍以各營守備與驍騎校護軍校等缺補授

十年七月

上諭分發各省試用之武進士必須弓馬優嫻熟諳營伍

方可題補若科分不及應選日期卽爲不合例傳諭各省知之

通典

十一年兵部奉 諭旨從來將備之選務須精悍之材雖目不識丁而膽略豈關文采縱貌非出眾而義勇無碍粗疏蓋整肅部伍委寄干城矢奔走於疆場甘勤勞於行列類非薄具聰明小有才幹者之所能爲而動健渾樸氣盛力充之裨弁所當略短取長加意造就以儲將才以重武備者也近見各省督提等保題引見之大小弁員除軍功勞績外大率以明白勤敏才堪辦事註考朕親加簡閱并逐一詢問奏對使給者有之才具明晰者有之而人材雄偉技勇超軼者曾不數見豈明白勤敏卽可爲將材而才堪辦事卽可爲武備耶嗣後該督提等凡保題將弁務重弓馬兼選漢仗全材難得實效須收如仍有以軟弱而謬稱熟練以機巧而謬稱通達濫行保題者是重違朕訓膜視封疆矣定將該督提等嚴加議處

通考

乾隆八年奉 諭旨武舉內有隨幫効力年滿人員應以衛千總用者其選用之法按其從前揀選等第分班銓選一等人數無多選期尙速其二等者有數十人三等者多至二百餘人每年選用不過三四人甚爲壅滯朕思衛千總與營千總雖屬有間但武職人員俱尙技勇亦當及其強壯之時而用之且此項武舉既係隨幫年滿非閑散武舉可比若遲至二三十年之久方得錄用未免精力

就衰難爲國家宣力所當酌量疏通著該部詳悉妥議具奏尋議一等者人數無多補用亦速自應毋庸置議請將另班移於二捐班之上改用二等隨幫人員所有二班均請借與三等隨幫人員補用其本班援例人員倘有赴部投供者則先儘本班人員補用如無赴部投供者仍以三等人員補用從之

通考

十七年敕保舉副都統人員不得自行題奏如領侍衛內大臣處則於該旗侍衛內公同保舉都統副都統則於該旗叅領內會同保舉左右翼及護軍統領處則按翼在於前鋒章京護軍參領內公同保舉圖明國健銳營章京則令該大臣保舉如本旗不得其人於別營別旗內有深知真切者亦可保奏三十二年 敕東三省人員不必補用綠營將弁永善爲例仍交兵部查明具奏十月兵部請將現在綠營所有東三省人等俱行撤回 上以辦理拘泥 諭八旗嗣後東三省人等移住京城者仍照前降諭旨毋庸用綠營若移住京城後所生子嗣既歷三代與京城久住之舊滿洲蒙古無異卽與在京之滿洲蒙古一體揀選陞用外任 三十八年湖南巡撫梁國治奏應題應拔缺出令該總督巡撫將派往出征員弁與本省營員等核其人材弓馬一體揀拔俟凱旋之日補行引見副將以上遇非軍營所出之缺應由兵部開列請 旨補放者請將出征人員得有功牌功加各員火單一併進呈恭候 欽簡從之又兵部奏河南山東江西湖廣江南等省俱係腹地閩浙兩廣等省半係水師均應停止揀發旗員材技本優兼有勞績其得缺陞用較速是以各省副將叅將

半屬旗員而綠營未免壅滯查甘肅四川幅員遼闊差務殷繁有新疆屯種彈壓地方之責雲南貴州地接苗疆多邊防要隘之處實在需員之時仍准其聲明奏請宜定以限制副將參將不得過二員遊擊都司每次不得過四員守備一項自有候補候推人員足資差遣不得率行請揀所揀人員請仍照原例先儘在部候補候選及俸滿卓異一等預保各次之到部未經引見并引見後未經起身者揀選補放或人數無多不敷揀選再行咨取旗員一併揀發其到標合例後應與現任預保人員兩掣一題輪流補用其甘肅一省四川松潘一鎮揀發人員遇有旗員卽以該處輪用旗員之缺補用不得更佔綠營之缺從之通典

四十年二月覆准卓異衛千總遇雙月所出之缺與在部候補各班相間輪用又諭八旗各營大臣等凡保送應用綠旗人員務須遴選年壯技優堪爲表率帶領引見其五十五歲以上騎射技藝平常者不得保送五月遵旨議定滿洲人員卹廕綠營都司守備千總把總等官引見奉旨

以內用者照例以旗員對品補用以外用者發交巡捕營學習三年分別等第引見凡學習人員俱賞給馬甲錢糧又奏遵捐納衛所武職準加捐發標學習試用又議定加捐分發之守禦所千總

舊例均保

部選之缺遇部選三缺之後行文漕運總督題補一人其捐復人員照此辦理七月敕此次滿洲

引見人員步箭甚屬不堪在京挑選引見人員之都統副都統俱交部議處嗣後若仍有似此者必將伊等從重治罪九月奏準難廕千把總俱發標營學習停其推用衛缺又議準漢員難廕都司守

備照漢世職分發學習之例帶領引見俱發本省隨營學習三年後保送引見或由部選用或發回本省題補恭候 欽定難廕千總把總發營學習期滿卽在外拔補毋庸送部閏十月議準揀選三等武舉有年力壯盛願入伍効力者由兵部呈明分發各營撫提鎮標下給食馬糧三年後引見可觀準一體較拔把總缺

通志

四十二年兵部奏陝西西鳳協副將仲泰母老請終養 上諭旗員向無終養之例有親老情願回

京者督撫奏明送部引見文員以部屬用武員以待衛或旗職候酌量降旨六月鑾儀衛請將應補

放漢軍十缺內撥出三缺歸滿洲蒙古人員補用四月分參將一缺十月分都司一缺十二月分守

備一缺其餘七缺仍歸漢軍人員補放并請將十月分漢軍應用都司一缺改爲副將作爲滿洲蒙

古漢軍公缺遇有部推副將缺出卽以滿洲蒙古漢軍等冠軍使擇其行走年久堪膺保送者各揀

一二員咨送從之 四十八年兵部奏查藍翎侍衛年滿後分別以都司守備用歸於正三五七九

月內都司守備合選一員至歸班武進士以營守備用者歸於雙單月科班選用其藍翎侍衛以守

備用者應選月分遇有都司之缺則以守備用者便當退班較之歸班進士得缺較遲請嗣後藍翎

侍衛以守備用者按科分名次歸於雙單月科班內銓選以昭平允從之又兵部具奏歷科武進士

向由兵部奏請 欽派大臣揀選一二等者以營守備用三等者以衛守備用嗣因衛守備人多缺

少選補無期於乾隆元年十六年三十六年俱經兵部奏明將以衛用之武進士奏派大臣復行揀

選其有年力精壯弓馬可觀者拔置以營缺選用續於乾隆三十七年十月內欽奉 諭旨新科武進士毋庸另派大臣揀選著兵部卽於紫光閣較閱時將上屆分別營衛入數開單進呈候朕酌量分別錄用著爲令查每科以營用之武進士約有十餘人一二年內俱已選用而應科以衛用之武進士積有百餘人雖同一錄用而遲速懸殊應請仍照前例每屆十年奏派大臣復行揀選考驗人材弓馬其中拔置以營用者帶領引 見恭候 欽定交兵部註冊歸入本班選用其弓馬平常者仍以衛用如有年力衰老弓馬平庸飭令回籍將衛缺選用之人註銷從之

通典

右武選

二十四史九通政典類要合編卷三百二

皇朝十

選舉 考課

國家定鼎之初懲明季之舊習重爲掃除京察大計時內而六卿外而督撫或加銜或錫級或竟罷斥之莫不指其優劣立示勸懲凡朝覲官員 召對殿廷申嚴戒飭至再至三我 聖祖仁皇帝御極六十餘年每優擢廉吏皆至顯官 世宗憲皇帝時吏治肅清小廉大法乾隆七年 廷試進士制策有云康熙間有清官雍正年間無清官非無清官也天人而爲清官也 治化重熙垂於

今日我 皇上春溫秋肅上繼

列聖之鴻規去繁文而求實效考試詞垣澄清臺省督撫藩臬定

朝覲之期守牧令丞拜章服之

賜兼以

六飛巡幸所至入疆循覽 褒擢時加昔之以勸課農

桑觀風問俗爲殿最者至是而得其實焉

通考

三載考績肇自虞書六計尙廉傳於周禮迨漢法以六條察二千石令刺史歲終奏事舉殿最刺史得課郡國守相而丞相御史雜考郡國計書考課之法漸加詳矣唐考功之法掌於吏部流內之官敘以四善善狀之外又有二十七最善最相乘差以九等宋法以七事考監司以九事考縣令置審官院考課院考察中外職事受代京朝官引對磨勘金制凡內外官所歷資考及更代之期去就之故秩滿備陳於解由吏部據定能否又撮解由之要于銓擬時讀之謂之銓頭又會歷任銓頭書於

行止簿泰和中定爲四善七最蓋參用唐制而稍爲簡易元太祖命宋子貞爲右司郎中仿前代觀察采訪之制立糾察官吏程式黜貪惰獎廉勤至元初令官吏計月日以考殿最明制有考滿考察二者相輔而行考滿之法論一身所歷之俸分稱職平常不稱職三等三年初考六年再考九年通考考察者通天下內外官計之其目有八曰貪曰酷曰浮躁曰不及曰老曰病曰罷曰不謹分致仕降調閒住爲民有差我朝考績之法在內曰京察在外曰大計各以三年爲期武職曰軍政以五年爲期自列聖以來省成慎憲大法小廉皇上澄敘官方內而閣部寺監以及曹司外而督撫提鎮以至小吏莫不奉職以謹而每當考課之期聖訓諄諄不啻至再至三旣清闈葺不職之員復存愛惜人材之至意知明處當勸懲互用固當永奉爲成模已

通典

我朝體制考課之人六部卿寺官屬則尙書侍郎卿監主之侍衛及護軍官屬則領侍衛內大臣主之滿洲蒙古漢軍八旗則各都統主之直省文武職則督撫提鎮主之考課之期內外文職定以三年武職期以五年考課之各則有京察大計軍政法制釐繕至精極備條分縷析載諸令典爲萬世法守云

通志

崇德八年申三年考察之令又都察院奉諭旨爾等係朝廷風紀之官諸王員勅貝子公等

國政朝謁勤惰應爾衙門稽察有事應糾叅者據實奏聞

通典

順治元年五月覆準有司殿最宜以守己端潔實心愛民者爲上考若僅幹理簿書惠辭無策雖有

才能止註中考三年七月奏準朝覲考察首重五花冊部臣卽照舊式頒發各撫按令其遣造齎送冊內敘明朝覲官員姓名起程日期限十日到部其應朝覲官員俱限十二月到京醫否考語亦惟

撫按定註考語止用才守政年四格須按人指事明白直書

通志

四年吏部奏言計典三年一舉乃舊例也目今廣輿大勢漸次盡入版圖請以三載考績爲定制自順治五年至七年合天下之羣吏而大計之庶大典畫一易爲遵守填註考語用才守政年四格才則或長或平或短守則或廉或平或貪政則或勤或平或怠年則或青或中或老督撫按考定咨達部院衙門吏部考功司吏科河南道詳核去留吏部都察院嚴核造報不實者指參其八法處分貪酷革職提問罷軟不謹革職年老有疾休致才力及不浮躁者酌量降調雖有加級紀錄不準抵銷

大計處分官員不準還職

通考

九年四月奏準朝覲計典令藩臬各一員各府佐一員代覲

朝覲計典三年一行舊例府州縣正官入覲至是更定其例

五月吏

部奏言京察應以 皇上親政辛卯年爲始六年一次遇寅申年舉行從之

通志

十二年飭考選軍政照文官例卓異者 賜服旌勸從兵科給事中張文光請也又內三院奉 諭

旨考選庶吉士原欲儲養真才以備任用必須悉勉學問時加策勵乃能練習典故博通文章無負朕親行簡拔之意除照舊教習館試院試外今後滿漢庶吉士同讀書一甲翰林每二月朕必面試一次以辨勤惰高下每歲六試著爲令又定官員考滿議敘例初次考滿大學士六部尚書有應加

官保銜者俱候 上裁學士侍郎及通政使司大理寺等衙門正卿有注優考者作何加銜亦候

上裁二次考滿仍列優等者加一級照舊供職二等者紀錄三次考滿一二等者照前議加級紀錄
啟心郎侍讀學士理事官初次考滿注優等者加正卿銜漢啟心郎副理事官內閣侍讀初次考滿
注優等者加正卿銜俱照舊供職通考

十八年定考核御史立爲上中下三等其在地方清慎端嚴恪遵 上諭潔已愛民獎廉去貪興利
除害聽斷明恪鋤蠹捍患軫恤民瘼察核錢糧招撫流移墾荒興學等事無不修舉又能大破情面
糾察地方惡官劣矜者照例酌量分別加級紀錄回道管事其次謹慎奉法察吏安民者準其回道
管事其行事碌碌無實政及民者參送吏部降調外用至於有徇情貪賄等弊卽訪確據實糾參革
職治罪通考

康熙三年改考滿除法爲三年彙考 敕內外大小文武各官除今年考滿外以後每三年彙考一

次其到任未經三月者不必考向來自陳等官仍照舊例自行陳奏候旨定奪事下吏部兵部議覆
在外各官每人一本具題事務繁多今定考一等等平常及辦事不及不稱職者各一疏每省會
齊具題其辦過事件功過亦造冊送部院部院官仍照例覆考從之六年二月舉行京察大計軍政
吏部兵部都察院奉 諭旨議覆舊例三年一次大計六年一次京察自康熙元年停止京察內外
官俱行考滿至康熙四年停止考滿今應照舊例舉行京察大計從之通典

二十五年二月直隸各省朝覲官員行禮畢奉 上諭國家三載考績原以崇獎廉善擯斥貪殘今當大計已嚴飭所司重懲貪酷餘俱如例降革其有眾論不孚是非失實者特黜一二以警積玩外姑準爾等仍復原官嗣後務須洗滌肺腸勉圖自新毋貌承心違蹈常習故國憲俱存決不爾貸三月覆準嗣後大計各省藩臬及各府佐貳官員入覲之例通行停止照慶賀 萬壽表章例每省委道官一員齋冊入覲至官員賢否去留止以督撫文冊爲憑造五花冊三本分送吏部都察院吏科藩臬二司所造冊籍俱行停止 三十一年議準河官大計如係管理河務兼有錢糧之責者總河督撫各行考核其專係河官令總河考核典

六十一年奉 諭旨在京武職官員亦當照外省武職官員例五年一次考選軍政其如何考選之處著定議具奏尋議在京武職官員如領侍衛內大臣八旗都統前鋒統領護軍統領副都統步軍統領等俱係近 御大臣不必令其自陳遇五年考選軍政時各將屬員詳核填注考語照外省薦舉及八法例分別具奏各省駐防將軍都統副都統等照提鎮例自陳其屬員俱照京城之例舉行至德州等處之城守尉協領派大臣前往考選其屬員卽會同城守尉協領等詳核填注考語具奏從之

雍正元年總理事務王大臣等奏準八旗滿洲蒙古漢軍內前鋒護軍另戶領催披甲閒散人等有能繙譯書寫清字者從前並無應用之路請通行查詢如有長于繙譯書寫清字情願考試者開具

人數奏請考試選擇進 呈 吏兵二部遵 旨議奏嗣後大計軍政除卓異八法照舊例舉行外
其平等官員文職自知縣以上武職自守備以上俱於大計軍政之年令督撫提鎮注明考語送部

察核從之

以上
通考

四年收向來革職留任官員從前無開復之例但年久奉職無愆亦應示以鼓勵嗣後革職留任之
員如四年無過該督撫等題明準其開復著爲定例

通典

六年上諭知府一官管理通郡有察吏之責內有循分供職不能察吏而又素無過犯不至於參劾
者著各省督撫甄別具題以在京部屬改補仍令該員暫留本任辦事一面揀選能勝知府之任者
保題引見如所保人員可用準其補授俟伊到後著前任知府交代清楚來京以部屬之缺改用若
所保人員到京引見時察其材具亦屬平常則仍將前任知府留於原任十二年 上諭各省卓異
人員俱有現任地方之責每當大計之年理應先行具本候旨敕交部院查議其與例相符應準卓
異者奏聞令其進京引見其與例不符不準卓異者候朕酌量引見可否再降諭旨如此則地方事
務不致廢弛而與例不符之員亦不徒費往返將此永著爲例

通志

乾隆元年諭外省知縣由正途出身任內無參罰者按其責俸行取來京以主事補用其有廉明公
正之員或因公墜誤與例不同者亦准督撫保題此古三載考績之意所以簡賢能錄功最也但各
部主事設有定額一年之中出缺無幾又有應補之人則行取來京之員挨班選授三年內必不能

用完而下次行取之期又至日積日多勢將有遲至四五年不能得缺者朕思此等人員服官供職
著有成效故特予行取以優待之今令其遠離原任需次選曹在彼既不免守候之苦而外任轉少
一諸練之縣令殊爲可惜所當酌量變通者嗣後行取屆期該部將合例之人具題後知會督撫照
武官保舉註冊之例仍留本任俟單月缺出按俸銓補得缺之後給咨引見再赴新任

通考

二年奉 諭旨三載考績大典攸關在外則爲大計在內則爲京察所以昭黜陟而示勸懲也但向
來直省大計經督撫薦舉卓異之員俱送部引見准其註冊者例得陞用其有干八法等官分別議
處至於京察各官才守兼優者列爲一等祇與二等三等人員均以應留註冊而無優敘之例惟列
在四等者照八法例處分未免有懲無勸不足以示鼓勵朕意京察列在一等者亦應酌量加恩但
京官與外省職任不同其應如何分別定議之處著九卿詳悉定議尋議嗣後京察之年除三品以
上自陳官員仍應照例舉行其各衙門四品五品京堂并內閣侍讀學士及開坊翰詹官員以上俱
係蒙 恩特用之員官階體制與外省藩臬無異雖經列爲一等無庸復行優敘加級又順天府奉
天府所屬城內應入京察各官向例大計之年仍准保薦卓異亦無庸另議外其餘應行考察官員
奏准引 見列爲一等者准其加一級註冊以示鼓勵至 盛京五部等衙門三年期滿調回之時
帶領引 見准列一等並加一級以上人員遇有保舉之時該堂官卽於此項人員內揀選薦舉二
等三等人員仍照舊例註冊具題存案列在四等者分別議處如例從之

通考

八年敕大臣自陳乞罷斥者令各舉德行材能堪以自代之人隨疏奏聞若一人兼數職者材恐難全舉二三人或三四人者聽食祿及章帶之士均許但不得舉同列及位在己上者著爲令 十一年上諭察核司員惟堂官最爲親切如上次定以一等者三年中行走平常卽當改爲二三等不得稍存姑息之心上次原列二三等者三年以來如能奮勉卽當列爲一等亦不得仍拘已成之見明歲又屆京察之期特先行傳諭各部院堂官知之

通典

十五年奉 諭旨大計軍政固三載考績之義以示激揚但文武大臣具疏自陳雖屬遵循舊例而於實政未覺甚有裨益蓋中外大臣皆朕所簡用既經委任其居心之誠否才具之短長舉在洞鑒之內如不能稱職早已隨時甄別其待至三年而計去者實缺非要任而人無大過介在可否之間者至於大臣恪供職守正宜久任以收實效而屆期輒求斥革復降旨令照舊供職拘成例而事繁文非崇實務本之道也至御前大臣領侍衛內大臣等或簡自動威或拔從宿衛其辦理閣部卿長以及八旗職任俱量才器使非循資錄用者比且伊等多世沐國恩趨承左右論其情理亦不當引退就閒甘心暇逸而每至三年亦循例求罷是轉以疏遠自居如君臣一體之義何卽如來保自皇祖時卽已侍直內廷迄今五十餘載雖年登七表而受恩如此其深且久則自陳請解退職任者義當然乎抑明知其於理有未安乎又何事此虛文爲也前因宗室王公兼辦關部等職者俱係宗潢近派特旨令不必自陳嗣後御前大臣領侍衛內大臣御前侍衛乾清門侍衛等兼辦關部及八

旗事務者遇大計軍政俱著不必自陳餘仍照舊例行又奉 諭旨京官察典屆期三品以上堂官尚具本自陳部院司員亦俱令引見而四五品京堂則不在自陳之列考核之後亦不行引見雖有吏部都察院填註考語之例不過按冊過堂虛文應事其中龍鍾庸劣者既得姑容即才具優長精力壯盛堪供驅策者亦無由自見於培養人材澄敘官方之道蓋兩失之嗣後京察年分吏部開列王大臣等職名請旨特派數人將四五品京堂秉公分別一二三等及應留應去具摺奏聞帶領引見以定黜陟庶優劣分而人知激勸於實政有裨其王大臣等之是否秉公據實亦不能逃朕洞鑒即於本年爲始著爲令

通考

二十四年敕嗣後京察人員因新任年例未滿移咨前任註考列爲一等者於引見時另分一班仍不得因此分班之旨轉增各部向來一等定額又 敕嗣後吏部於京察時將在京尚書侍郎以下三品京官以上及在外總督巡撫分別二本兵部於軍政時將在京都統副都統在外駐防將軍都統副都統及各省提督總兵官分列三本兼繕簡明履歷清單進呈九月定各省道府六年引 見之例

通志

三十六年敕停止庶吉士保列一等之例又 敕此次兼部翰林之保列一等者俱著撤去不準帶領引見嗣後滿洲翰詹各員有兼部行走列在一等者即于各該部保送員數內一體比較其仍歸本衙門另班聲敘之例不必行又各部院衙門有到任未滿半年之員仍由原衙門註考者該堂官

二四
等往往因業經還調曲爲獎藉此等人員任事之日既淺即使才猷出眾何妨暫置二等視其人果能奮勉俟下屆再登薦剡亦未爲晚奚事亟亟于此一時爲耶著自今年爲始卽爲查明改正所有原衙門註考之例永遠停止至各衙門人員在繕書房行走者因其給事勤勞亦準保送一等以示鼓勵向由該管大臣註考而引見則仍歸各本衙門并不于單內註明尤易混濫此後繕書房準其自爲一項所有該處現保一等人員著吏部另行帶領引見又太常寺鴻臚寺讀祝鳴贊等官其職專於宣贊自以儀個聲亮者爲優間有陞任各部院衙門者仍兼本寺行走遇典禮執事如常並不籍其專心部務與翰林兼部者不同是其考察又當責之本寺堂官而不必歸于部院嗣後讀祝鳴贊等官陞任後仍兼本寺行走者俱由該堂官註考保送著爲令

四十年二月吏部遵 旨酌議京察大典事關考核其由別衙門陞調各員到任僅滿半年者賢否雖已可灼知任事究屬未久若卽準保送一等誠恐易啟躁進之風請嗣後京察除在本衙門先經任事因出差假滿服闋仍回原衙門補用人員俱準其接算仍照舊例辦理外其別衙門陞調新任及由外陞補京職人員如定俟三年方準保送未免淹滯舊例半年亦覺過速應酌定在現任衙門歷俸已滿一年方準一體保送從之

以上通典

四十二年令道府以下等官終養服滿由本籍督撫驗看分別奏咨浙江陞任巡撫三寶奏請道府廬州縣等官凡遇病痊起用以及終養丁憂服滿請咨赴選者均由本籍督撫驗看如果年力不至

衰庸查敘原咨考語給咨赴部引 見補用佐雜各員咨部益補倘精力就衰難勝原官之任卽行據實分別奏咨降補改教勒令休致以昭慎重或其中有不甘廢棄情願來京引 見人員卽照大計六法人員情願 引見之例準其給咨赴部引 見從之通考

五十年遵 旨議定凡現任官員親年八十以上并獨子之親年七十以上在籍者通飭自行呈明終養其迎養任所者遇卓異俸深俸滿應陞時令預先呈明督撫咨部暫停引 見推陞候可以陞用時再行引 見陞轉不預呈明者嚴加議處候補候選人員均視此例通志

右考課

二十四史九通政典類要合編卷三百三

皇朝十一

學校

學校之設所以廣造士樂育才也周兼四代於古爲隆漢興太學始置博士魏晉以後瑣瑣無足言者至唐而國子監置六學生徒至八千餘人稱盛一時宋蘇湖教術猶有三代遺風金元迄明京師至於州縣莫不有學要之選擇師儒豐其廩餼期以通經致用固不僅詞章之末也我朝列聖加意培養恩施至渥我皇上壽考作人多方獎勵廣勵官學備術昌明海內外道德同而風俗一顧以京師地稱首善元明以來辟雍之制闕而未講皇上參稽古制創建宏規親舉臨雍之典講示經義圖橋觀聽者皆若振矇發聵澤躬於至箚鍾鼓彬彬郁郁誠非漢唐以來所得而比

倫矣通志

順治元年以孔子六十五代孫孔九植世封衍聖公以原階兼太子太傅其子襲變照例加二品冠服仍命孔九鈺顏紹緒曾聞達孟聞璽承襲五經博士曲阜縣知縣孔貞堪仍爲原官其在汶上縣管聖澤書院事世襲太常寺博士仍照舊制以衍聖公第三子承襲尼山書院及四氏學錄等官照舊留用其管勾司樂掌書等缺聽行聖公咨部補授又立八旗官學八旗分爲四處各立官學一所用件讀十八勤加教習每十日赴國子監考課一次春秋演射五日一次又酌取京省生員教

習八旗子弟月給米二斛以資養贍至十二年禮部會同國子監於監生中嚴加考試選補教習至

十七年定八旗教習用恩拔副歲貢生其準貢例貢不准考取始置國子監官詳定規制一彝倫堂

係 詣學御講之所本監堂上官不敢中堂而坐及中門出入王以下文武各官亦不敢中門出入

一祭酒司業職在總理監務嚴立規矩表率屬員模範後進一監丞職在繩愆凡教官怠於師訓監

生有戾規矩並課業不精悉從糾舉懲治立集愆冊凡監生有不遵學規者即登記以憑通考一博士助教學正學錄職在教

誨務須嚴立課程用心講解如或怠惰致監生有戾學規者堂上官舉覺罰治一典籍職在收掌一

應經史書板典簿職在明立文案並支銷錢糧季報文冊一本監正官每入署升堂就位各屬官以

次赴堂序揖分列東西相對揖各堂監生排立恭揖禮畢方退一本監屬官每遇赴堂稟議事務

或質問經史皆須拱立聽受一各監生入監日首謁 先師廟各生排立廟墀禮生贊行四拜禮畢

赴彝倫堂臺下序立謁見祭酒司業行四拜禮隨詣各堂師相見行二拜禮凡遇進監至大門外下

馬不許承馬出入一各監生於朔望日隨行釋奠禮外有講書兩廂及六堂講四書性理通鑑博士講五經覆書上書覆

背諸課每月三回週而復始一朔望日祭酒司業率屬員諸生拜謁 文廟畢升堂講書一各監生

凡聽講書後習誦講章有未能通曉者即赴講官處講解或赴兩廂質問毋得憚煩蓄疑安於愚昧

一每日各監生務寫楷書六百字以上須端楷有體一諸生到監日本堂嚴查年貌籍貫經書務取

連名保結以防冒名頂替之弊如有犯者照例重處一在監肄業各監生祭酒三月季考一次司業

每月月課一次務期齊集不許託故規避一例監生坐監二十四個月卹廩生雜廩生考滿廩生坐

監六個月 恩詔廩生坐監二十四個月 恩貢生坐監六個月歲貢生坐監八個月選拔貢生內

廩膳坐監十四個月增附坐監十六個月准貢生坐監三個月例監生內廩膳坐監十四個月增附

坐監十六個月俊秀坐監二十四個月貢生有考究教習者連監期共三十六個月

至雍正五年定
除監期計開

一各廩監生途遇師長步行者考立候過乘騎者遠下趨避藐忽抗行者決責一各監生凡一應事

務先於本堂教官稟知率領赴廂稟覆毋得徑行違者決責一投例各監生以文到日爲始卽赴監

肄業其有丁憂親老患病者地方官另文申報一監生丁憂呈送本堂轉呈堂上官批准回籍守制

如在籍丁憂者有司隨申本監以憑稽考一監生入監後遇有省親完姻及同居伯叔兄長喪而無

子者許告假歸里立限給以假票違限遲曠本監行文提取計日倍罰一監生有不守監規及挾制

師長出入衙門包攬錢糧等事按律究治一本監舊有號房五百二十一間爲諸生讀書之所一分

設六堂教習諸生曰率性堂修道堂誠心堂正義堂崇志堂廣業堂每堂各以助教學正司其事

命直省選拔貢生奉 諭舉選貢生掄才大典准先行歲考補廩生以拔其尤順天府特貢六名

每府學貢二名州縣學各貢一名考試盤費官爲處給如有拔萃奇才許特疏薦舉尋禮部議定在

外府州縣學廩生赴提學道考試選貢來京者以學道經濟行合規矩方爲及格至拔貢定例彙通

省廩生於貢院中兩場考試士子跋涉艱辛今聽學臣於所至之地便宜考試是爲拔貢之治 又

定旌表孝行節義之例是時奉 恩詔所在孝子順孫義夫節婦有司諮訪確實申該巡按御史詳
覈奏聞以憑建坊旌表嗣又 敕部定議建立忠孝節義祠宇尋禮部議奏八旗直省凡有孝行節
義之人例得請旌恭遇 覃恩彰善大典卽鄉曲貧民勿令湮沒又節婦年逾四十而身故者守節
已歷十五載以上亦應予旌酌設祠宇入於祀典永爲定例其設立祠宇應令順天奉天直隸各省
府州縣衛每處各建二祠一爲忠義孝悌之祠建於學宮之內祠門立石碑一道刊刻姓名於其上
已故者設牌位於其中一爲節孝婦女之祠另擇地營建祠門外建大坊一座亦標姓名於其上已
故者亦爲牌位八旗分左右翼擇地各建二祠每年春秋二祭至於建坊銀兩應俸給奉 旨孝行
節義建立牌坊年久毀壞遂至湮沒今欲設立祠宇特爲昭垂久遠之意並非欲節省錢糧部議建
立祠宇俸給銀兩不合仍著給與餘依議 又奉 恩詔直省府州縣學俱以本年正貢爲恩貢次
貢作正貢每處貢二名舉行一次不著爲例有才華出眾孝弟著聞者不拘廩增附生許提學官特
薦試用是爲恩貢之始二年 恩詔並同八年 詔款每學恩貢一名餘並同 三年定直省歲貢
士於京師是爲歲貢之始府學每年貢一名州學三年貢二名縣學二年貢一名各省提學將印結
單卷由布政司起送提學造冊送部定限三月如過期者次年補試至四年額定起送貢生 廷試
單式於直省提學每歲將應貢生員應經科舉者三人一正一陪歲加考試如正貢不堪次取陪貢
一陪不堪更及二陪務於挨次之中仍寓掄才之意如有濫充於所送內數回五名以上者學政照

例罰俸其正陪以倉糧年深爲序同補則以原考案先後爲序至九年定已考正貢遇有事故出缺係人文未經到部在一年內者將原給追繳換取年力富強文學優長者充補十五年又定歲貢生於禮部過堂時詳查年力強壯者方准送監其後歲貢生多不到部吏部祇按冊揆選本省教官得缺後該省巡撫有考驗之例 令順天鄉試副榜入監是爲副榜貢之始增附中式者准作貢監廩生及恩拔歲貢監中式者俱免其坐監卽與 廷試至十一年復定廩生副榜照恩貢生例坐監六月增附副榜照歲貢生坐監八月 八年吏部奏言八旗子弟率多英才可備補良之選但學校未興制作未行耳 先帝在盛京愛養人才開科已有成效今日正當舉行臣等酌議滿洲蒙古漢軍各旗子弟有通文義者提學御史考試入順天府學鄉試作文一篇會試作文二篇優者准其中式照甲第除授官職則入知向學進取有階矣尋定滿洲蒙古漢軍子弟令內院禮部會同考試通滿漢文者一百二十名蒙古六十名漢軍一百二十名其滿洲蒙古子弟令內院禮部會同考試通滿漢文者編譯漢字文一篇通滿文者作滿字文一篇漢軍子弟令順天學院考試與民童一同出題 又申嚴學臣考試及約束教官生員之法都察院條議一學臣報滿照例考核公明者優升溺職者參處一歲科兩考完日卽報部銓補新舊交代以杜畧事諸弊一學臣以到任日爲始歲考限十二月考完每三月解卷一次科考分四次解卷以憑磨勘所取生童文字以純正典雅爲主詭謬者本生褫革學臣分別卷數之多寡議處一生員不許聚眾結社糾黨生事及濫刻選文窩稿一教官生員不

二四
遵條教者學臣嚴行懲治若與武職兵丁有爭教官生員聽學臣處治不許武職擅責武職兵丁聽該衙門處置不許生員結黨爭抗一學官不宜懸缺致曠職業撫臣務按缺題請下吏部銓補其有不由科貢出身濫冒教職者一併題明送部別用若署事教官止用本學及別學不得濫委雜流從之通考

九年定提學官按臨之日考試儒學教官學行分別勸懲又定每鄉置社學一區又題準各提學官督率教官令諸生將所習經書義理講求實踐不許別創書院及號召遊食之徒空談廢業又刊置臥碑於明倫堂之左曉示生員十年題準生員犯小事者府州縣行教官責懲犯大事者申學政黜革然後定罪又定每旗各設宗學凡宗室子弟十歲以上俱入宗學教習清書其漢書聽自延師教

習通志

十四年復至聖先師孔子神位舊稱通行直省各學先是順治二年祭酒李若琳請易至聖先師孔子神位爲大成至聖文宣先師孔子至是給事中張文光奏言聖至孔子贊美難以形容考之古典魯哀公誄文曰尼父未嘗加一字之褒漢平帝元始元年始加諡曰宣尼父後魏太和十六年乃改諡文唐太宗貞觀十一年尊爲宣聖尼父明皇開元二十一年始進諡文宣王明初因之嘉靖九年尊改爲至聖先師孔子神位以孔子生不爲王歿而王之於理未安且以文宣之號未足以盡孔子曰至聖則無所不該曰先師則名正而實稱可不易矣我朝順治二年改定孔子神位爲大成

至聖文宣先師孔子不過仍元之舊諡而不稱王耳臣謂追王固屬誣聖卽加大成文宣四字亦豈

足以盡孔子哉

皇上事事稽古議禮制度考文務求至當宜仍改主爲至聖先師孔子神位庶實

之先聖而無疑傳之萬世而永遵矣從之 十五年更定漢監生積分法祭酒姑爾瑪吡議積分之

法最有益於士子然諸監生盡令積分勢必不能擬令各項監生考到之日拔其尤者許以積分其

不與積分之列者照例期滿各部應事積分之法以一年爲限除常課外每月一試考列一等等者與

一分二等與半分二等以下無分有五經兼貫全史精熟或善摩鍾王諸帖者雖文不及格亦准與

一分前後積滿八分爲及格名數每歲不過十餘人如係恩拔副歲等積分及格者咨送吏部應滿

考職照教習貢生例上上卷以通判用上卷以知縣用係例監咨部應滿考職許與不積分貢生一

體 廷試每百名取正印八名餘俱以州縣佐貳用其一年後積分不滿數願分部者照常出否不

准優選再願肄業滿分者聽其自便從之 十六年定直省各衛學歸併各府州學例直隸山海衛

宣府衛學邊遠無可歸併仍照舊立學外其懷來永甯二衛學歸延慶州保安衛學歸保安州龍門

所學歸開平州昌平衛學歸昌平州 十七年申嚴植黨訂盟之禁禮科右給事中楊雍建疏請

敕部嚴飭學臣約束士子不得妄立社名糾眾盟會其投刺往來亦不許用同社同盟字樣違者治

罪倘學臣奉行不力糾參處置得 旨士習不端結社訂盟把持衙門關說公事相煽成風深爲可

惡著嚴行禁止以後再有此等惡習各該學臣卽行革職參奏如學臣徇隱事發一體治罪

二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

皇明 學校

四 約雅堂藏板

康熙元年禮部議准貢監生停止分撥各衙門應事於監期滿日本監卽咨部考試取用自是部院諸衙門俱無監生監生有文理俱通字畫端楷者考選分送修書各館効力較其年勞分別議敘各照應得職銜選用優者加等

門上
通考

六年以教習闕人先儘取恩拔副歲官蔭等生如無此項仍將準例監生考取又舉人願就教習者一體與考又定官學生除國子監考課外每年禮部嚴考一次

通志

九年奉 諭天文關係重大必選擇得人令其專心習學方能通曉精微可選取官學生與漢天文生一同學習有精通者俟欽天監員缺考試補用尋議於官學生內每旗選取十名交欽天監分科學習有精通者俟滿漢博士缺補用又定廕監生補用部院筆帖式例凡部院筆帖式員缺錄用廕生監生停其年分次序俱照國子監年滿咨送到部之文先後補用若將三次 恩詔所廕監生同日咨送者仍照廕監生年分前後補用凡廕生監生錄用十員將庫使領催內識漢字者用二名官學生識滿漢字者用二名若庫使領催內無識漢字者將官學生補授其補授官學生令該部考試咨送掣籤 二十五年設立景山官學先是二十四年奉 上諭看來內府竟無能書射之人應設學房簡選材堪書射者令其學習視其所學簡選好者錄用不及者卽行革退其學房著在朕常見處設立學習人等自然盡心應何處設立著卽議奏至是議定建於北上門兩旁其給官房三十間滿官學三房漢官學三房清書每房設教習三員漢書每房設教習四員挑選內佐領內管領下官

學生三百六十六名入學肄業生員內有願爲教習者選擇移送令教習三旗子弟二十七年准琉球國遣陪臣子弟來學先是二十三年冊封使臣汪楫林麟煇奏言中山王尙貞親詣館舍懇臣等轉奏願令陪臣子弟四人赴京受業考之史冊唐貞觀中新羅百濟俱遣子入學琉球自明初內附洪武永樂宣德成化間琉球官生俱入監讀書今國王尙貞遠被 皇仁傾心嚮學應准所請聽其遣陪臣子弟入監讀書從之至是奉 諭琉球國送到陪臣子弟三人入監讀書着安置得所

三十年設立 盛京官學於左右兩翼各設官學二所各旗選取俊秀幼童十名每翼四十名滿學內各二十名教讀滿書漢學內各二十名教讀滿漢書并習馬步箭 盛京禮部堂官稽察操演其滿學內設滿文助教一員漢學內設通滿漢文助教一員俱由吏部考授其漢學於 盛京生員內才學優長者令奉天府尹各選二名令其教讀學舍由 盛京工部撥給至漢學取生員教習如係廩生既充教習停其支給廩糧照京師八旗教習之例給倉米十二石由 盛京戶部支給

十四年定黑龍江將軍所轄兩翼設立官學例鎮守黑龍江等處將軍所轄官兵內有新滿洲西伯索倫達呼爾等於黑爾根地方兩翼各設官學一所設教官各一員將新滿洲西伯索倫達呼爾及上納貂皮達呼爾等每佐領取俊秀幼童各一名教習書義應補教官之人該將軍選擇學問優長者將姓名咨送吏部其教官照京師例稱爲助教學舍由該將軍撥給

三十九年議准恭請

御製教條發直省學宮每月朔望令教官傳集生員宣讀訓飭四十一年京

師崇文門外設立義學 頒賜 御書廣育羣才匾額五城各設一小學延師教育成材者選入義學又 御製訓飭士子文頒行直省各學通志

三十九年定在京冒籍生員改歸原籍例除入籍二十年以上不議外餘以部文到日爲始限兩月內具呈自首改歸原籍過期照例斥革至六十年定各省亦照此例行 申嚴直省學臣考試徇私之弊督撫勒索學院棚規司道需索常規及學臣與者皆革職提問如有勢宦京官請託及教官逸捕進士舉人等求情者事發分別治罪學臣隱徇者革職提問知府有包攬入學童生將文理庸劣之人濫行考送者革職提問學臣扶同作弊者亦如之督撫提鎮有開送秀才童生及知縣賄薦案首者革職提問學臣扶同作弊者亦如之凡學臣遇有挾制干請准其封奏上 聞至如奸胥猾吏勾通內外拍搨不法者令該地方官察拿究處其祖父兄弟爲子孫弟姪營謀入學者除本童責革外有官者革職無官者從重治罪頒 聖諭十六條於直省學宮一敦孝弟以重人倫一篇宗族以貽雍睦一和鄉黨以息爭訟一重農桑以足衣食一尚節儉以惜財用一隆學校以端士習一黜異端以崇正學一講法律以儆愚頑一明禮讓以厚風俗一務本業以定民志一訓子弟以禁非爲一息誣告以全良善一戒窩逃以免株連一完錢糧以省催科一聯保甲以弭盜賊一解雙懸以重身命每月朔望令儒學教官傳集該學生員宣讀務令遵守違者責令教官并地方官詳革治罪 四十五年定考試儒童出題例先是三十六年定學臣考試童生出四書題一道令作時文小學題一

道令作論至是更定儒童正考時仍作四書文二篇覆試作四書文一篇小學論一篇 五十一年
升朱子配享位於 大成殿 上以孔孟之後有裨斯文者朱子之功最爲宏鉅應禮表章 特
論大學士等詳議具奏尋議宋儒朱子配享 孔廟本在東廡先賢之列今應升於 大成殿十哲
先賢卜子商之次以昭表章至意從之前期遣官二人祇告 先師孔子及朱子位前通考

五十二年議準直省府州縣各立義學志通

初設算學館選八旗世家子弟學習算法以大臣官員精於數學者司其事 特命皇子親王董之

考通

雍正元年敕各直省現任官員自立生祠書院令改爲義學延師授徒以廣文教又議準州縣大鄉
鉅堡各置社學擇生員學優行端者補充社師於學臣按臨之日申報查考分別去取又定歸化城
土默特兩旗每旗設學一處教習兵丁子弟滿洲蒙古繙譯又定八旗蒙古護軍領催驍騎內通曉
經籍明白繙譯熟練 國語蒙古語者選取蒙古教習十六人分旗赴學與助教同教蒙古官學生

志通

又設立八旗學堂 恩詔養育人材首以學校爲要宗室內有俊秀情願讀書及八旗秀才童生內
或有家貧不能延師讀書者宜各設立學堂一槩教育尋禮部議得八旗設立學堂分左右翼每翼
各於公所設立學堂二所各設漢書教習二員滿漢書教習二員旗人內有家貧不能延師之秀才

童生情願讀漢書者令入漢學堂學習情願讀滿漢書者令入滿漢學堂學習其漢書教習於吏部
咨取守部舉人於國子監咨取恩拔副歲貢生其滿漢書教習於八旗咨取恩拔副歲貢生臣部奏
請簡命大臣考選才學優長清漢精通者充職二年復定宗室官學之制左右兩翼官房每翼
各立一滿學一漢學王貝勒貝子公將軍及閑散宗室子弟十八歲以下有願在家讀書者聽其在
官學子弟或清書或漢書隨其志願分別教授十九歲以上已曾讀書者亦聽其入學兼習騎射每
學以王公一人總其事設正教長二人副教長八人宗室中行每年長者充之清書教習二人選
罷閒滿官及進士舉貢生員善繙譯者充補騎射教習二人選罷閒官及護軍校護軍善射者充補
漢書每學十人設教習一人令禮部考取舉貢充補每月考試分別等第申報註冊春秋二季宗人
府親加考試優者奏聞引見其教長給與官俸教習給與銀米衣服期滿三十六月稱職者議
敘授官平等者再留教習三年不稱職者參處讀書子弟月給紙墨筆及冬夏冰炭等物定案學五
年考試一次之例增定文廟從祀諸賢及世襲五經博士之制論禮部等衙門治天下之要
崇師重道廣勵澤宮爲先務朕親詣太學釋奠先師孔子禮畢進諸生於彝倫堂講經論學凡以明
道術崇化源非徒飾園橋之觀聽也維孔子道高德厚萬世奉爲師表其祠享廟庭諸賢皆有羽翼
聖經扶持名教之功然歷朝進退不一而賢儒代不乏人或先罷而今宜復有舊缺而今宜增其
從祀崇聖祠諸賢周程朱蔡外孰應升堂附享者並先賢先儒之後孰當增置五經博士以昭崇報

均關大典九卿翰林國子監詹事科道會同詳考定議以聞尋遵 旨議奏古昔聖王制祀凡有道德施教於學者祀於瞽宗漢文翁立學宮於成都首祀孔子又畫七十子之像於壁此諸賢從祀之始也厥後有功經傳皆得從祀謂之經師自唐至明歷代進退不一而當代賢儒得與於典禮蓋自宋始伏讀 聖諭云耐饗廟庭諸賢或有先罷而今宜復者 臣等議得明嘉靖時釐定祀典改祀於鄉者七人林放蘧瑗鄭康成鄭眾盧植服虔范甯罷祀者四人秦冉顏何戴聖何休今俱宜復其從祀也 聖諭云有舊缺而今宜增者 臣等公同詳考先儒事實請增入兩廡從祀者共十八人孟子門人樂正子公都子萬章公孫丑漢諸葛亮唐陸贄宋韓琦尹焞黃幹陳澧何基王柏元金履祥許謙陳澔明羅欽順蔡清 本朝陸隴其允宜增入祀典者也 聖諭云崇聖祠或有可升而耐者 臣等議得宋張子橫渠之父張迪一人可以耐入崇聖祠 聖諭云先賢先儒之後孰當增置五經博士 臣等議得孔門弟子冉伯牛仲弓冉求宰予子張有若六子均宜確訪嫡裔賜以世襲五經博士以昭崇報者也 旨先儒從祀文廟關係學術人心典至重也宜復宜增必詳加考證折衷蓋善庶使萬世遵守永無異議爾等所議復祀諸儒雖皆有功經學然戴聖何休未為純儒鄭眾盧植服虔范甯謹守一家言轉相傳述視鄭康成之渙賈深通似乎有間至若唐之陸贄宋之韓琦勳業昭垂史冊自是千古名臣然於孔孟心傳果有授受而能表彰羽翼乎其他諸儒是否允協以及宰予冉有增置博士之處著再公同確議務期至當不易具奏至是遵 旨再議從祀孔廟宜復祀者六

八林放遠環秦冉顏何鄭康成范甯宜增祀者二十八人縣置牧皮樂正子公都子萬章公孫丑諸葛亮尹熲魏了翁黃幹陳淳何基王柏趙復金履祥許謙陳澧羅欽順蔡清陸隴其入崇聖祠者一人張迪宜增置博士者四人冉雍冉伯牛子張有若此三十一人或親承訓論遞衍源流或遠契心傳倡明正學升諸從祀之列予以延世之賞人心公論皆為允合得 旨朕念先賢先儒扶持名教羽翼聖經有關學術人心爰命九卿詳議今諸臣參考周詳評論公正甚合朕心著依議行 命擇孔氏子孫之賢者同曲阜縣教官同訓迪通考

三年奏準將 文廟祭器樂器式樣刊刻頒行直省畫一製造又議準王公將軍及閑散宗室子弟十八歲以下願就學讀書者均令入宗學分習清漢書兼習騎射又漢教習缺將舉人及恩拔副成優貢生由禮部奏請 欽命大臣考取充補景山覺羅教習俱與此同又申嚴士子糾眾結社之禁又議準

刊布 聖諭廣訓萬言論 御製朋黨論俾各學官朔望宣讀 七年議準覺羅八旗按旗各擇官房一所立為衙署旁設滿漢學各一 又議準設立 咸安宮官學漢書十二房每房設漢教習一人清書三房每房設滿教習一人再設教射三人教 國語三八又議準滿洲蒙古每參領下各設學舍一所十二歲以上幼丁俱準入學習清文 國語蒙古語又議準八旗漢軍子弟學習清文令各在本旗就近地方設立學舍一所每佐領下簡選一二人專教習清文通志

八年更定學政歲科兩試加試經策例先是元年定歲考用四書文二篇科考加經文一篇冬日四

書文一篇經文一篇至是更定歲試作兩書一經冬日一書一經科試作一書一經一策冬日一書

一策草率塞責者歲試不准優等科試不准錄送 十一年定優生准作貢監例先順治十五年以

科臣王命岳疏言貢途壅滯遂停止選用優生之例至是禮部奏言各省優生令學政出具考語具

題送部從前祇議升入太學並未分晰貢監名色以致一切考試錄用皆無從著落今擬優生由陳

增升入太學者准作歲貢附生武生准作監生皆由部換給執照割監肄業 命直省省城設立書

院各 賜帑金千兩爲營建之費 諭內閣各省學政之外地方大吏每有設立書院聚集生徒講

誦肄業者朕臨御以來時時以教育人材爲念但稔聞書院之設實有裨益者少浮慕虛名者多是

以未嘗敕令各省通行蓋欲徐徐有待而後頒降諭旨也近見各省大吏漸知崇尚實政不事沽名

邀譽之爲而讀書應舉者亦頗能屏去浮囂奔競之習則建立書院擇一省文行兼優之士讀書其

中使之朝夕講誦整躬勵行有所成就俾遠近士子觀感奮發亦興賢育才之一道也督撫駐劄之

所爲省會之地著該督撫商酌奉行各賜帑金一千兩將來士子羣聚讀書須預爲籌畫資其膏火

以垂永久其不足者在於存公銀內支用封疆大臣等並有化導士子之職各宜殫心奉行黜浮崇

實以廣國家菁莪棫樸之化則書院之設於士習文風有裨益而無流弊乃朕之所厚望也

乾隆元年命免舉貢生員雜色差徭是時各省有令生員充當總甲圖書之役者奉 上諭嗣後舉

貢生員等著概行免派雜差俾得專心肄業倘於本戶之外別將族人借名濫免仍將本生按律治

罪 三年上臨雍禮成以聖賢後裔來京觀禮者三十一人入監讀書先是行聖公孔廣榮奏觀學大典聖賢後裔例得陪祀五經博士東野衍兆未得一體觀光仰請 敕部收錄奉 旨允行又

命以先賢閔氏冉氏言氏卜氏顓孫氏端木氏之世襲五經博士均照五氏例行取陪祀并取閔冉等氏各二人赴京觀禮 定賑給貧生例定例各省學田銀糧原爲散給各學廩生貧生之用但爲數無多或地方偶遇歉年貧生不與貧民一例散賑至是奉 上諭凡遇地方賑貸之時着該督撫學政飭令教官將貧生名籍開送地方官核實詳報視人數多寡卽於存公項內量撥銀米移交教官均勻散給資其飽粥如教官開報不實給散不均及爲吏胥中飽者交督撫學政稽察卽以不職參治 停止教授八旗官學算法再設算學先是雍正十二年八旗官學增設算學教習十六人教授官學生算法至是以設立官學教養八旗子弟專以讀書繙譯爲業算學理數精微非童稚所能驟通況以一時之暫教授三十餘人勢難遍及所有官學生習學算法之例舉行停止尋議令欽天監附近專立算學額設教習二人滿漢學生各十二人蒙古漢軍學生各六人卽以向來八旗教習算法由舉人筆帖式貢監生員出身者充補教習補充之日卽於學內學習有成之人考選充補五年期滿量補欽天監等官其滿洲蒙古漢軍各學生卽於八旗官學生內擇其曾學算法資性相近者不拘旗分選取漢人無論舉貢生童或世業子弟願入算學者聽候考試錄取俱照官學例月給膏火功課中線面體三部各限一年通曉七政其限二年每季小試歲終大試分別勤惰去留五年

期滿舉人出身者以博士用餘俱補天文生 四年定各省拔貢生應試經解例學政考試拔貢將
御纂諸經中摘取先儒異同之說令其條分縷晰詳對一學臣察覈至學臣按臨時飭令提調官
按名考驗實係應試儒童略知文義者方准充補若保目不識丁者卽詳明黜革別行選取仍將濫
選州縣學官察參議處 六年選拔八旗貢生嗣後定十二年舉行一次 俄羅斯國遣其子弟來
學於監中滿漢助教內簡發文理明通者各二人引 見簡用滿漢各一人教習清漢書衣服飲食
等項由理藩院給發九年奏准俄羅斯學漢助教爲額外助教咨部別行銓補後復裁去仍照滿助
教例以六堂內助教兼管俄羅斯學事務 八年申定選取樂舞生之例先是五年定府州縣學樂
舞生每學例用六佾額數三十六名外加四名以備事故更替各州縣考選本籍俊秀通曉音律嫻
習禮儀者充補每遇學臣按臨免其府縣兩試由教官冊送府縣敘入考案之後申送院試憑文錄
取至是更定各州縣於與考童生內略知文義者取具鄰族甘結會同學官選補送道解部 定各
省學報優生注明經解例除將實行注冊外仍將通曉何經或五經或三經並行注明將考試經義
一道一併解部磨勘 十六年奉 上諭各省選拔貢生經朕降旨以十二年舉行一次計至癸酉
年卽屆選拔之期惟是來京朝考揀選引見劄監讀書或以知縣等官試用或以教職卽用或以教
職歸班序選條例屢經更定朕思選拔於每學數十百人中拔取一二人且不糊名易書可以驗其
人才核其素行自當精擇以充其選應令該學政於試列前茅之士舉其文理兼優才品出眾者會

同該督撫秉公揄採至庠序爲陶育人才根本今教職率多昏髦龍鍾濫竽戀棧雖定以六年甄別而上官以閒曹多方寬假非國家設官敷教本意應分以年限詳加澄汰所遺員缺卽以應授教職之選拔充補於士風當有裨益所有選拔貢生赴部驗到作何定限及朝考錄用一切規條俱應詳悉酌定永著爲令大學士九卿集議以聞尋議令直省學政於歲科兩試時凡文理優通之廩增附生觀其才品接其言論合之文章已得其大概至考較時屢次優等及見列前茅之士擇其文優品端者秉公選拔卽隨場咨明督撫存案俟科考時竣八月鄉試以前學政傳齊通省選拔之生會同督撫通行覆試驗看給與貢單咨文赴部仍將正覆原卷送部磨勘再順天學政選拔滿洲蒙古漢軍生員應于鄉試前奏請 欽命大臣會同覆試驗看奉天由府丞選拔應會同府尹覆試驗看福建臺之府由臺灣道選拔移送福建學政會同督撫覆試驗看倘驗覆不堪充選仍發回原學肄業至到部之期統以其年十月起限四川廣東廣西雲南貴州定限八月於次年五月到部江西福建浙江湖北湖南陝西限六月於次年三月到部直隸奉天河南山東山西江南限四月於次年正月到部禮部卽照定限奏請 欽命大臣於 午門內考試分別三等進 呈如有文理荒謬不入等者學政照例議處督撫亦一併議處至 朝考取列優等者九卿簡選引 見候 旨分別錄用再直省府州縣教職飭令督撫三年一次澄汰將實在年力就衰者勒令休致澄汰員缺卽以簡選引見之拔貢充補未入簡選者仍劄監肄業從之 十七年議準八旗未及歲之世職於八旗兩翼

各設官學二所 簡命一二品大臣專管教訓並設教習 國語及騎射之人三年期滿管學大臣請 旨特簡王公大臣考試分別辦理又奏準八旗世職既經於兩翼設立官學教導將現在官學肄業之世職子弟咨回各旗所有八旗官學各增設之漢教習一人亦行裁汰教射教習亦咨回本旗行走教射教習既經咨回則每學教射未有專員嗣後將蒙古教習之每學二人以一人教習字話以一人教習騎射行文該旗遞語音嫻熟弓馬可觀者充補 二十三年改定歲科兩試文藝之例向例生員歲試作四書文二篇經文一篇冬日一書一經科試作四書文一篇經文一篇時務策一篇至是御史劉龍光奏請歲試用一書一經科試用一書一策不論春夏秋冬考試俱增試律詩一首五言六韻學臣命題遵照鄉試題定之例期於中正雅馴不許引用僻書私集其應用韻本令學政官備辦臨期給發以便士子檢閱部議應如所請從之 二十五年改定考試童生文藝之例向例四書文二篇經文一篇至是裁去四書文一篇增試排律以一書一經一詩命題定直省學臣考試無得割裂命題並停止試卷解部磨勘之例 二十八年定江西棚民入學悉歸土籍之例先是雍正九年定棚民另額取進之例至是議準均歸土籍考試毋庸另立棚籍以杜冒佔

題

三十四年議准烏魯木齊設立學額其文章考試令陝甘學政封題送駐劄大臣嚴行局試試畢封送學政按額取進武童外場仍用雙好單好字樣區別取進三十六年議準 盛京學宮需用樂舞等器按照 欽定皇朝禮器圖如式製造其額設樂舞生酌選精通音律者送太常寺肄業俟熟諳

時各回本學令其轉相傳授

通志

三十七年議准定例娼優隸卒之家不准考試其皂隸馬快小馬禁卒之子孫有朦混捐納者俱照例斥革至門子長隨湖南省有濫行報捐者均予斥革惟民壯一班雍正年間先後議准各省民壯原爲捍禦城署倉庫而設應停其承緝盜犯專令學習武藝其中有技藝可觀者准挑入選伍漸次考拔是民壯旣與兵丁一律拔補自非賤役可比應不便阻其進身之階但各省俱有皂快民壯三班隨時改撥者應令地方官查明除未經改撥之民壯子孫准其報捐應試外其由民壯改充皂快及其先曾充當皂快者仍不准報捐應試以杜冒濫

通考

四十年議覆廩生考列四等停廩不開缺限六月送考定奪四十一年奏準廩生出貢各該學政當堂填給貢單其赴監肄業者取本籍地方官文結並親齎貢單投驗倘無單呈驗除駁回外將遺漏給單之學政參處是年 敕熱河添設學校加廣庠額尋議準熱河本無土著凡流寓民人自家清白寄籍二十年者俱準考試令各廳取定名數申送道考由道轉送學政考取入學並令每廳各設義學一所延請品學兼優之士分司訓課

通志

四十七年諭朕稽古右文究心典籍近來命儒臣編輯四庫全書特建文淵文溯文源文津四閣以資藏庋現在繕寫頭分告竣其二三四分限於六年內按期蕝事所以嘉惠藝林垂示萬世典至鉅也因思江浙爲人文淵藪朕翠華臨在士子涵濡教澤樂育漸摩已非一日其間力學好古之士願

讀中祕書者自不乏人茲四庫全書允宜廣布流傳以光文治如揚州大觀堂之文匯閣鎮江金山寺之文宗閣杭州聖因寺行宮之文瀾閣皆有藏書之所著交四庫館再繕寫全書三分安置各該處俾江浙士子得以就近觀摩謄錄用昭我國家藏書美富教思無窮之盛軌 謹按 國家文治單敷士敦實學我 皇上幾餘念典 特命儒臣編輯四庫全書建文瀾文溯文源文津四閣以資藏度又以江浙爲人文淵藪 特命繕寫全書三分於揚州大觀堂之文匯閣鎮江金山寺之文宗閣杭州聖因寺 行宮之文瀾閣各貯一分俾士子得以就近觀摩以昭嘉惠藝林之至意此誠千古以來文教之隆未有如 今日者也

通考